

Ր. ԱԹԱՅԱՆ

Երաստու

Կաշար



Հայոց երաժշտութեան



ՀԱՅՈՒԹՅՈՒՆ ՊՐԵՄԻՆԻՄԱՆ  
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ



Գուսան Հայլասի

Ռ. ԱԹԱՅԱՆ

# ԳՈՒՄԱՆ ՀԵՎԱՍԻ

(Կյանքը և ստեղծագործությունը)

Հ 10707  
Ա



S U S T E R N

ԵՐԵՎԱՆ

1 9 6 3

РОБЕРТ АРШАКОВИЧ АТАЯН

ГУСАН АВАСИ

Жизнь и творчество

(На армянском языке)

Армянское государственное издательство  
(Айнетрат), Ереван 1963

Խմբագիր՝ Պ. Միքայելյան, Նկարիչ՝ Մ. Տիրատուրյան, Գեղ. խմբագիր՝ Օգ. Ասատրյան, Տեխ. խմբագիր՝ Վ. Եզանյան, Վերսու սրբազնի՝ Ա. Երիցյան

ՎՃ 10586

Պատվեր 1526

Տիրաժ 2000

Հանձնված է արտադրության 11/V 1963 թ.:

Ստորագրված է տպագրության 12/VII 1963 թ.:

Թուղթ՝ 70×108 1/32; Տպագր. 3,37 մամ., = 4,62 պայմ. մամ.,  
հրատ. 4,5 մամ. + 3 ներդիր:

Գինը՝ 21 կ.:

Հայկական ՍՍԾ Կուլտուրայի մինիստրության Հրատարակչությունների  
և պոլիգրաֆ արդյունաբերության գլխավոր վարչության  
և 6 տպարան, Երևան, Թումանյան փողոց, Ֆ 51:

**Ա**րդաշատ համերգային դահլիճում երեկոն մոտենում է իր վախճանին: Ուկնդիրները հուզված, ոգևորված են: Նրանք չեն ուզում բեմահարթակից դուրս թողնել երեկոյի հերոսին, որը դժվարությամբ բեմի խորքից մինչև կենտրոնն է առաջանում՝ մի անգամ ևս գլուխ տալու շնորհակալ հանդիսատեսին: Մարդիկ ուզում են կրկին լսել սրտառուշ երաժշտությունը, պահանջում են նոր գործեր կատարել կամ գոնե կրկնել կատարված երգերը, որոնք այնքան գողտրիկ են ու ոգեշունչ, որոնց մեջ այնքան պարզ լսվում է կյանքի զարկերակը...

Ո՞վ է այդ արտիստը, երեկոյի ծրագրի հեղինակը, որ կարողացել է իր ստեղծագործություններով այդպես գերել հասարակության սրտերը, ո՞ւմ է ծափահարում հասարակությունն այդպես եռանդագին, խնդրելով չհեռանալ բեմից, — նա ո՞չ կոմպոզիտոր է այս մասնագիտության ժամանակակից հասկացողությամբ, ո՞չ էլ պրոֆեսիոնալ երաժիշտ, նվագող կամ երգող: Նա ժողովրդական ստեղծագործող, պատմող ու

երաժիշտ է, ժողովրդի կողմից ճանաչված ու սիրված Գուսան Հավասին է նա:

Գուսան Հավասի— այս երկու բառը, որ կազմում են ինքնուս գեղարվեստագետի անունը, շատ բան են ասում, մեծ իմաստ ունեն:

Գուսանը ժողովրդական ստեղծագործության վարպետ է, որ իր մեջ միավորում է զրուցասացի, բանաստեղծի և երգահանի, երգչի, երաժշտի և ասմունքողի ցայտուն ունակությունների: Գուսանների արվեստը համարվում է հայ ժողովրդական ստեղծագործության մի պրոֆեսիոնալ ճյուղը: Անհատական ստեղծագործության կնիք կրելով և դրանով բուն ժողովրդական՝ կոլեկտիվ ստեղծագործությունից տարբերվելով, գուսանական արվեստը թե՛ երաժշտական և թե՛ խոսքային բաժիններում ունի նաև իր սեփական օրենքները, նախասիրած թեմաներն ու կերպարները, իր առանձնահատուկ մոտեցումը կյանքի երևույթներին: Այս բոլորի շնորհիվ գուսանների արվեստը բուն ժողովրդականից (օրինակ, գեղջկականից) տարբերվում է իր ոճով: «Դա գուսանական երգ է»— կասի ամենոք, անսխալ կերպով զանազանելով իր լսած գուսանական երգը սովորական ժողովրդականից:

Գուսանական արվեստի արմատները թաղված են խոր հնության մեջ: Այդ են վկայում Հին-հայկական պատմիչների աշխատությունները: Դա հաստատում է, օրինակ, 5-րդ դարի պատմիչ Մովսես Խորենացին. նրա «Հայոց պատմության» մեջ տեղեկություններ կան իրեն ժամանակակից գուսանների ու գուսանական երգերի մասին և հատվածներ են բերված հնագույն ժամանակների գուսանական ասքերից: Այդ է վկայում նաև հայկական «Սասունցի Դավիթ» դյուցազնավեպը,

որտեղ մեծ տեղ է տրված գուսաններին ու նրանց ստեղծագործությանը: Վերջապես, դա երկում է հենց հայ նշանավոր գուսանների ստեղծագործությունների բնույթից, ստեղծագործություններ, որոնց մեջ անդրադարձված են բազմադարյան ավանդություններ և ժողովրդական իմաստություն:

Գուսանները ժողովրդի լայն խավերից ելած մարդիկ են, որոնք սպասարկել են ժողովրդի բոլոր խավերին՝ հասարակ ու ամիկներից ու քաղաքացիներից մինչև հարուստները, իշխաններն ու թագավորները: Գուսանների երգն ու նվագը հնչել են ժողովրդական ամեն տեսակի հավաքույթներում: Գուսաններն ամենուր ցանկալի հյուրեր են եղել, իսկ հնում մասնակցել են նաև թատերախաղերին: Բնորոշ է, որ նրանք սովորաբար հանդես են եկել ոչ միայն որպես զվարճացնողներ, այլև որպես բարոյականության քարոզիչներ, խրատողներ ու լուսավորիչներ: Հանդիսանալով բարոյական առաջադեմ նորմաների կրողներ, նրանք գովերգել են մարդկային առաքինությունները, խարազանել արատները: Իրենց արվեստը՝ աշխատավոր ժողովրդի խոհերի ու ակնկալումների արտահայտությունը, առանձնապես նոանդուն հակադրել են եկեղեցու կրօնական դոգմաներին:

Հնագույն շրջանում, հայկական ստրկատիրական և վաղ-ֆեոդալական հասարակարգերում գուսանական արվեստն իր կիրառության տարրեր բնագավառներին համապատասխան ունեցել է մի շարք ինքնուրույն ճյուղավորումներ: Ըստ երեւույթին, առանձնապես կարեոր է եղել վիպասանների գերը, որոնք, ըստ Խորենացու վկայության, փանդիոի նվագակցությամբ ասել ու երգել են պատմական երգեր ու զրույցներ, «երգը վիպասանաց»:

Հայ գուսանների բանաստեղծական արվեստի շատ բարձրարժեք նմուշներ պահպանվել են միջին դարերից (սկսած 12-րդից): Այսպես կոչված հայրենները \*, բովանդակությամբ բազմազան և ծավալով երբեմն բավական ընդարձակ այդ ոտանավորները պարունակում են հարուստ կերպարներ, աշքի են ընկնում տրամադրության անմիջականությամբ և վառ կենսասիրությամբ: Սեր և կյանքի վայելք— ահա գուսանական հայրենների մեծ մասի թեման: Բնորոշ են և դրանց եղանակները՝ առատորեն դարդարուն, երկարածոր, երբեմն վիրտուոզային \*\*:

Ավելի ուշ, 17 և 18-րդ դարերում, «գուսան» անվան փոխարեն գործ է ածվում «աշուղ»-ը: Պահպաննելով իր աղգային պատկերը, ժողովրդական երաժշտական ու բանահյուսական հիմքը, հայ գուսանական արվեստը, արևելյան հարեւան ժողովուրդների նույնանման արվեստների հետ ավելի լայն շփման մեջ լինելու շնորհիվ հարստանում է ընդհանուր-արևելյան տաղաշափական ձևերով, նոր, տիպիկ արևելյան կերպարնեներով ու թեմաներով\*\*\*: Այսպիսով հայ գուսանները ձեռք են

\* Հայրեն— «հայրեն» խոսքից— կոչվում է հայ միջնադարյան ժողովրդական և պրոֆեսիոնալ բանաստեղծության մեջ ընդունված տաղաշափական մի հատուկ ձևը:

\*\* Հայրենների մեղեղիների մասին դաղափար ենք կազմում Կոմիտաս սի ձայնագրումներից («Ծար Ակնա երգերի», Վաղարշապատ, 1895):

\*\*\* Աշուղական արվեստի այդ ընդհանուր-արևելյան բանաստեղծական ձևերի ստեղծման ու զարգացման գործում, այլ ժողովուրդների ներկայացուցիչների հետ մեկտեղ, մասնակցել են և հայ ժողովրդական երդիչները, որոնց գործունեությունը դեռևս միջին դարերում ծավալվել էր հսկայական տերիտորիայի վրա՝ Անդրկովկասից մինչև Միջին ու Մերձավոր Արևելքի մի շրբ երկրների հեռավոր անկյունները:

բերում գծեր՝ Հատուկի Արևելքի ժողովրդական այն երգիշներին, որոնց ամեն տեղ աշուղ են ասում: Ակնբախ հուզականություն, պոռթկուն կիրք, Հռետորական պաթոս,— այսպիսի հատկանիշներ ունեցող մեղեդիներով աշուղները վառ ու պատկերավոր կերպով հաղորդել են իրենց բանաստեղծական ամեն մի տողը: Հայ աշուղական արվեստի զարգացման բարձրակետը այդ շրջանում հանդիսացավ հանճարեղ Սայաթ-Նովան \*:

Հայկական գուսանա-աշուղական արվեստի զարգացումը մի նոր թափ է ստանում 19-րդ դարի երկրորդ կեսին, երբ այդ արվեստի մեջ լայն հոսանքով ներս են խուժում հասարակական մոտիվները, որոշ շափով ետ մղելով ավանդական սիրային թեման իր «վարդ ու բլբուլ»-ով: Հարազատ ժողովրդի ճակատագիրը, նրա աղատազրումը, ժողովուրդների բարեկամությունը, լուսավոր ապագայի համար մղվող պայքարը,— ահա այն թեմաները, որոնք հարստացրին 19-րդ դարավերջի և 20-րդ դարասկզբի հայ աշուղների ստեղծագործությունը: Այդ թեմաները մասնավորապես բնորոշ են Հռչակավոր աշուղ Զիվանու ոտանավորների համար \*\*: Զիվանու բանաստեղծության այդպիսի բնույթը արտահայտվել է նաև նրա երաժշտության մեջ: Հենց դրանից է բխում նրա շատ երգերի անմիջական մոտիկությունը հայ ժողովրդական երաժշտության՝ ազգային բնորոշության տեսակետից առավել ցայտուն նմուշներին՝ գեղչկական երգ-երաժշտությանը:

\* Սայաթ-Նովա— Հարություն Սայադյան (1717—1795)

\*\* Զիվանի— Սերովի Լևոնյան (1846—1909):

Հայ գուսանա-աշուղական արվեստի դարավոր ավանդություններն այնքան կենսունակ գուրս եկան, որ սերնդից-սերունդ փոխանցվելով՝ հասան մեր օրերը։ Պահպանելով բանաստեղծության և երաժշտության հատկությունները, այդ արվեստն այժմ նորացել է սոցիալիստական բովանդակությամբ, համապատասխանաբար նորացել են և նրա երաժշտական-բանաստեղծական ձևերը։ Շատ բան փոխվել է նաև հենց աշուղների պրոֆեսիոնալ կենցաղում, արտիստական կյանքում։ Նրանց ելույթները գյուղական կիսախավար օդաների և քաղաքային սրճարանների փոխարեն այժմ տեղի են ունենում լուսավոր ակումբներում, ինչպես երևաց մեր նկարագրությունից, համերգային ընդդրձակ դահլիճներում։

Նախահեղափոխական հայ աշուղական արվեստի ժառանգորդներն այժմ դարձյալ գուսաններ են կոչում իրենց և դրանով ընդգծում այդ հինավուրց արվեստի հիմնավորությունն ու հարատեսությունը։

Գուսան Հավասին էլ սովետահայ գուսանական արվեստի փայլուն ներկայացուցիչներից մեկն է։ Այդպիսին է նրա գուսանական անվան առաջին բառի էությունը։

Այդ անվան երկրորդ բառը՝ «Հավասի», աշուղական մականուն է, որ համարյա կես դար առաջ շնորհվել է այն ժամանակ դեռ շատ երիտասարդ աշուղ Արմենակ Մարկոսյանին և նշանակում է, որ այդ անվան տերը գործի կազում ու իր գործը կատարում է մի առանձին հակումով, հավասով։

Հավանորեն դեռ այն ժամանակ Արմենակ Մարկոսյանին այդպիսի մականուն շնորհելու ժանրակշիռ հիմքեր են եղել Դե, իսկ այժմ, երբ պայծառ լույսով ողողված դահլիճում հասարակությունն այդքան բարձր է գնահատում գուսանի ստեղ-

ծագործությունը և շնորհակալություն հայտնում նրա պատճառած գեղարվեստական հաճույքի համար, «Հավասի» մականվան հիմնավորվածությունն առավել ևս հաստատվում է:

Գուսան Հավասին ինքն էլ անասելի հուզված է: Այդ ծափերը, շնորհակալական, դովասանական այդ բացականչությունները թափանցում են նրա սրտի խորքերը: Նա այդ բուրը պարզ լսում է... Բայց միայն լսում է...

### Կ Յ Ա. Ն Ք Ը

Անցյալ դարի մայրամուտին էր այդ: 1899-ի ապրիլյան մի պարզ առավոտ հայկական Այալմա գյուղում, որը Մալկայի շրջանում, Ախալքալաքի և Մանգլիսի միջև է գտնվում\*, հայտնվում է մի հույն քահանա:

Տեղեկանալով գյուղի ազդեցիկ մարդկանց մասին, նա հաստատ բայլերով ուղղվում է դեպի հարուստ գյուղացի Պողոս-ապօր տունը: Կարճատե խոսակցությունից պարզվում է եկվորի մտադրությունը: Մարդասիրական զգացմունքներից դրդված թե պարզապես դրամ վաստակելու նպատակով քահանան ուղում է գյուղի բոլոր երեխաների ծաղիկը ծեծել:

Պողոս-ապօրը, թեև հարուստ, բայց անգրագետ մարդ, ըժշկությունից բան չի հասկանում: Բայց և այնպես գլխի ընկնելով, որ գործը բարի է, իր տան սենյակներից մեկը տրամադրում է քահանային: Շուտով այդ տան հողե կտրին երիվում է Պողոս-ապօր ձայնեղ մշակը.

— Հե՞տ, գեղացի՞ք, — հայտարարում է նա ի լուր ամեն-

\* Վրացական ՍՍԾ,

քի,— տղաքը բներեք ապոր տունը ծաղիկը ծեծե՞ք... երկու շահի ալ փարա բերեք...

Մեր դարում տարօրինակ կթվա, եթե ասենք, որ այազմացիները, Համենայն դեպս նրանցից շատերը, իքենց երեխաներին ծաղիկ պատվաստելու էին բերում ոչ թե հասկանալով այդ գործողության իմաստը, այլ սոսկ ենթարկվելով հրավիրողի հեղինակությանը: Ուրեմն՝ որքան խորառես է գտնվել «բժիշկը», դիմելով «ապոր» միջամտությանը: Եվ այնուամենայնիվ, պարզվում է, որ նա ամեն ինչը մինչև վերջ չի կանխատեսել:

Ահա տունը լցվում է երեխաներով, գոյանում է տարրեր հասակի բոկոտն տղաների ու աղջիկների մի երկար շղթա: Եկվոր հույնը ջանասիրությամբ կատարում է ոչ բարդ գործողությունը, գրպանն էլ լցվող սև ու սպիտակ դրամներից քիչ-քիչ ծանրանում է: Թկրը վեր քաշած, նրան է մոտենում ամենափոքրահասակ հաճախորդներից մեկը՝ Արմենակը: Եվ հանկարծ... սենյակ է ներխուժում տանտիրուհին, Պողոս-ապոր տիկինը... Ոչ դես, ոչ դեն. մի հսկայական քայլ կատարելով, շարացած կինը վրա է հասնում, պինդ բռնում երիտասարդ բահանայի միրուքը և սկսում է ամբողջ ուժով թափահարել.

— Իմ տան մեջ աստծուն հակառակ բանե՞ր ես անում, — մոնշում է նա...

Եվ իսկույն «բժշկին» վոնդում են գյուղից: Երեխաներից շատերը, իսկ նրանց թվում և փոքրիկ Արմենակը, մնում են առանց պատվաստման: Հակառակի պես երկու-երեք ամսից գյուղում ծաղիկ է բռնկվում: Երեխաների մի մասը փրկվում է, մի քանիսը մահանում են, մի քանիսն էլ կուրանում:

Սկսվում են և փոքրիկ Արմենակի՝ իրենց ընտանիքի միակ

տղայի վնասված տեսողությունը վերականգնելու հոգսերը:  
Բայց ի՞նչ բժշկություն կարող է լինել, եթե ամբողջ շրջանում  
ոչ մի բժիշկ չկա: Առաջինը, ինչին ստիպված դիմում են Ար-  
մենակի ծնողները, ավանդական մատաղն է, ապա և՝ հեքիմ-  
ների խորհուրդները: Երկար ժամանակ երեխայի աշքերը կա-  
տած են պահպամ: Անհեռատես ծնողները փայփայում են այն  
հույսը, թե երեխան ապաքինվում է: Որպեսզի համոզվեն  
դրանում, դուրս են բերում վառ արեին ու աշքակապերը բա-  
ցում: Եվ երբ նրանց համար անսպասելի պարզվում է, որ տը-  
զան այնուամենայնիվ շի տեսնում, հեքիմը հեղինակավոր  
կերպով բացատրում է, թե իբր արեն այրեց տղայի աշքերը:

Այսպիս բազմաթիվ այլ երեխաների հետ փոքրիկ Արմե-  
նակը ևս խավարի ու տգիտության զո՞հ է դառնում: Բժշկական  
օգնության բացակայության պայմաններում նրա բարեսիրտ  
ծնողների շանքերն ել ոչ մի արդյունքի շեն հասնում: Երեք  
տարեկան Արմենակն ընդմիշտ զրկվում է լուսից, և այդ հան-  
գամանքը, բնականորեն, անդրագառնում է նրա հետագա ճա-  
կատագրի վրա:

Իսկ ովքե՞ր էին Արմենակի ծնողները:

... 1828—29 թվականներին ոռւս-պարսկական և ոռւս-թուր-  
քական պատերազմները ավարտվում են ոռւսական զորքե-  
րի հաղթանակով: Թուրքմենչայի պայմանագրով Հայաստա-  
նի արեւլյան նահանգների մի մասը անցնում է Թուսաստա-  
նին: Հայ ժողովուրդը, որ իր երկրում շահական Պարսկաստա-  
նի և սովորական թուրքիայի տնօրինության երկար դա-  
րերի ընթացքում անասելի հալածանք էր կրել, աղատվում է  
վերջնական ոչնչացման վտանգից և ոռւսական տիրապետու-  
թյան տակ ձեռք է բերում համեմատական ազատություն,

գոնե ֆիզիկական գոյության հնարավորություն։ Մուսաստանին միակցված հայկական նահանգները պարսկական և թուրքական լծի տակ կեղեքվող հայերի համար ձգողական կենտրոն էն դառնում։ Ուրիշների թվում դեպի ոռուական սահմաններն է ձգառն և Մարկոսյանների ընտանիքը՝ Արմենակի պապը, 1829 թվին երգուումից տեղափոխվելով Ծալկայի շըրջանը, Այազմա։

Պետոյենց Պարսամի (Արմենակի Հոր) նահապետական բազմազավակ ընտանիքում տղայի ծննդյան պահին, 1896 թվի հունվարի 6-ին, արդեն կար հինգ աղջիկ։ Ավելի ուշ՝ Արմենակը զարձավ ութ քրոջ եղբայր։ Իհարկե, ցարական ուժիմի օրոք, ոռուական ծայրագավառների դժվարին պայմաններում ծանր էր ընտանիքի գործը։ Հովք քիչ էր, անբերի։ Բայց ընտանիքն աշխատասեր էր։ Ծնողներն ամեն ինչ անում էին, որպեսզի պահեն ու մեծացնեն երեխաներին, իսկ առանձին հոգատարություն էին ցուցաբերում բոլորի սիրեցյալ դժբախտ Արմենակի նկատմամբ։

Հայ գուսանների մեջ ավանդություն կա՝ իր մի քանի ոտանավորում ու երգերում, հատուկ նպատակով կամ «ի միջի այլոց» գուսանը հաղորդում է իր կենսագրությունը կամ իր կյանքից մեջ է բերում առանձին նշանավոր դեպքեր։ Հնում դա եղել է մի յուրօրինակ և թերևս միակ հնարավոր միջոցը՝ ուերունդների համար պահպանելու ժողովրդական երգն կենսագրության գոնե ամենահիմնական տվյալները։ Այսպիս, Սայաթ-Նովայի մասին մեղ հայտնի կենսագրական մի շարք կարևորագույն տվյալների, մասնավորապես մեծ գուսանի ծննդյան թվականի աղբյուրը հենց նրա ոտանավորներն են։ Դուսան Հավասին իր ոտանավորներից մեկում, նվիրված

Հայրենի գյուղին, նկարագրել է իր անուրախ մանկությունը:

Ոչ մեծ, լեռնային հայաբնակ գյուղում (նույն շրջանում ապրում էին նաև հուշներ և փոքրաթիվ թուրքեր) հինավորց վանք կար, որի տակից մի աղբյուր էր բխում: Աղբյուրի ջրերը գլուխով իջնում, խառնվում էին ձորով հոսող գետակին: Հաճախ այստեղ էր գալիս կույր պատանին: Նա ոչ սար էր գնում ուրիշ տղաների նման, ոչ վար ու ցանքի, մեկն ու մեկի հետ թափառում էր մոտակա հանգերում, կամ շոգին «կաթնաղբյուրի» սառնորակ ջրով զովանալու համար իջնում վանքի ձորը: Ընկերները խաղում էին, զվարճանում, վիճում ու կատակում, իսկ նա շարունակ տիսուր էր, մտախոհ: Նայելով նրա վիճակին, նրա «անլուս ման գալուն», հայրն ու մայրը տանջվում էին, նզովում իրենց ճակատագիրը:

Արմենակի անուսում ծնողները, սակայն, շնորհունակ մարդիկ էին և ժողովրդական արվեստի տոհմային ավանդություններ էին պահպանում:

Նախկին Ախալքալաքի գավառը և մոտակա շրջանները հայկական մի շարք այլ գավառների նման գուսանական արվեստի հարուստ օջախներից են: Այստեղ բնակված հայերից շատերը ծագումով ելել են Մուշից, Բասենից, Կարինից կամ Սասունից՝ Հայաստանի այն շրջաններից, որոնք իրենք էլ հոշակված են ժողովրդական երաժշտական ստեղծագործության ավանդություններով: Ախալքալաքի գյուղերից համարյա ամեն մեկն ինչ-որ բանով հայտնի է դարձել աշուղական արվեստի բնագավառում: Դիլիջը հայտնի է աշուղական հեքիաթներով ու հեքիաթ պատմողներով, ձմռան երկար գիշերները գյուղացիներն այստեղ կարճում են անվերջանալի հե-

քիաթներ լսելով. Զիգրաշենը լավ երգողներ ու պատմողներ ունի, բոլորը՝ մեծից փոքր, երգիչներ են. Խանդոյում աշուղական մրցումներ են կայանում երեկոները. Սուզդալից է ելել աշուղ Թիֆիլին. Կարղախը մեծ Զիվանու և նրա վարպետ Սիյահու Հայրենիքն է: Եվ այլն և այլն:

«Հայրս,— պատմում է Հավասին,— աշուղ չէր, բայց վարպետորեն պատմում էր աշուղական Հեքիաթներ, ինքն էլ հորինում էր, շատ երգեր գիտեր ու լավ երգում էր: Ընդհանրապես մեր ամբողջ ազգուտակը աշուղական արվեստից լավատեղյակ էր»:

Հայտնի է, որ աշուղների (երեմն թափառական), ժողովրդական այլ երգիչների, պատմողների կամ ինքնուս հորինողների մեջ հաճախ հանդիպում են կուցրեր: Ժողովրդական կուցր երաժշտի կերպարը գրականության մեջ է մտել շատ ժողովուրդների մոտ: Բնական է և այս գեպքում, երբ Արմենակի ծնողները դիմեցին հատկապես աշուղական արվեստին, որպեսզի երեխային մի բանի զնեն: Բայց արդարությունը պահանջում է ասել, որ ոչ բոլոր կուցր աշուղներն են աշուղությամբ պարապել այն պատճառով միայն, որ ուրիշ զործով չեն կարող եխն լինել և գեղարվեստորեն շնորհալի մարդիկ: Գոնեայդպիսին է եղել հայտնի հայ աշուղ Շիրինը: Կուրացել է դեռևս երկու տարեկան հասակում, երիտասարդ հասակում նվիրվել աշուղական արվեստին և օժտված լինելով բնատուր ձիրքով, թողել է թեև ոչ մեծ, բայց գեղարվեստական տեսակետից բարձրարժեք բանաստեղծական ու երաժշտական մի ժառանգություն, որը անցյալի հայ աշուղական արվեստի մեջ

իր արժանի տեղն ունի \*: Եվ եթե աշուղոթյամբ պարապելը կույրերի համար դեպքերի ճնշող մեծամասնությամբ սոսկ գոյցություն պահպանելու միջոց է եղել, ապա այնպիսիների համար, որպիսին Շիրինն է, ժողովրդական արվեստով պարապելը իսկական կոչում է հանդիսացել:

Հենց այդպիսին եղավ նաև գուսան Հավասին:

Մանկական տարիներին Արմենակը շատ զգայուն ու ընդունակ երեխա էր: Կույր երեխայի նրբազգացությունը հասնում էր այնուղղ, որ, ինչպես պատմում են հարազատները, նա կարող էր լավաշի հստից անսխալ կերպով որոշել, թե գյուղի հարսներից ո՞րն է թխել լավաշը:

Կույրերի հիշողությունն արդեն հայտնի բան է: Դեռևս պատանի հասակում նա շատ սուր հիշողություն ուներ: Մի անգամ լսելով գուսանական ոտանավորը, եթե նույնիսկ դա մի տասը տուն ունենար, կարողանում էր անմիջապես, սկզբից մինչև վերջ անգիր անել \*\*: Այժմ, 67 տարեկան հասակում,

\* Վաղարշապատի բնակիչ աշուղը Շիրինը (Հովհաննես Կարապետյան) ապրել է ընդամենը 29 տարի (1827—1856): Նրա ստեղծագործությունը լրիվ չի պահպանվել, գետև լրիվ հայտնաբերված ու գրի առնված չէ: Շիրինը նաև մի շարք ընդունակ աշակերտներ է թողել:

\*\* Հավասին հետևյալ հետաքրքրական դեպքն է պատմում. «Մեր տները զյուղից վերև էին: Անձրևոտ օր էր: Մի զյումբեցի ազ էր բերել մեզ մոտ, ծախել և փոխարենը տախտակ էր առել: Երբ սալլը բարձած, մարզը մեր տան մոտից անցնելով դնում է, դանը նստած հայրս սրտառուշ երգ է լսում: «Ե՞ւ թի լավ երգ էր երգում զյումբեցին, ափսոս, շմեցիր, տղաս, շատ հավենեցա»: Բանի եղելությունն իմանալով, ևս կարճ ճանապարհով հասա սալլին ու հնուր զնացի, սալլապանը դեռ երգում էր: Արագ տուն վերադառնալով, ևս, երեխ նույնպիս սրտառուշ, նույն երգը երգեցի հորս համար: Հայրս ուրախացավ»:

Հավասին հրաշալի հիշում է ոչ միայն իր ոտանավորները, հերիաթներն ու երգերը, այլև գիտե, հիշում է ուրիշ հայ և օտարազգի աշուղների շատ ստեղծագործություններ, այն, ինչը նա, իսկապես ասած, չի կարդացել ու վերընթերցել, այլ եղրկէ լսել է միայն:

Փոքրիկ Արմենակը գնում էր տեղական ատաղձագործի արհեստանոցը և, ինչպես ասում են, սովորեց «ուրագ բռնել»: Ծնողներն ուրախանում էին, բայց և զգում, որ արհեստը չէ նրա գործը: Նրա իսկական կոշումը ուրիշ բանի մեջ է: Դա պարզորշ կուահում էին ծնողները, երբ տեսնում էին, թե տղան ինչ հափշտակությամբ է ականջ գնում գուսանական երգերին ու հեքիաթներին, որոնք հաճախ հնչում էին նրանց և ազգականների տներում, որքան արագ է յուրացնում այդ երգերը և որքան լավ վերարտադրում: Տեսնելով դա, հարադատներից յուրաքանչյուրը և ինքը հայրը, աշխատում էին Հիրան սովորեցնել նրան:

Այո, բայց չէ՞ որ իսկական աշուղին սաղ է պետք, և մեկն էլ պետք է, որ լուրջ պարապի տղայի հետ:

Պատանի Արմենակի համար երաժշտական գործիք և համապատասխան ուսուցիչ գտնելը հեշտ չեղավ: Հայրը փափագում էր տղային ուղարկել Թրիլիսի, փառարանված աշուղ Զիվանուն աշակերտելու, բայց դա, իհարկե, շհաջողվեց:

Հարեան Աշխալա գյուղում ինչ-որ Գրիգորի մոտ գտնվեց դեն չպրոված մի քաման՝ կոտրված և առանց լարերի: Մի այլ, ավելի հեռավոր գյուղում հաջողվեց գտնել երաժիշտ, որը հանձն առավ քամանը նորոգել, լարեր հագցնել և լարել: Եվ երբ Արմենակն այդ գործիքը ձեռքն առավ, նրան թվաց, թե դառն է մի մոտիկ, հարազատ բարեկամ: Նոր էին գյուղից

դուրս եկել, երբ նա նստեց կանաչի վրա և սկսեց ուշաղիք տնտղել գործիքը: Լարերը քանդեց, նորից լարեց և ուղեկցող լնկերոջն ասաց.

— Աշո՞ւ, ես կնվագեմ... ես կարող եմ...

Երկու-երեք օրից նա իսկապես նվագեց: Այդ ժամանակ նա 12 տարեկան էր:

Իր մի անտիպ մուխամմազում, նվիրված ծնողներին, Հավասին աշուղական բանաստեղծական ձևով՝ նկարագրում է նաև իր երիտասարդական տարիները: «Ո՞հ, ի՞նչ դարդութեական անցան իմ թանկագին ծնողներս»— սկսում է իր ոտանավորը, պատմելով ծնողների ծանր ապրումները՝ կապված իր ցավի հետ, և նրանց ուրախությունը, երբ հաջողվեց տարախտ որդուն բանի դնել:

Այդ ոտանավորից մենք տեղեկանում ենք, որ արագորեն յուրացնելով նվագելու, երգելու և արտասանելու արվեստը, նա 13 աւարեկան հասակում իր հոր հետ, կատակով, աշուղական մրցման է դուրս եկել և հաղթել, դրանով մեծ ուրախություն պատճառել քոլորին: Այդ նույն հասակում էլ նա առաջին անդամ դրամ է վաստակում: Սակայն շուտով նրա կյանքում կարեոր փոփոխություն է տեղի ունենում:

«Տաս թվին էր, ձմեռը ցուրտ, երբ հիշում եմ, ա՞խ, այն տարին,

Ցավիս վրա նոր ցավ զրին, զործս թեքեց ձախ այն տարին,

Հին աշխարհի մարդիկ էին՝ ժառանգով ուրախ, այն տարին,

Ուղիղ տասնշորս տարվա մեջ, ինձանից անկախ, այն տարին,

Մի շատ համեստ աղջկա հետ պսակեցին ծնողներս» \*:

\* Ինչպիս հայտնի է, հայերը հնում բավական վազ հասակում են ամուսնացրել իրենց զավակներին, դա պայմանավորված է եղել սոցիալական պատճառներով: Տվյալ դեպքում դուսանի ծնողները փափագել են օր առաջ ժառանգ—(դեցիս) թոռ ունենալ:

Այդ ընդհանուր առմամբ սրախալի փաստը (մանավանդ, որ շուտով երեխաներ էլ ծնվեցին) չէր կարող, սակայն, շխանգարել երիտասարդ հնառովիքաստին, որը նոր միայն առաջին հաջողություններն էր ձեռք բերում սիրած գործի մեջ: Եվ իրոք, դրան անմիջապես հաջորդեցին երկուտանքն ու հուսախարությունը, որոնց հետևանքով նա նույնիսկ վճռեց լրել հայրենի տունը: Եվ միայն բարձր գիտակցությունն ու կամքի մեծ ուժը հետ պահեցին Արմենակին այդ վճիռն իրականացնելուց: Նա համառոքեն շարունակեց կատարելագործվել, լսած ու սովորած օրինակներով՝ ուսումնասիրել աշուղական արվեստի ձերը, հորինելու փորձեր արեց:

Շուտով հաջողվեց Թիֆլիսիում ինչ-որ աշուղից զութակ ձեռք բերել, իսկ հետո նրան նվիրեցին վախճանված աշուղ Խաղալիի սաղը\*: Նա սովորեց նվագել և այդ գործիքները: Իսկ իր իսկական «մկրտությունը» ստացավ 1914 թվին:

Այդ ժամանակ նրանց գյուղը «Համերգի» եկավ նույն կողմերում ապրող և այնտեղ հոչակված աշուղ Թիֆլիսին \*\*: Թիֆլիսին լավ պատմող ու երգիշ էր և ոչ վատ հորինող: «Լսել եմ, — ասաց նա մեր գուսանի հորը, — տղադ շնորհըով է: Արմենակին տուր ինձ օգնի»:

Մեկ ամիս Արմենակը ճամփորդեց աշուղ Թիֆլու հետ: Միասին գնում էին գյուղերը «Հեքիաթի»: Տղան ևս հանդես էր դալին գողովրդի առաջ, երգում, արտասանում, հանպատրաստից հորինում: Ծատ բան էլ սովորեց Թիֆլուց, որ հիանալի

\* Աշուղ Խաղալի — Ասասուր (վախճ. 1913 թ.):

\*\* Աշուղ Թիֆլիս — եղու Մանուկյան (1861—1923), ժամանակին եղել է հայտնի աշուղ Սիլահու աշակերտը: Թիֆլիս նշանակում է չահել:

սաղ էր նվագում: Լիովին տիրապետելով այդ գործիքին, Արմենակն ինքը հետո կատարելագործեց այն, լայնացրեց գործածական հնչյունաշարը, նոր աստիճաններով հարստացրեց: Դրա շնորհիվ ընդլայնվեցին սաղի հնարավորությունները նաև անսամբլային նվագում:

Նրա ընդունակությունները՝ սուր ընկալունակությունը, բանաստեղծական ու երաժշտական շնորհը և հորինելու բնական ձիրքը գերազանցեցին վարպետի սպասելիքները: Եվ երբ նրանք վերադարձան հարազատ դյուդը, աշուղ թիֆիլին ոգեգորությամբ գովեց Արմենակին: Հոր պարզամիտ հարցին, թե «Տղան ի՞նչ սովորեց քեզանից», զարմացած վարպետը պատասխանեց՝ «Ամենը, ինչ որ ես գիտեմ»: Եվ հետո, «Քո որդին արժանավոր է, ես նրան շրադ պիտի անեմ»: Ժամանակակից ալրոֆեսիոնալ ուսուցման տերմիններով ասած, դա նշանակում էր տալ նրան վարպետության վկայագիր (տվյալ դեպքում՝ «էքստերնով») և ուղարկել ինքնուրույն գործունեության \*:

Վարպետության աստիճան շնորհելը, կամ ժողովրդական լեզվով ասած՝ վարպետ կարգելը, որի ժամանակ, ի դեպ, կարգվողին տրվում է աշուղական անուն, երիտասարդ գու-

\* Զբաղ նշանակում է ճրագ: Զրադ անել արտահայտության իմաստը սկզբնապես եղել է այն, որ աշակերտին պատրաստելով, հասցնելով ինքնուրույն գործունեության աստիճանի, վարպետը դրանով իսկ նրա ծնողների համար մի «ճրագ» էր վառում, որը նեղ օրին պետք է լուսավորեր նրանց կյանքը: Նման արտահայտություն է տան ճրագ վառողը: Տե՛ս նաև Բաֆֆու «Ըսկի աղաքաղաք» (Սրկեր, հատոր III, էջ 460, 1955, երկան): Որևէ գուսանի շրադը ասելով հասկանում են այդ գուսանի աշակերտը, որն արդեն ինքնուրույն գործունեություն ունի:

սահնների կյանքում շատ նշանակալից իրադարձություն էր: Բնավ ո՛չ բոլոր երիտասարդ պատմողները կամ հորինողներն էին արժանանում այդ բարձր պատվին: Հասկանալի է նաև, որ ո՛չ ամեն վարպետ իրավունք ուներ վկայագիր տալու (վարպետի կոչում շնորհելը իրոք հաստատվում էր պաշտոնական պրավոր փաստաթղթով): Քանի որ այդ երեսութը հայ աշուղների պրոֆեսիոնալ կյանքի բնորոշ երեսութներից մեկն է, մշնք կանգ կառնենք դրա վրա:

Աշուղների-գուսանների արվեստը մենք անվանեցինք ժողովրդական ստեղծագործության պրոֆեսիոնալ ճյուղը, ակնարկեցինք նաև նրանց գործունեության պրոֆեսիոնալ հատկանիշների, նրանց արտիստական կյանքի մասին: Բնականաբար, գուսանների պրոֆեսիոնալ կյանքը և հենց նրանց ստեղծագործության պրոֆեսիոնալության աստիճանը տարրեր են եղել: Դրանք մեծ շափով կախված են եղել այն միջավայրից, որտեղից դուրս են եկել, որտեղ ստեղծագործել են և որը սպասարկել են գուսանները: Խոշոր քաղաքներում աշուղների պրոֆեսիոնալ կյանքը լավ է կազմակերպվել՝ ընդհուպ մինչև արհեստակցական միություն, որն ուներ իր կանոնադրությունը, վարչությունը՝ գլխավորությամբ ընտրովի նախագահ-ուստաբաշու, նյութական ֆոնդը, որ գոյանում էր անդամավճարներից և այլն (այստեղ խոսքը 19-րդ դարի 2-րդ կեսի մասին է): Գյուղական աշուղների պրոֆեսիոնալ կյանքը ոչ մի շափով չէր կազմակերպվում: Նրանք ղեկավարվում էին իրենց նախնիներից, ամեն մեկն իր վարպետից ժառանգած կանոններով:

Վերջապես, կային և միջին կատեգորիայի աշուղներ՝ գավառական քաղաքներում և գյուղաքաղաքներում, որոնք կազ-

ժակերպվածության տեսակետից միջանկյալ տեղ էին բռնում։ Ալդպիսի աշուղների արհեստակցական կյանքը, համեմատած խոշոր-քաղաքայինների հետ, շատ ավելի պարզ ու գեմոկրատական էր։ Նույնպիսի տարրերությունն գոյություն ուներ նաև աշակերտին վարպետ կարգելու գործում։ Ահա այդ արարողության հակիրճ նկարագրությունը, որ բերում է աշուղ Զիվանու որդի, արվեստաբան Գարեգին Լևոնյանը խոշոր-քաղաքային աշուղների վերաբերյալ։

«Քաղաքային վարպետ աշուղներն իրենց մոտ աշակերտ էին առնում սկսնակ պատանի աշուղներին, որոնք միշտ ման էին գալիս իրենց վարպետի հետ, ձեռքում ունենալով նրա սաղը կամ քամանը, լսում էին նրանց երգն ու նվազը, հյուսում էին պարզ, անպաճույն երգեր՝ անպատճառ աշուղական տաղաշափությամբ, որի ձևերին ժամանակի ընթացքում ընտելանում էին շատ լսելով կամ կարդալով վարպետ աշուղների երգերը։ Երբ, չորս-հինգ տարի անցնելուց հետո, աշակերտը վարպետի կոչում ստանալու համար իրեն համարում էր բավարար չափով պատրաստ, նա իր վարպետի համաձայնությամբ դիմում էր ուստարաշուն, խնդրելով իրեն քննության ենթարկել։ Վերջինս քննության օր էր նշանակում քաղաքի այն սրճարանում, ուր երգում ու նվագում էր նրա վարպետը։ Նշանակված օրը և ժամին, ցերեկով, հավաքվում էին քաղաքի վարպետ աշուղները, միության նախագահի կամ ուստարաշուն գլխավորությամբ։ Սկսվում էր քննությունը։ Քննվող երիտասարդը սրտի տրոփյունով հանդես էր գալիս պատասխանելու աշուղական արվեստի վերաբերյալ տրվող հարցերին։ Սյունէտեսկ նվագում և երգում էր որևէ արևելյան եղանակ, ցուց տալու իր շնորհքը և պատրաստությունը նվագի և եր-

գեցողության մեջ; Երբ այս բոլորը հավանություն էր գտնում վարպետների կողմից և աշակերտն արժանանում էր նրանց խրախուսական խոսքերին, այն ժամանակ ուստաբաշխն կանչում էր նրան իր մոտ, և երեսին մի ուժեղ ապտակ հասցնում, առաջին անգամ նրան կոշելով վարպետ: Երիտասարդ վարպետը համբուրում էր նախ ուստաբաշու, ապա և իր վարպետի ձեռքն ու խորը գլուխ տալով շնորհակալություն հայտնում ներկա եղող մյուս վարպետներին: Այն ժամանակ նոր վարպետին ընդունում էին միության մեջ, պատրաստում էին նրա վկայականը, քննությանը ժամնակող բոլոր վարպետների ստորագրությամբ» \*:

Նույն արարողությունը Արմենակ Մարկոսյանի համար փոքր-ինչ այլ կերպ տեղի ունեցավ:

Էր ընդունած որոշումն Արմենակի հորը հայտնելուց և հանդիսավոր արարողության ժամանակը նշանակելուց հետո, վարպետ Թիֆիլին հանձնաժողով կազմեց: Այդ հանձնաժողովի մեջ, բացի Թիֆիլուց, մտան միայն երկու երաժիշտ՝ տեղական և հարեան գյուղի զուռնաշխները: Բայց գրա փոխարեն հանձնաժողովի անդամներ հրավիրվեցին տվյալ գյուղի և շրջակայքի բոլոր աշբի ընկնող արհեստավորները: Սրանց մեջ կային՝ ատաղձագործներ, դարբին, պայտար, «վարպետ ու կերպար», քարտաշ և որմնադիր: Կազմի ալյապիսի ունիվերսալությամբ երաժշտական հանձնաժողովի մասնագիտական հեղինակությունը շէր նսեմանում: Իրենց գործի մեջ վարպետ, ըստ երեսութիւն պատկառելի կենսափորձի տեր մարդիկ և ընդ-

\* Գ. Ալանյան, Աշուղները և նրանց արվեստը, էջ 22—23, 1944, Երևան:

Հանրապես երաժշտություն սիրող ու հասկացող այդ արհեստավորները լիովին կարող էին կողմնորոշվել այնպիսի հանրամատչելի արվեստում, ինպիսին գուսանի արվեստն է և որոշել վարպետության հավակնորդի պատրաստության աստիճանը: Մի խոսքով՝ հարցն այստեղ վճռում էին ժողովրդի է՛լ ավելի լայն խավերի առաջադեմ ներկայացուցիչները: Հա՛, շմոռանանք ավելացնել, այսպիսի գեղքերում որպես հանձնաժողովի պարտադիր անդամ հրավիրվում էր նաև տեղական տերտերը, որ գործունյա մասնակցություն էր ունենում ոչ միայն վկայականը գրելու գործում (քանի որ նա համարվում էր գյուղի ամենագրագետը), այլև բուն քննության մեջ: Տվյալ դեպքում տերտերի մասնակցությունն ավելի ևս թանձրացրեց Նվիրման արարողության յուրահատուկ գունեղությունը:

Իսկ արարողությունն այսպես կայացավ:

Երինջ մորթեցին, և մինչ կանայք կզբաղվեին մսով, երիսաւարդ գուսանին ծնկաշոք արին: Նա պետք է աշուղական երդում տար: Տերտերը կարդաց գործին հատկացված աղոթքը, ապա երիտասարդ գուսանը նույն ծնկաշոք վիճակում հանդիսավոր կերպով երդվեց վարպետին՝ իր գործում միշտ մաքուր լինալ, ձգտել կատարելության, բայց շմեծամտանալ, իրենից թույլ աշուղին շվիրավորել և բարի սրտով խոնարհվել մեծ վարպետների առջե, չընկնել որևէ վարպետի անհեծքի տակ և որի շանիծել, լինել ազնիվ մարդ, ծնողներին հարգել, ընկերոջը սիրել և ունեցած վերջին պատառը նրա հետ կիսել, ժլատ և հարբեցող լինել, տունը, որտեղ աղուհաց է կերել, որբություն համարել իր համար և այլն:

Պետք է ասել, որ թե՛մեկ և թե՛ մյուս դեպքում, այսինքն՝ թե՛ քաղաքային և թե՛ գավառային աշուղների մոտ վարպետ-

Ներն իրենց սաներին ոռվորեցնելու ընթացքում ոչ միայն վարժեցնում էին մասնագիտությանը՝ հորինելուն, իմպրովի-զացիային, կատարմանը, այլև ձգտում էին, ինչպես պատմում է մեր գուսանը, աշակերտներին բարոյապես կրթել, հոգեպես ազնվացնել, նրանց մեջ սեր արթնացնել դեպի արվեստը, հարգանք՝ դեպի մարդը։ Առանձին ուշադրություն էր դարձվում հարազատ ժողովրդի, սրբազն հայրենիքի նկատմամբ սիրո դգացմունքը վառ պահելուն։ Այս բոլորը անհրաժեշտ էր, և միայն այս դեպքում էր աշակերտ գուսանը վարպետ դառնալու և ինքնուրուցն աշխատելու արժանի ճանաշվում։ Նեղ մասնագիտական ունակություններից բացի, մեր գուսանների այս հիանալի ավանդությունը ևս հին ժամանակներից փոխանցվել է սերնդից սերունդի։

Այն բանից հետո, երբ երիտասարդ գուսանը երդվեց անվերապահորեն իրագործել բոլոր պատվիրանները, վարպետ Թիֆիլին հասարակայնորեն տվեց աշակերտին իր վստահությունը և աշուղական անուն շնորհեց։

— Սրմենակը, — ասաց վարպետը, դիմելով հանձնաժողովին, — իր գործը հավասով է անում, դրա համար ես նրան «Աշուղ Հավասի» անունն եմ տալիս։

Հանդիսավոր, «պաշտոնական» մասից հետո սկսվեց երաժշտական մասը։ Այստեղ աշակերտից չէր պահանջվում համերգային ձևով կատարել արևելյան դասական մի որևէ դրժվարագույն եղանակ կամ մի ամբողջ ֆանտազիա, բայց նա պետք է հրապարակային մրցման ելներ իր վարպետի հետ, որ թերեւ ավելի դժվար է։ Երիտասարդ գուսանը, նոր միայն սրժանացած վարպետի կոշման, ինչքան էլ հուզվի ու շփոթվի, չպետք է սկերես դուրս գա։ Նա, ինչ գնով էլ լինի, պետք է

Հաղթի իր վարպետին, այլապես ամեն ինչ կխափանվի, և ինքն ու իր վարպետը ծիծաղի և արհամարհանքի առարկա կդառնան:

Մրցումը նույնպես հայկական (և ոչ միայն հայկական) աշուղների պրոֆեսիոնալ բնորոշ հատկանիշներից է: Աշուղական մրցումները սովորաբար տեղի են ունեցել հանդիսավոր, տոնական օրերին մարդաշատ վայրերում՝ բանուկ սրճարաններում կամ տոնավաճառներում, զբոսայգիներում կամ հրապարակներում, վանքերի բակերում: Քանի որ հավաքված ժողովուրդը կրքով ու եռանդով էր վերաբերվում այդ երեսութին, ապա հավաքույթը վերածվում էր մասսայական խոշոր տեսարանի: Մրցության մեջ շատ կարեոր է, թե գուսանը որքա'ն լայն մտահորիկոն և սուր միտք ունի և ինչպե'ս է կարողանում իմպրովիզացիա անել, այսինքն՝ հանպատրաստից, տեղն ու տեղը հորինել:

Մրցության տարբեր ձևեր են եղել և տարբեր պայմաններ են դրվել: Օրինակ, հայ գուսանների գործունեության մեջ հայտնի են դեպքեր, երբ մեկ գուսանի դիմաց մի ամբողջ խումբ է գուրս եկել, և վեճը մի քանի օր է տեսել: Եղել են նաև հեռակա, գրավոր մրցումներ մամուլի միջոցով: Ամենասովորական ձևն այն է, երբ երկուսը երես առ երես մրցում են, երբ հանպատրաստից հորինվող քառատողերով նրանցից յուրաքանչյուրը նախ «ձեռ է առնում» մյուսին, իրեն «գովարանում» և հակառակորդին «ծագրում», և ապա, երբ այդ բոլորը հասնում է ծալքաստիճան շիկացման, մրցակիցներից յուրաքանչյուրը մյուսին հերթով հարց կամ հարցեր է տալիս, որոնց մյուսը պետք է ճիշտ պատասխան տա: Այս ամենը ասվում է շափածու: Համեմատաբար հեշտ հարցերին կամ հանելուկներին

Հաջորդաւմ են ավելի ու ավելի դժվարները, ավելի խրթին ու խորամանկ հարցերը, այնքան, մինչև որ մրցակիցներից մեկն ու մեկը շկարողանալով միանգամից ճիշտ պատասխան գտնել կամ հանելուկը լուծել, իրեն հաղթված է ճանաշում և հանձնըվում է: Ապա մյուս գուսանը բանաստեղծական նույն շափով պատասխանում է իր տված հարցին կամ լուծում է հանելուկը, և հայտարարելով, թե նման իմաստությունները գիտենալու համար հակառակորդը դեռևս «տհան» է, իրեն հաղթող է հըռշակում: Հանդիսականների բուռն միջամտության ու ոգևորության պայմաններում, որոնք նույնպես բաժանված են լինում երկու հակագիր կողմնակալ խմբերի, հաղթվածը իր սազը դնում է հաղթողի ոտքերի առաջ և ինքը հեռանում է այդ կողմերից:

Աշուղական այդպիսի մրցություն նկարագրված է Ղազարոս Աղայանի «Արություն և Մանվել» վեպում (Շոյլայու և Քերոբեկի վեճը), որից բերում ենք հատված:

«Բնդունիր ողջույնս, աշխույժ պատանի,  
Համարձակ քաջի պես դուրս արի մեյզան.  
Թող շենք ասպարեզ, ով շնորհը շունի,  
Աշըզ անունը տալը նրան շէ արժան»:

«Կընդունեմ ողջույնդ, պատվելի վարպետ,  
Եվ կտամ խոսքերիդ մեկ մեկ պատասխան,  
Չեմ մնալ քո առջև բթամիտ, անդետ,  
Համարձակ կանգնող եմ քո դեմ հանդիման»:

«Կանչել եմ անունը Մշու Սովորանի \*,  
Որ մարդին նամարդի նա մոհդաջ շանի:

\* Մշու Սովորան ս. Կարապետ— Մուշ քաղաքի ս. Կարապետ վանքը, որ շնորհատու է համարվել

Երկի քաջ լինել դու չես արժանի,  
Քեզանից պետք է խլել քո զենք, հրացան»:

«Քաջ եմ արդյոք, թե ոչ, այդ շուտ կտեսնես,  
Երբ ինքդ քո զենքից՝ սազից կզրկվես,  
Զուր ասած խոսքերդ կրկին ետ կառնես  
Կասես՝ մեղա եմ քեզ, ինչ արիր, յաման»:

«Իմ ոսկեթև սազին շատերն են հալենել,  
Շատերն են քեզ նման խլել ցանկացել,  
Բայց իրանք են իրանց սազիցը զրկվել,  
Եվ սարսափած փախել մինչև Հնդկաստան»:

«Ես փախչող պտուղ չեմ, բնավ չկարծես,  
Լավ կանես, այդ հուզով քեզի շխարես,  
Գիտեմ, որ փախչելու ինքդ սովոր չես,  
Բայց հիմա կփախչես մինչև Զինաստան»:

«Հսկր, թե գիտուն ես, ով քաջ ձևացող,  
Այս ո՞վ էր, որ աղբյուր հանեց ոսկորից,  
Այն ի՞նչ պողավոր էր՝ երեսին ուներ քող,  
Ո՞վ է ծնվել երկու անգամ մոր փորից»:

«Ես քո ասածներին կամ պատրաստ լսող,  
Սամսոնն էր, որ աղբյուր հանեց ոսկորից,  
Պողավոր Մովսեսն էր՝ երեսին ուներ քող,  
Հոնան ծնվեց երկու անգամ փորերից»:

«Ի՞նչ ծառ է, որ անհող, անջուր է բանում,  
Առանց տերևների ճղներ է գցում.  
Ի՞նչ բանն է սուր քան թուր սրտի մեջ ցցվում,  
Այն ի՞նչ արարած է, որ ծնվեց հորից»:

«Պախրի եղջյուրները անհող, անջուր են բանում,  
Առանց տերևների ճղներ են զցում.  
Դառը խոսքն է սրտում սրի պես ցցվում,  
Քո կարծիքով Եվան ծնվել է հորից»:

Երբ վերջապես Հերթը հասնում է մյուս աշուղին, նա հետեւալ հարցն է տալիս.

«Ես քո սուս հարցերը մեկ մեկ լուծեցի  
Չեմ ուզում հետևել քո մոլորակիան.  
Հենց հիմի մի թեթև բան մտածեցի՝  
Ո՞վ է հիմքը դրել հայոց աղքության»:

Այստեղ մյուսը «լոված», սփրինած՝ չի իմանում, թե ինչ պատասխանի, իսկ հարց տվողը եղրափակող երեք տնով հակառակորդին ակնարկելով անգիտության մեջ, ինքը պատասխանում է իր հարցին: Պարտվողն իր սազը դնում է հաղթողի առջև, իսկ սա դեռ մի բայաթի էլ երգում է և սազը վերցնելով՝ գնում:

Այսպիսի իմպրովիզացիաներում աշուղները հաճախ օգտագործում են ժողովրդական առածներ ու ասացվածքներ: Մրցության պայմանը երբեմն պառանձնապես բարդանում է նրանով, որ փոխադարձ համաձայնությամբ կամ հանդիսատեսների պահանջով շափածո իմպրովիզացիայի համար ընտրվում է տաղաշափության տեխնիկապես համեմատաբար դժվարին ձևերից մեկը (դրանց մասին կխոսվի ներքեւում):

Իսկ երբ մրցումը տեղի էր ունենում վարպետի և աշակերտի միջև՝ վերջինիս վարպետության աստիճանը որոշելու

համար, ապա մրցակիցները, իրու բարեկամության նշան, նախապես փոխանակում էին իրենց սազերը: Հենց այդպես էլ եղել է մեր գուսանների մրցմանը:

Երիտասարդ գուսան Արմենակը, ինչպես վերն ասացինք, յեկ անգամ արդեն հաջողությամբ մրցել էր, ճիշտ է, շատ ավելի պարզ պարագաներում, տանը, հոր հետ, կատակով: Բայց իր վարպետը թիֆիլու հետ ևս մրցումը նա տարավ: Էլ թե վարպետը վեհանձնուեցէց, այլ աշակերտը դուրս եկավ շափաղանց խելամիտ, համարձակ և իմարովիզացիայի արվեստում բավական ճարտար: Հանձնաժողովի և բոլոր ներկաների միահամուռ հավանությամբ նա համարվեց վարպետի կոչման արժանի: Երևան եկավ տերտերի ձեռքով պատրաստված վկայագիրը, որը ստորագրեցին հանձնաժողովի բոլոր անդամները և հանձնեցին արդեն ոչ թե Արմենակին, այլ գուսան Հավասուն: Ահա և խրախճանքի սեղանը: Երկար տևեց հանդիսականների ուրախությունը: Թնդում էր զուտնան, երգում ու պարում էին երիտասարդներն ու ծերերը, գուսանվարպետները ևս կատարում էին իրենց և ուրիշների ստեղծագործությունները: Այդ օրը տեղի ունեցավ Հավասու ամենից ավելի գժվարին և պատախանատու ելույթը: Դա տարիքով դեռևս շատ երիտասարդ, բայց իր գործում բավական արգեն հասուն աշուղի առաջին լուրջ քննությունը և հասարակական առաջին ճանաշումն էր:

Գուսան Հավասին դեռ այսօր էլ մեծ հուզմունքով է ճիշտ այդ օրը:

Հավասու համար խսկական աշուղի կյանք է սկսվում: Ընկերոջ, ծանոթի կամ պարզապես մի պատահական մարդու ուղեկցությամբ նա թափառում է տեղից տեղ: Գյուղական

Հրապարակներում, բակերում կամ փողոցներում, իսկ ձմեռ  
յամանակ օդաներում, դետնին կամ թախտի վրա նստած, հե-  
տաքրքրասեր բազմությամբ շրջապատված՝ նա պատմում,  
երգում ու աբասանում է դասական և նոր աշուղական հե-  
քիաթներ, իր երգերն ու ոտանավորները։ Ներկա է լինում  
տոների ու հարսանիքների։ Երջելով հիմնականում գյուղացի-  
ների մեջ, որպես իսկական գուսան, նա ամենուր հանդես է  
գալիս իբրև ժողովրդական իմաստության մունետիկ, ձգտում  
է լուսավորել ժողովրդին, պախարակում է մարդկային արատ-  
ները, պատմում է սիրային հետաքրքրական ու սրտառուց  
պատմություններ։ Երբեմն նրա վիճակը լավ է. նա բավարար-  
ված է բարոյապես և նյութապես, երբեմն էլ վատ է. Հասկա-  
ցան կամ շհավանեցին նրա արվեստը, նա կարիքի մեջ է։ Այս-  
պիսի դեպքերում չի վհատվում, չի մնում տեղում նստած, ան-  
գործության չի մատնվում, ալլ միշտ առաջ է գնում։

Ջիվանին իր երգերից մեկում դիպուկ կերպով նկարագրել  
է աշուղի այդպիսի անհանգիստ կյանքը.

Անթե թռչնակ է աշուղը—  
Այսօր այստեղ, վաղը այլ տեղ.  
Դարձող ճախրիկ է աշուղը,  
Այսօր այստեղ, վաղը այլ տեղ։

Մերթ անավաղ, ճարավ պապակ,  
Մերթ անհաջող, մերթ հաջողակ.  
Թափառում է նա շարունակ,  
Այսօր այստեղ, վաղը այլ տեղ։

Մի տեսակ լուսատըտիկ է,  
Լուր տարածող մունետիկ է.  
Հողմից հալածված ամսիկ է,  
Այսօր այստեղ, վաղը այլ տեղ։

Զուր հովսերով խարխափում է.  
Գնեղեր, բաղաքներ շափում է.  
Կայծակի նման խփում է,  
Այսօր այստեղ, վաղը այլ տեղ:

Զիվան մի տեղ դադար չունի,  
Մեղվի պես միշտ կը թռչկոաի.  
Այս ընթացքով պիտի մեռնի,  
Գուցե այստեղ, գուցե այլ տեղ:

Երբեմն նրան հալածում են խավարամով եկեղեցականները, որոնց հետ ընդհարվելով, նա ստիպված է լինում զանազան պատճառներ հորինել, փորձանքից մի կերպ ազատվելու հումար:

Այսպես, իր դեգերումների ընթացքում Հավասին հանդիպում է զանազան մարդկանց, ճանաշում լավն ու վատը, ուսումնասիրում ժողովրդի կյանքը և ինքն էլ կատարելագործվում իր արվեստում: Հաճախ լինում է նաև տանը, հայրենի զյուղում: Առաջվա պես դժվարությամբ է կառավարվում բազմանդամ ընտանիքը, իսկ պատերազմական ժամանակի պայմաններում ծագում են և նոր դժվարություններ:

Գուսանի այդ տարիների ստեղծագործություններից պահպանվել է մի գեղեցիկ ոտանավոր: Դրա մեջ արտահայտված է Հոգեկան կացությունն այն մարդկանց, ովքեր երազում են «գարնանային առավոտ», որն այդպես էլ շի գալիս:

Գիշերը երկար, զագիր է սաստիկ,  
Ցերեկն էլ դժվար, ցուրտ սառնամանիք.  
Ե՞րբ պիտի բացվի, որ շնչեն մարդիկ  
Զերմ, անուշ, լավ օդ, գարնան առավոտ:



ԱՐԴՅՈՒՆ  
ԺՈՂՈՎՐԴՅԱՆ ԱՐՄԻԼԻՍՏ ՀՐԱՄԱ  
ՆԵՐԱԲԱԺՄԱՆ և  
ԳՈՎԱՆՆ ՀԱՅԱՍՏԻՆ:

ՀԱՅԱՍՏԱՆԻ ԱՐԴՅՈՒՆ  
ԺՈՂՈՎՐԴՅԱՆ ԱՐՄԻԼԻՍՏ



Ժողովրդական արտիստ Շառա Տալյանը և Գուսան Հավասին:

իր երազանքները ծաղկած բնության և գեղեցիկ կյանքի մասին, երբ նորահարսը, որ դեռ չի կշտացել իր ջանել յարից, նորից կսպասնի, որ հերին տուն գա մաճկալը սարից, որպեսզի նստեն իրար մոտ գարնան մի առավոտ ու պարտեզում բլրովի նրգը լսեն,— այս երազանքները նա ընդհատում է իրականության դառն գիտակցումով. «Ինչո՞ւ ես մարդկային վայելքն երազում,— ասում է նա իրեն,— երբ այդ վայելքից դու չունեմ բաժին» \*:

Հետո դրությունն ավելի է վատանում: 1918 թվականը... Նորից թուրքական զորքերը... Սկսվում է հայերի հերթական գաղթը: Մարկոսյանների ընտանիքը տեղից չի շարժվում, թեև թուրքերը նրանցից էլ այնքան հեռու չեն: Շատ գաղթականներ հենց նբանց տանն են ապաստանում: Ամեն տան մեջ այժմ չորս-հինգ ընտանիք է տեղավորված: Հիվանդություններ են ծագում, մոլեգնում է տիֆը... Եվ ահա, հարազատ գյուղի մասին գուսանի նույն ոտանավոր-հուշից իմանում ենք, որ այդ տարին նա հողին է հանձնել ծնողներին և ութ անրախտ քրոջ միակ եղբայրը մնացել է «սրտումը կրակ»: Նույն տարում էլ նա կորցնում է իր երեք երեխայի մայր երիտասարդ կնոջը: Մի այլ ոտանավորում, գրված 1920 թվականին, նույնիսկ նկատվում են նրա համար ոչ բնորոշ հուսահատության նշաններ:

Դարդու Սայաթ-Նովի նման մեղքի համար եմ լալիս,  
Բանտարկյալ եմ վանդակի մեջ, ելքի համար եմ լալիս,  
Ու արեն իր լուսն է տալիս, ոչ էլ մարդիկ են օգնում,  
Այս վանդակից ինձ ազատող ձեռքի համար եմ լալիս:

\* Ոտանավորը գրված է 1916 թ. հունվարին:

Հոկտեմբերյան սոցիալիստական մեծ հեղափոխությունը վերջ դրեց ցարական Ռուսաստանի ժողովուրդների ճնշմանը, դրանց թվում նաև անդրկովկասյան ժողովուրդների, որոնց ծանր վիճակն ավելի սաստկացել էր նախասովետական տարիներին, Անդրկովկասում ավանտյուրիստական բորժուանացիոնալիստական կուսակցությունների տիրապետության ժամանակի:

Գուսանները, ժողովրդական վշտի ու երջանկության երգիչները նույնպես սրտանց ողջունեցին աշխատավոր ժողովրդի ազատագրումը; Երկար սպասված «գարնան առավոտը» բացվեց նաև գուսան Հավասու համար; Ուրիշ երգեր հնչեցին, այլ մոտիվներ երեացին նրա ստեղծագործության մեջ: Հեղափոխությունը լուսավորեց նրա հոգին, սովետական իշխանությունը շերմացրեց նրան:

Գիտակցելով տեղի ունեցած պատմական փոփոխությունը, նա Վրաստանում սովետական իշխանության հաստատման առաջին իսկ օրերին Թբիլիսիի հայկական «Մարտակող» թերթում տպագրում է բանվորների ու գյուղացիների ազատագրումը գովերգող «Կարգերը մեր՝ փառքերը մեր» իր նոր ոտանավորը:

Այլ է դառնում, լավանում ու աղբյուրի նման այժմ հորդում է կյանքը, և գուսան Հավասին անմիջապես ներգրավվում է հասարակական աշխատանքի մեջ: Ինչո՞ւ, օրինակի համար, հարազատ գյուղում գպրոց շկա և շի եղել ցարական ամբողջ ժամանակաշրջանում, ինչո՞ւ մինչև այժմ գյուղի երեխաները իսկական կրթություն չեն ստացել: Հավասին գնում է կենտ-

րոն, առաջ քաշում հարցը և հաջողացնում առժամանակ գոնե մեկ ուսուցիչ ունենալ գյուղում։ Սկզբնական շրջանում դպրոցը տեղավորվում է ընդամենը մեկ սենյակում, դեռ բոլոր երեխաները շեն կարող դպրոց ընդունվել, իր կրտսեր որդին էլ զեռ չի սովորում։ Բայց շուտով նրա ջանքերով դպրոցական շենքի հարցն էլ լուծվում է։ Ահա և բոլոր երեխաները կարող են սովորել։ Չի դադարեցնում նա նաև իր շրջագայությունները գյուղերում, այժմ նա հաճախ գյուղական ակումբների բեմերում է հանդես գալիս։

1929 թվականին Արմենակի ընտանիքը Այազմայից փոխադրվում է Ախալքալաք, ընտանիքի նյութական վիճակը բարելավվում է։ Նու ավելի եռանգուն շարունակում է իր ստեղծագործական աշխատանքը։ Գոյանում է սազանդարական տիպի ոչ մեծ մի անսամբլ, որտեղ կարիք է զգացվում ձեռքը վերցնել սազի փոխարեն՝ մի այլ դորձիք՝ թառ։ Հետաքրքրական է, որ այդ դեպքի առթիվ երեան է գալիս հատուկ մուխամմազ, որը կոչվում «Սակս»։ Դա մի յուրատեսակ հրաժեշտ է սիրած գործիքին, որը սակայն պարունակում է և կենսագրական տեղեկություններ։

...Յնցյալի մեր տանջանքը այսօր միտող բեր, իմ սազս,  
Դու ինձ եղել ես ցավակից, հարազատ ընկեր, իմ սազս,  
Քսանհինդ տարի շարունակ ցերեկ ու գիշեր, իմ սազս,  
Զարշարվեցինք մինք միասին, շնդանք բանի տեր, իմ սազս

Երգեցինք աղքատ գյուղացու անբուժելի վերքի մասին,  
Տարին բոլոր դառն զատող, զատարկ նստող ձեռքի մասին,  
Հիմա էլ շպիտի լունք, երգենք նոր օրենքի մասին,  
Որ շենք քաղաք է դառել, մարդը՝ գիտուն մեր, իմ սազս

Թառ առնելով, դու չկարծես, թե սաղանզար իմ լինելու,  
ևս գուսան եմ, միշտ գեղի քեզ ունեմ սիրտ ու սնը, իմ սազս,

Մանկութ վարժված մատներիու տակ բո ձայնն ավելի քնքու է,  
Քեզնով եմ դուսան. Հալասի, պատիվ հանող վեր, իմ սազս:

Գուսանի կյանքում նշանակալից իրադարձություն եղավ  
նրա աշխատանքը ժողովրդական ինքնագործունեության մեջ:  
1932 թվականին Ախալքալաքի շրջանային կուլտուրայի տանը  
նա կազմակերպում է ինքնագործ երաժշտախոսմբ և երկար  
տարիներ ղեկավարում այն: Խմբի երիտասարդ մասնակիցնե-  
րին նա սովորեցնում է ժողովրդական գործիքներ նվագել և  
երգել: Հավասու վոկալ-գործիքային անսամբլը գուսանական  
հին խմբերի նման, միաձայն խմբական երգեցողությամբ և  
գործիքների նվագակցությամբ կատարում է հայ ժողովրդա-  
կան և գուսանական երգեր, այլ ժողովուրդների որոշ երգեր ու  
պարեղանակներ, ինչպես և իր՝ Հավասու ստեղծագործություն-  
ները: Հաճախ անսամբլը ելույթներ է ունենում Թրիլիսիում,  
ժողովրդական արվեստի օլիմպիադաներին, և միշտ արժանա-  
նում է դրվատանքի \*:

Եթե առաջներում շրջագայությունների ժամանակ գլխավոր  
տեղը տրվում էր հեքիաթներին, ապա այժմ դրանք իրենց տե-  
ղը մի փոքր զիջում են երգերին, ընդ որում գուսանի հետ շըր-

\* Այդպիսի օլիմպիադաներից մնկի առթիվ Վրաստանի կուսմողկոմատը  
դուսան Հավասուն շնորհում է «Ախալքալաքի կուլտուրայի տան ակտիվիստ»  
պատվավոր կոչումը

ջագայում ու ելույթներ են ունենում նրան աշակերտած երգիշներն ու երգչուհիները։ Հավասու ստեղծագործական աշխատանքը ևս դառնում է ավելի արդյունավետ։ Նա հրաժարվում է, շատ աշուղների մոտ ընդունված սովորությունից՝ իր ոտանավորները չի վերաբարձրում հնուց գոյություն ունեցող ստանդարտ եղանակներով, այլ հորինում է բանաստեղծական տեքստի հետ կապված իր ինքնուրուցն մեղեղիները։ Լավատեսությունը, բովանդակության խորացումը, ժանբային բազմազանությունը և վարպետության հետագա կատարելագործումը բնորոշ են դառնում նրա նոր երգերի ու ոտանավորների համար։

Առաջ Հավասին իր ստեղծագործության մեջ շափազանց հաղվադեալ էր դուրս գալիս սովորական սիրային թեմաների շրջանակից։ Այժմ նա լայնորեն է ընդգրկում կյանքի երևութները, նրա երգերն ավելի խորությամբ են ներթափանցվում սովորական ժամանակաշրջանի՝ մարդկության համար «ամենալավ դարի» պայծառ կենսազգացողությամբ։ Իր ոտանավորներից մեկում, դիմելով ինքն իրեն, նա ասում է.

«Թե կարենաս երգել նորը, շատ լավ է...»

«Նորի շահնել սկրտը երդի ծարավ է,

Հագիցնոր սիրասուն տաղերով, երգիշ»:

Կյանքի լուսավոր ընկալումը, նորի ու առաջադիմականի նկատմամբ ունեցած հակումը, ստեղծագործական ուժերի փարթամ ծաղկումը, հասարակության գնահատանքն ու աշակցությունը՝ այս բոլորը նպաստում են նշանակալից, կենաշահաստատ ստեղծագործությունների կերտմանը։

Հավասին Ախալքալաքում սիրված գուսան, միաժամանակ և ամենքի կողմից հարգված մարդ է: Ամենաբազմազան հարցերով հաճախ նրան են դիմում, խորհուրդներ ստանում:

Հանգամանքների բերումով Հավասին երկար ժամանակ հնարավորություն չուներ Սովետական Հայաստան գալու: Նրա առաջին այցելությունը Երևան, 1941 թվականին, առնշված էր իր անսամբլի երգացանկը լրացնելու համար գուսանական նոր երգեր փնտրելու անհրաժեշտության հետ: Եվ շնայած Երևանի գուսանները, նրան շնչանաշելով, այդ առաջին հանդիպման ժամանակ մի փոքր անվտահությամբ վերաբերվեցին, այնուամենայնիվ հաջողվեց լսել և հիշողության մեջ դրոշմել գուսան Շերամի \* մի քանի երգերը: Ախալքալաք վերադառնալով, նա դրանք տարածեց ժողովրդի մեջ: Սակայն հենց այդ օրերին ոկսվեց Հայրենական մեծ պատերազմը:

Մենք արդեն ասացինք, որ աշուղական իմպրովիզացիայի մեջ մեր գուսանն օժտված էր արտակարգ ընդունակություններով: Հանգատրաստից հորինումները կամ, ինչպես ասում են՝ էքսպրումտները, ծագում էին զանազան առիթներով: Գալիս էին հայրենակիցները խորհրդի՝ ամուսնացնե՞լ արդյոք այսինչ տղայի հետ իրենց աղջկան, թե ոչ, ի պատմախան, նա տեղու տեղը փեսացուի և հարսնացուի մասին մի ընդարձակ ոտանավոր էր հնարում և հայտնում իր կարծիքը: Երկարատև բաժանումից հետո անսպասելիորեն տուն էր վերադառնում որդին, իր ուրախությունը նույնպես նա արտահայտում էր գուսանական նոր երգով: Առաջարկում էին հանդես գալ որևէ ականավոր գործչի մեծարանքի հսկեսին: Նա գնում էր և

\* Շերամ—հայ անվանի գուսան Գրիգոր Տալման (1857—1938):

դուցե հենց ճանապարհին հնարում իր ողջույնի մուխամմազը:

Ֆաշիստական հրոսակախմբերը հարձակվեցին Սովետական հայրենիքի վրա: Կարո՞ղ էր գուսանը մասնակից շդառնալ համաժողովրդական ցասմանն ու պայքարին: Բնականորեն առաջ եկավ էքսպրոմտ՝ անեծք Հիտլերին: Նույնպիսի հանգատրաստից ոտանավորներով Հայրենական պատերազմի առաջին իսկ օրերին նա թշնամու դեմ պայքարելու ուղարկեց իր երկու որդուն, հետագայում դիմավորեց նրանց, ողջունեց սովետական բանակի ու ժողովրդի հաղթանակը, երգեց խաղաղություն: Եվ այդ բոլոր էքսպրոմտներում պահպանված են աշուղական տաղաչափության կանոնները, ստացվել են ոչ միայն գեղեցիկ հանգեր, այլև լիարժեք, խոր մտքեր:

1944 թվականին, տասնհինգ տարի աշխատելուց հետո, Հավասին թողնում է անսամբլը, հանձնարարելով այն իր առավել ձեռնհաս աշակերտներին: Այդ ժամանակվանից նա հաճախ է երկում երկանում, իսկ 1946 թվականին մշտական բնակություն է հաստատում այստեղ: Երեանում նրա ստեղծագործական աշխատանքին նպաստում են մի շարք հետաքրքիր հանդիպումներ՝ արվեստաբան Գ. Լեոնյանի, բանաստեղծ Ավ. Խսահակյանի, այլ բանաստեղծների, երաժիշտների, կոմպոզիտորների, կոնսերվատորիայի ստեղծագործական դասարանի ուսանողների և այլոց հետ: Ամենուր նա արժանանում է շերմ վերաբերումունքի և աջակցության: Նրան բարեկամաբար է ընդունում նաև գուսանների կոլեկտիվը: Նրան առանձնապես ոգեսրում են ժողովրդական արվեստի խոշորագույն գիտակ Ավ. Խսահակյանի, ինչպես և Գ. Լեոնյանի կարծիքները: Խսահակյանի երաշխավարությամբ Հավասուն ընդունում են Հայաստանի Սովետական գրողների միության

անդամ \*: Նրա մի քանի ոտանավորները տպագրվում են Հայաստանի պարբերական մամուլում, առանձին ոտանավորներ թարգմանվում և տպագրվում են հղբայրական հանրապետությունների լեզուներով։ Ժողովրդական ստեղծագործության տունը և Հայաստանի Գիտությունների ակադեմիայի երաժշտության պատմության և տեսության սեկտորը տարածելու և գիտական հետազոտության նպատակով ձայնագրում են նրա երգերը, մի քանի երգեր գրանցվում են ձայնապնակների վրա, հրատարակվում են երգերի ժողովածուները \*\*։ Աստիճանաբար Հավասու երգային ստեղծագործությունն իր արժանի տեղն է գրավում գուսանական և ժողովրդական երգի անսամբլներում, նրա ստեղծագործություններով համերգներ են տրվում։ Հետագայում Հավասին ընդունվում է Հայաստանի Սովետական կոմպոզիտորների միության անդամ։

Ժամանակին «բաց թողածի» տեղը հանելով, Հավասին շատ անգամ շրջում է Սովետական Հայաստանի համարյա բոլոր քաղաքներն ու գյուղերը։ Հանրապետության ձեռք բերած նվաճումներին ծանոթանալը նրա մեջ ստեղծագործական նոր եռանդ է բորբոքում։ Երևան են գալիս երգեր շքեղորեն կառուցվող երևանի, լեռնարդյունաբերական Ղափանի, գեղեցիկ Սևանի մասին, երգեր դաշտի աշխատավորների, երիտասար-

\* Հետաքրքրական է նշել, որ գուսան Հավասին դրագիտությունը (կույրերի գիրը) սովորում է Գրողների Միության մեջ մտնելուց ոչ շատ առաջ Մինչ այդ նրա ստեղծագործությունները իր թելագրությամբ գրի էին առնում ուրիշները։

\*\* Երկու փոքրիկ ժողովածուներ «Բուրմոմբ» և «Երգեր» խորագրերով Հայպետհրատը հրատարակել է 1950 և 1958 թթ.։ Վերջերս հրատարակվեց գուսանի երգերի երաժշտական ժողովածուն։

գության մասին և այլն։ Գուսանի քաղցրահնչուն և կենսուրախ երգերն արագ տարածվում են. դեռ ավելի՛ն. այդ երգերը Հայաստանի ժողովրդական-երաժշտական կենցաղի մեջ ներհոսում են որպես մի նոր, թարմ շիթ։

Ժողովրդական երաժշտության հարցերով զբաղվող մասնագետների մոտ մի անգամ չէ որ թերահավատ գատողություններ են ծագել այն մասին, թե գուսան-աշուղների արվեստը անցյալի պատմական որոշ էպոխաների արգասիք լինելով և ժամանակին փարթամորեն արգեն ծաղկած լինելով, այժմ իըր իր դարն անց է կացրել, և մեր գարաշրջանում, երբ լայնորեն զարգանում են թե՛ բանաստեղծական և թե՛ երաժշտական պրոֆեսիոնալ արվեստները, գուսանների արվեստն այլևս չի վերածնվի։ Այդպիսի (մեր կարծիքով՝ «Ն իրավացի») դատողությունների համար սովորաբար հիմք է ծառայել այն, որ գործնականում և այն էլ բավական հաճախ երեան են եկել սակավաշնորհ «ինքնակոչ» գուսաններ, որոնք որևէ կերպ կարողացել են ժողովրդի անխստապահանջ խավերում տարածել իրենց ցածորակ, երբեմն նույնիսկ գուեհիկ երգերը կամ էլ երգ-նմանողություններ։

Այդպիսի թերահավատներին մի վճռական հարված տվեց գուսան Հավասու երեան գալը։ «Ահա ձեզ մի իսկական գուսան, և որ «Պարօրինակ» է՝ մեր օրերում։ Ուրիմն գուսանների արվեստը կարող էր և վերածնվել։ Եվ հիրավի, ի դեմս Հավասու ժողովուրդը տեսավ հայ գուսանների և աշուղների ավանդությունների իսկական պահապանին, որն այդ դրժը շարունակում է նոր, սովետական թեմատիկայով։ Իսկ չէ՞ որ Հավասին միակը չէ մեղանում։ Նրա կողքին կան նաև այլ շնորհալի գուսաններ։

իր ստեղծագործության մեջ Հավասին չի կրկնում հին վարպետներին, չի ընդօրինակում նրանց, այլ սովորում է նըրանցից: Ավանդությունը պահպանելով, խորապես ըմբռնելով հնագարյան արվեստի յուրահատկությունները, նա նոր շատ բան մտցրեց հայ գուսանների արվեստի բովանդակության մեջ: Հենց այդ պատճառով էլ Հավասու ստեղծագործությունը ժողովրդի երաժշտական կենցաղի մեջ մտավ որպես թարմ և զուլալ շիթ:

Ծշմարիտ արվեստը, մանավանդ ժողովրդականը, միշտ լայն արձագանք կգննի մարդկանց մեջ, կարծանանա նրանց խսկական ճանաշմանը, հաստատակես կսիրվի: Այդ է պատճառը, որ գուսան Հավասու շրջագայությունների ընթացքում շրջանային ակումբներն ու կուլտուրայի տները լիքն են լինում ունկնդրովներով: Շատերին չի հաջողվում դահլիճ մտնել, որ «գոնե մի անգամ տեսնեն վարպետին»: Այդպես է եղել օրինակ, Մարտունիում, Բասարգեշարում, Լենինականում և Լեռնային Ղարաբաղի գյուղերում: Ամեն մի երեկոյի ծրագրում ընդգրկվում է 20—25 ստեղծագործություն, ժողովրդի խնդրանքով շատ երգեր հարկ է լինում կրկնել: Սովորաբար տիրում է այնպիսի ոգեօրություն, որ համերգից հետո բեմ են ենում երիտասարդներ, արտասանում գուսանին նվիրված իրենց հանդիսավոր-գովարանական, թեև ոչ կատարյալ, բայց անհեղծ ու անմիջական ոտանավորները, որոնք տեղն ուտեղը ստեղծվել են Հավասու ելութի տպավորության տակ: Եվ ահա, բնորոշ անուններ ունեցող հայկական թերթերում, ինչպես օրինակ՝ «Պղնձի համար», «Անասնապահ կոլխոզնիկ», «Աղինի կոլտնտեսական» և շատ ուրիշ թերթերում կարդում ենք նյութեր գուսանին ցույց տրված չերմ ընդունելության մասին,

շնորհակալության սրտառուշ խոսքեր: Անշուշտ բարձր պետք է գնահատել այս բոլորը, որը ժողովրդական ստեղծագործողի և ստեղծագործ ժողովրդի միջև եղած սերտ կապի վկայությունն է:

Հավասու կենսագրական ակնարկն ավարտելուց առաջ հիշենք ևս մի քանի փաստ, որոնք գուսանի կյանքում նշանակալից են եղել:

Հավասու ոտանավորների առաջին փոքրիկ գրքույկում, որ լուս է տեսել 1950 թվականին, կա Մոսկվային նվիրված մի ոտանավոր: Գուսանն արտահայտել է հայ ժողովրդի եղբայրական սերը «Հաղթանակների հայրենիք՝ Կարմիր մայրաքաղաքին»: Ոտանավորի տակ գրեթե աննկատելի, բայց մի նըշանակալի մակագրություն կա՝ «Հեղինակն առաջին անգամ երգել է Զայկովսկու անվան դահլիճում 1946 թ. մայիսին»: Այդ ոտանավորի ստեղծման առիթը եղել է Հավասու ուղելվորությունը Մոսկվա:

1946 թվականի գարնանը, երբ մեր երկիրը տոնում էր հետպատերազմյան առաջին մայիսի մեկը, ՍՍՌՄ Մինիստրների սովետին կից Արվեստի գործերի կոմիտեի հրավերով Մոսկվա են գալիս ժողովրդական բանահյուսական և երաժշտական ստեղծագործության ավելի քան 60 լավագույն ներկայացուցիչներ, որպեսզի մասնակցեն մայրաքաղաքի մայիսյան տոնակատարությանը: Նրանց մեջ կային պատմողներ, երգիչներ և նվագողներ, կորդարներ, շահիրներ, բաքչիներ, աշուղներ՝ եկած լայնածավալ Միության զանազան անկյուններից: Նրանք հանդես եկան երկու մեծ համերգներում՝ Զայկովսկու անվան դահլիճում (մայիսի 6-ին և 7-ին), մասնակցեցին հրապարակներում, զբոսայգիներում, կուլտուրայի պա-

լատներում ու ակումբներում տեղի ունեցող համերգներին։ Ամենուր այս ելույթներն ընթանում էին բարձր ոգևորության միջնորդում, գրավում շատ հանդիսատեսների, ուղեկցվում բուռն հաջողությամբ։ «ՍՍՌՄ ժողովուրդների ստեղծագործության նոր ցուցադրումը Հաղթանակի տոնի առթիվ, մի անգամ ևս ցուց տվեց, թե որքա՞ն հարուստ է սովետական մեծ ժողովրդի, հաղթանակած ժողովրդի գեղարվեստական ստեղծագործությունը» \* :

Հայաստանից Մոսկվայի ցուցադրմանը հրավիրված էին երկու զուսան՝ երիտասարդ Շահն Սարգսյանը և Հավասին, որի մասին «Սովետսկոյե խորաստվո» թերթը հետեւյալ տեղեկությունը տպագրեց. «Ավելի քան 300 երգ է հորինել Հայաստանի աշուղ Հավասին (Սրմենակ - Մարկոսյանը)։ Փայլուն կատարող, երգիչ և բանաստեղծ, Հավասին երգում է սաղի սեփական նվաճակցությամբ։ Հայկական ՍՍՌ Գիտությունների ակադեմիան նրա շատ երգերը ձայնագրել է։ Հայաստանում առանձնապես տարածված են այն երգերը, որոնք Հավասին ստեղծել է Հայրենական պատերազմի տարիներին. «Սարերի ասլան» (Հայրենասեր ուազմիկի մասին), «Ուշացած նամակ» (նամակ ուազմաճակատից) և «Հայրենիք» (Սովետական Հայաստանի 25-ամյակը)» \*\* :

Մոսկվա կատարած ուղեկությունը. Հավասուն նաև հնարավորություն է տալիս ստեղծագործական փորձի փոխանակում կատարել իր արվեստակիցների, եղբայրական ժողովուրդների ներկայացուցիչների՝ ադրբեջանցիների, թուրքմենների, ուղբեկների, տաշիկների և այլոց հետ։ Նրանցից

\* «Տրուդ» լրագիր, 9 մայիսի, 1946, Մոսկվա:

\*\* «Սովետակոյե խորաստվո», 1 մայիսի, 1946, Մոսկվա:

ամեն մեկը, աշուղական սովորություն համաձայն, ձգտում է տնտղել արվեստակցի գիտելիքները, պարզել, թե որքա՞ն է նրա «ապաշարը»: Գուաան Հավասին համողվում է այն բանում, որ իր գիտելիքները ոչ միայն շեն դիշում մյուսների գիտելիքներին, այլև շատ դիպքերում գերազանցում են: Այսպիս, օրինակ, պարզվում է, որ տարրեր ժողովուրդների մեջ լայնորեն տարածված դյուցագիրներուական մի շարք հեքիաթների (օրինակ, Քյոռ-օղլու հեքիաթի) նրա գիտեցած տարրերակները երաժշտական տեսակետից շատ ավելի հարուստ են, նա ընդհանուր-աշուղական բանաստեղծական շափեր ավելի շատ գիտե և այլն: Համատեղ ելույթներից բացի, Մոսկվայի Հայկական կուլտուրայի տանը կազմակերպվում է Հավասու և Շահենի հատուկ համերգը, որը նույնպես մեծ հաջողություն է ունենում:

Զայկովսկու անվան դահլիճում, Մոսկվայի Հայկական կուլտուրայի տանը, ակումբներում և զբոսայգիներում՝ մայրաքաղաքի կանաչ թատրոններում կայացած ելույթները, ինչպես և արվեստակիցների հետ ունեցած հանդիպումները անջնշելի տպավորություն են թողնում Հավասու վրա: Ստեղծագործական խանդավառությամբ տոփորված՝ նա Հայաստան է վերադարձնում և նոր եռանդով շարունակում իր գործը \*:

1961 թ. ապրիլին Հավասին և Շահենը որպես Հայաստանի գուսանների ներկայացուցիչներ, ներկա են գտնվում Սովե-

\* Երկու անգամ՝ 1945 և 1947 թթ. դուսանների ստեղծագործության հանրապետական ստուդիատեսներում Հավասին առաջին մրցանակ է ստացել: 1953 թ. նրան հաջողվում է երկրորդ անգամ մինել Մոսկվայում, ուր նա իր ստեղծագործությունների կատարումով հանդիս է գալիս Համամիութենական ռազմիոյնվ:

տական Աղրբեջանի աշուղների 3-րդ համագումարին։ Զեկուցումներից հետո, երկրորդ նիստի սկզբին Հավասին համագուստների անունից ողջունում է աղրբեջանցի արվեստակիցներին և իր խոսքն ավարտում է համագումարի մասին աղրբեջաներին գրված ոտանավորով։ Նրա ելույթը մեծ հաջողություն է գտնում, բանաստեղծության գրեթե ամեն մի առանձին տողը արժանանում է բուռն ծափահարությունների։ Հավասուն պատվավոր տեղ են հատկացնում նախագահության սեղանի մոտ։ Նույն օրը աղրբեջանական հեռուստատեսության առաջարկով Հավասին իր նոր բանաստեղծությունը եղանակի է դնում և հաջորդ օրը եղանակով կատարում է հեռուստատեսության համար։ Բարվի ուղիղոն իր հայերեն հաղորդումների համար ձայնագրում է Հավասու 11 երգերը։ Աղրբեջանական «Գրականություն և արվեստ» թերթը մայիսի 6-ի համարում առանձին հոդված է նվիրում Հավասուն։

Ապրիլի 30-ին Բարվի «Կոմունիստ» թերթը հետևյալն է գրում. «Երկու օր ֆիլմարմոնիայի դահլիճի կամարների տակ հնչեցին ժողովրդական երգիչների հուզիչ, Սովետական Հայրենիքի նկատմամբ սիրո մեծ զգացմունքով համակված բանաստեղծությունները և ճառերը, խոսակցություն տեղի ունեցավ նրանց երաժշտական-բանահյուսական ստեղծագործության հետագա զարգացման, կատարողական վարպետության բարձրացման ուղիների մասին»<sup>\*</sup>։

\* Համագումարին մասնակցել էին (զեկուցումներով) ակադեմիկոս գրող Միքայ Իրահիմովը, Գիտությունների ակադեմիայի թղթակից անդամ Համբեդ Արազյան, ՍՍՌՄ ժողովրդական արտիստ Բյուլ-Բյուլը, բանասիրական գիտությունների թեկնածու Թահմասիրին և ուրիշներ։ Մտքերի փոխանակությանը մասնակցել են 23 հոդի։

...Համագումարի պատգամավորները ջերմորեն դիմավորեցին եղբայրական Հայաստանի գուսանների ներկայացուցիչ Հավասի Մարկոսյանի ելույթը: Հնագույն գուսանը իր հուղիշ ճառն ավարտեց ազրբեջաններեն հորինած երգով»:

...1956 թվականն է: Երևանում, Արվեստի աշխատողների տանը հորելյան է տոնվում՝ գուսան Հավասու ծննդյան 60-ամյակը:

Ինչպես անցյալներում, այնպես էլ այժմ, գուսանի սիրային-լիրիկական, հայրենասիրական կամ այլ ոտանավորներում ու երգերում հանդիպում են կենսագրական առանձին մոտիվներ կամ երբեմն էլ՝ ամբողջական ոտանավորներ «իր մասին»: Խսկ ի՞նչ է գրում իր մասին նա այդ տարիներին:

Անցյալում «անտոն թափառական», Հավասին երկար փնտրել է «մի տեղ սիրուն», և այդ տեղը գտել է իր հայրենիքում, «սովետական արևի տակ փարթամ աճող Հայաստանում»: Հենց դրա շնորհիվ «հնում տանջված նրա հոգու վրա այժմ վառվում է լուս կանթեղ սիրուն»: Նա այն միտքն է հայտնում, որ ժողովրդական արվեստագետն ամենից առաջ իր ժողովրդի երգիչն է, որ ինքն էլ «բյուրեղացման» մի յուրատեսակ պրոցես է ապրել՝ հնում աշուղ լինելով, մի քանի մաղերով մաղվելով, այժմ գուսան է դարձել \*:

\* Դատելով Հավասու հիտելյալ տողերից՝

Հայաստանի սեր երգելով երբ որ մարդիկ տեսան ինձի,  
Աշուղ էի՝ սազը ձեռքիս, անվանեցին զուսան ինձի.

Նա 60 տարեկան է, փոքր տարիք չէ դա: Ակամա մաքեր հն  
ծագում անցկացրած կյանքի ուղու, իր՝ մարդու մասին: Ահա  
մի բանի հաստված:

Գոչ եմ, որ աշխարհում ես մեծամիտ չեմ,  
Իմ սիրտը ժայռապատ տարի նման չէ,  
Եփական քարի նման չէ,  
Նախանձ շարի նման չէ,  
Հոգուս աշքը միշտ բաց է,  
Մութ խավարի նման չէ:  
Մարդկային դիտության արևն է ծագել,  
Լուսավոր է սա, հին դարի նման չէ:

Սոխակը սիրում է՝ միշտ գարուն լինի,  
Սարն ու ձորը ծաղկած դալարուն լինի,  
Պարտեղը սիրուն լինի,  
Զոր տվող առուն լինի,  
Իսկ ագռավը կանչում է՝  
Ցուրտ ու ձմեռ-ձյուն լինի.  
Մեծամիտը թեկուզ իմաստուն լինի,  
Եկեղեց հասան գաղափարի նման չէ:

Հասել է նրա կյանքի «աշուն ժամանակը», բայց նրա  
միտքն արթուն է, ճենց «խոսքի սիրուն ժամանակն» էլ է: Փոր-  
ձուլ իմաստնացած, նա երիտասարդներին խորհուրդ է տալիս

---

Ես աշուն չեմ, զուսան եմ ես Սովետական Հայաստանի,  
Հայրենիքի սերն եմ երդում, քան բլրուզը բուրաստանի:—  
Նա դուսանների արմեստը դիտում է որպես ընդհանուր-արևելյան աշուղա-  
կան արվեստի հայ աղղային ճյուղը, զուսանն իր ստեղծադործության մեջ  
անդրադարձնում է նախ և առաջ իր՝ տվյալ դեպքում հայ ժողովրդի կյան-  
քը, հանդիսանալով նրա բնիկ աղղային ավանդությունների կրողը:

Ճշգրիտ որոշել կյանքի հարթ ճանապարհը, քանի «գարուն ժամանակն» է նրանց:

Նորից է խոսք բացվում՝ ուղղված իր սազին, որի հետ նա կիսել է կյանքի սերն ու դառնությունը.

Իմ սիրում սազ, հոգու լնկեր, քիչ կարդացինք ես ու դու,  
Կյանքի սերն ու դառնությունը՝ միշտ գգացինք ես ու դու,  
Եկ չեմ ուզում սրտիս վշտից ձեն-ձենի տանք ու երգինք,  
Տերիք որքան անմխիթար, անվերջ լացինք ես ու դու:

Ա՛յս, ես սրտով առում էի բախտից լացող աշուղին,  
Կյանքի ծովում շատ լողացող, քիչ խորացող աշուղին,  
Ափսո՞ս, ինքո նմանվեցի այն ողբացող աշուղին,  
Մեր երկինքը միշտ ամպամած, շինդացինք ես ու դու.

Թող ես սպամ, ինձ արժան է, կորցրել եմ վարդ ու զարդ,  
Անշունչ փայտից շինած իմ սազ, զո՞ւ ինչու լաս վիշտ ու զարդ,  
Թե մեր սիրութ բացող շնդավ աշխարհիս մեջ ու մի մարդ,  
Մեր երգելով հաղարավոր սրտեր բացինք ես ու դու...

Իսկապես, Հավասու ստեղծագործությունը, մանավանդ երածշտականը, զերծ է լացի և վհատության մոտիվներից: Բնորոշ է, որ Հայաստանի Կոմպոզիտորների միության մի երկու տարի սրանից առաջ կայացած Երգի պլենումին (Կիրովական քաղաքում) հարց ծագեց այն մասին, թե ինչո՞ւ ժամանակակից մի շարք գուսանների երգերում լացկանություն կա, գերակշռում են սենտիմենտալ կամ թախծալի մոտիվները, և այդ առթիվ կայացած բանավեճում որպես լավատեսական, կենսուրախ արվեստի օրինակ բերվեց Հավասու ստեղծագործությունը. ստեղծագործությունը մի գուսանի, որը թվում էր, թե ավելի, քան մեկ ուրիշը, հիմքեր ունի վհատվելու, հոռե-

տեսության՝ գիրկն ընկնելու և անելանելի վշտի երգեր հորինելու:

Եվ ահա տոնվում է Հավասու հորելցանը: Արվեստի աշխատողների տան դահլիճում հոծ բազմություն է հավաքվել ողջունելու սիրած գուսանին: Անկեղծ, մտերմական իրադրություն է: Բեմ բարձրացողները չերմ խոսքեր են ասում գուսանի կյանքի ու ստեղծագործության մասին: Նրան ողջունում են ոչ միայն «պաշտոնական» անձինք՝ գրողները, արտիստները, կոմպոզիտորները, այլև շարքային ունկնդիրները, գուսանին համակրողները: Ապա՝ նրա ստեղծագործություններից մեծ ու բովանդակալի համերգ ժողովրդական և գուսանական երաժշտության լավագույն կատարողների մասնակցությամբ: Եվ, իհարկե, շնորհավորական բազմաթիվ ուղերձներ. սովետական շատ հանրապետությունների ժողովրդական ստեղծագործության տներից և նրանց գեղարվեստական ինքնագործունեության ներկայացուցիչներից, որոնք ողջունում են «սիրելի եղբայրակցին», «հիւանալի գուսանին, Հայաստանի ժողովրդական երգչին», մեր հանրապետության ստեղծագործական միություններից, թատրոններից ու համերգային կազմակերպություններից, կոլտնտեսություններից ու առանձին կոլտընտեսականներից: «Զեր երգերի մեջ բացված է այն հրաշալի աշխարհը, որտեղ ապրում է մեր սովետական ժողովուրդը: Թո՛ղ Զեր բանաստեղծությունն ու երաժշտությունը այսուհետեւ ևս արտացոլեն մեր ժողովրդի հաղթանակների ուրախությունն ու խաղաղ աշխատանքի երջանկությունը», — գրում են հորելցարին:

Գուսան Հավասու կենսագրությունն ամենից ավելի տրամաբանական կլինի ավարտել հորելցանական երեկոյին ար-

սասանված հենց իր պատասխան-էքսպրոմտով։ Իր տպագրը-ված գրքույկում այդ ոտանավորը վերնագրված է «Այսօր»։

Ես իմ ծաղկած Հայաստանում երգիշ սիրարան եմ այսօր,  
Արգեստարուի բուրաստանում փոքրիկ բալառան եմ այսօր,  
Շատ եմ երգել ու դարձալ իս նրա զավեր կանեմ այսօր,  
Հայրենիքիս նման չաճել, կարծես նոր ժիվան եմ այսօր։

Ինձ համար փառք ու պարձանք է, երբ այս պատվին տիրացա ես,  
Արևագուրկ տանչված հոգուս ցավերն իսպառ մոռացա ես,  
Երջանկությամբ լցվեց սիրտս, նոր կյանք առա, զորացա ես,  
Չեմ զգում, թե հասակ առած վաթսուն տարեկան եմ այսօր։

Անցյալներում մեր տարբախտ աշուղների ո՞վ էր տերը,  
Թիակետ նրանք մեզանից լավ երգում էին կյանքի սերը,  
Այս ու վախով եկան անցան, լալով ազգերի վշտերը,  
Սակայն ես վառ խինդի ծովում երջանիկ գուսան եմ այսօր։

Գոհ եմ, որ ինձ վիճակին էր ժողովրդին լինել ծառա,  
Լալ ու դառ էր ուսիս բեռը, այսքան տարի սիրով տարա,  
Նոր արև է ծագել պայծառ բազմաշարշար սրտիս վրա,  
Թվում է, թե ես էլ դեմքով բոլցրիդ նման եմ այսօր։

Հավասին եմ, ես չեմ կարող հասուցել այն բնկերներին,  
Արոնք տվին լայն ասպարեզ իմ խոսքերին ու երգերին,  
Մեր առաջտելի սովետական օրենքներին ու կարգերին  
Եղ պանծալի թեծ պարտիային հոգով պարտական եմ այսօր։

Հորելլյանից հետո մի քանի տարի է անցել։ Գուսանն այժմ  
էլ լի է ստեղծագործական ալյունով։ Նա ոչ միայն գրի առ-  
նում ու կարգի է բերում իր ստեղծագործական ժառանգու-  
թյունը, այլև հորինում է նոր երգեր։

## ՍՏԵՂԾԱԳՈՐԾՈՒԹՅՈՒՆԸ

Հավասու ստեղծագործությունը կազմված է գրական և երաժշտական մասերից: Գրական մասը բավական ընդարձակ է և դեռևս փոքր չափով է հրատարակված \*: Այն ընդգրկում է ավելի քան 1800 գուսանական երգ-ոտանավոր (հրատարակված և վերահրատարակված է 180-ից մի փոքր միայն ավելի), ավելի քան 1500 քառյակ, մի շարք այլ չափածո-արձակ ստեղծագործություններ (հեքիաթներ և այլն): Նրա ստեղծագործության երաժշտական մասում կա 130 երգ՝ եղանակով (վերջերս հրատարակված ժողովածուն ընդգրկում է 84 նմուշ):

Հավասու հրատարակված երգ-ոտանավորներն իրենց թեմաներով բազմազան են:

Իր ոտանավորներից մեկում Հավասին նկատում է, որ սիրո երգչի մուրազն անկատար կմնա, եթե նա չի երգել Հայրենիքի սերը: Հայրենիքի և հարազատ ժողովրդի թեման այս կամ այն չափով ու ձևով տեղ է գտել համարյա բոլոր հայ-

\* Հավասու ձեռագրական «տնտեսությունը» երկար ժամանակ մնում էր անկարգ վիճակում: Միայն վերջին ժամանակներս գուսանի Շավարշը որդին ստվարածավալ տեսրերում մաքուր արտադրել է նրա երգ-ոտանավորներն ու քառյակները, որի շնորհիվ այժմ հնարավոր է դարձել գոնե մոտավորապես սահմանել դրանց քանակությունը:

գուսանների ստեղծագործության մեջ։ Այդ թեման մշակող ու պրոպագանդող գուսանները դրանով իսկ իրենց կոչումով վեր են բարձրացել ավանդական «սիրո երգիշներից», նրանց ստեղծագործությունը հասարակական ավելի մեծ նշանակություն է ստացել։

Նախասովետական հայ գուսանները ստիպված էին պատկերել ժողովրդի դառը ճակատագիրը, նրա պայքարն օտարերկրյա և տեղական ճնշողների դեմ, դառնում էին հարազատ երկրի ազատագրության պայքարի մասնակիցներ։ Գուսանական հին երգերում հաճախ են հնչել ժողովրդական վշտի մուտիվները։ Իսկ Հավասին, թեև իր բանաստեղծական գործունեությունն սկսել է դեռևս նախասովետական տարիներին, բայց ըստ ամենայնի ծավալել է մեր ժամանակներում և սովետական մյուս գուսանների հետ դարձել ազատագրված ժողովրդի, նրա սոցիալիստական հայրենիքի ու աշխատանքի երգիշ։ Այդ է պատճառը, որ նրա երգերն այնքան կենսուրախ են։

Հավասին ոգեշնչված տողեր է նվիրել սովետական ժողովրդի առաջնորդ Լենինին, նրան, ով գուսանի արտահայտությամբ, արևի պես ծագել ու լույս է տալիս ողջ աշխարհին։

Հայրենիքը գուսանի սիրոտն է, շկա նրանից թանկագին որևէ այլ բան։ Իր այս կարծես հիմնական նշանաբանը Հավասին մարմնավորում է բանաստեղծական ցայտուն պատկերներով և տարբեր ձևերով։ Նրա շատ ոտանավորներում կենդանագրված է հարազատ Հայաստանի բնությունը, դա «գույնով հազար, ծաղկադալար» Ալագյազն է, իր գագաթի կենսաբար հովերով ու փեշերին փոլած արտերի ու վարդերի ծովով, որտեղ մարդու սիրտ է բացվում, որտեղ հավիտյան զնգում է

աղջիկների երգը: Հապա երգեցիկ աղբյուրնե՞րը, որ ժայռի կուրծքը պատռելով դուրս են ցայտում և աղմուկով հոսում սարն ի վար, իրենց հետ կենդանություն տանելով դաշտերին: Հապա դալար այգինե՞րը, Սևանա լճի փիրուզյա ջրե՞րը, երկնասլաց լեռնագագաթներն ու անդնդախոր ձորե՞րը...

Բայց կարդալով Հայաստանի մասին գրված ոտանավորները, մենք զգում ենք, որ գուսանին համար իր հայրենիքը սոսկ աշխարհագրական հասկացողություն չէ, դա միայն հարազատ երկրի բնական գեղեցկությունները չեն: Հայրենիքը նաև կառուցվող քաղաքներն ու գյուղերն են, իսկ գլխավորը՝ ստեղծագործ աշխատանքի մարդիկ են և այն ամենը, ինչ այդ մարդկանց կյանքն է կազմում:

«Հներից շատ հին և միաժամանակ նոր երկիր»— այսպես է ասում Հավասին Հայաստանի մասին: Նա պատշաճը հատուցում է ժողովրդի հերոսական անցյալին, գովերգում նրա աղատասիրական ոգին: Գուսանի ոտանավորներում մենք հանդիպում ենք նաև հերոս-զորավարներ Վարդան Մամիկոնյանին, Գևորգ Մարզպետունուն, Դավիթ-Բեկին և մեծ լուսավորիչ Խաչատուր Աբովյանին:

Հավասին հուզումնալից խոսք է ուղել հայ աշուղական արվեստի ականավոր ներկայացուցիչներ Սայաթ-Նովային ու Զիվանուն:

Հա՛յ գուսաններ, սիրո ծովից հնչող քնարին նայեցեք,  
Մեծ ու անմահ Սայաթ-Նովին, աշուղ հանճարին նայեցեք,  
Լոկ պատմելով նկարում է, իր սիրած յարին նայեցեք,  
Անվանել է արև, լուսին, շամս ու դամարին նայեցեք:

«Ոսկերեան» Սայաթ-Նովայի մասին նա ասում է՝ լեզուն

րլրուկի վարպետ է, սիրո շտեմարան, «դավթարը»՝ իսկապես աղամանդների գանձարան։ Խոսում է նրա ժողովրդականության մասին, այն մասին, որ հայ մեծ աշուղը հավասարապես սիրված է անդրկովկասյան երեք ժողովուրդների կողմից։ Իսկ Զիվանին Հավասու երգում բնութագրվում է որպես հայ ժողովրդի հին ցալի արդար վկա, որը մեծատուններին ատել է, իսկ խեղճ ու աղքատներին քաջալերել, երջանիկ ապագայի հույս տվել։ Զիվանին մի աշուղ է, որի սիրած յարն իր պաշտելի հայրենիքն է եղել, որ նա «գաղտագողի» երգել է<sup>\*</sup>։ Նա մեծ մարդասեր է, որ հավիտյան ապրում է մարդկանց սրտերում, ամենագետ աշուղ-փիլիսոփիա, որ բոլոր աշուղներին ուղիղ ճանապարհ է ցույց տվել։

Այս բոլորի հետ մեկտեղ, հայրենիքը գովերգելով, Հավանին հակադրում է նորը։ Կա գրում է.

«Յավական է պարտեղի մեջ բալը երգենք, ի՞մ փերի,  
Գուրս գանք կովսողի արտերը, կալը երգենք, ի՞մ փերի,  
Աշխատանքի հերոսներին որախացնենք երգելով  
Նվ առատ բերք մեր արտերի տալը երգենք, ի՞մ փերի»։

Մի առանձին հակվածությամբ նա գրում է հազարամյակների մոխիրներից վերածնված երեսանի մասին, անվանելով այն «այգեստանի վարդ, բուրաստանի զարդ», արևին ժպտացող քաղաք։ Իսկ գլխավորը նրա համար, ինչպես արդեն աս-

\* Ինչպես հայտնի է, ցարական գրաքննության հետապնդումից խուսափելու նպատակով Զիվանին հայրենիքը գովերգող ու նրա աղատազրությանը կոչող իր երգերում այդ հայրենիքը ներկայացրել է զանազան այլաբանական պատկերներով։

ված է, նոր մարդիկ են, ամենից առաջ՝ կոլտնտեսային դաշտերի հերոսները:

Կոլտնտեսային կյանքն արտացոլող ոտանավորներում նոր կերպարների բնութագրման համար հմտորեն կիրառված են հերոսի նկարագրման ավանդական գուսանական հնարներ, ուրույն մակդիրներ ու համեմատություններ: Այդ պատճառով էլ նման ստեղծագործությունները ոչ թե առհասարակ գյուղին վերաբերող ոտանավորներ են, այլ հատկապես գուսանական ձամանակակից երգեր: Գուսանի ստեղծած կերպարները հենց կրանով էլ յուրահատուկ են:

Ահա դրանցից մեկը: Կոլտնտեսության արտօմ ցողերով լցված վարդեր են բաղվել: Դրանցից ամենագեղեցիկը «Հերոսն է գուսանի երգի, մահլամը նրա վերքի»: Նա ինքն էլ աշխատանքի հերոս է: Եվ ինչպես այս լեցուն հասկերը, լցվել հասել է և նա՝ այդ զով սարի ծաղիկը: Ու երջանիկ է նա, ով այդ աղջկա հետ է աշխատում, քանի որ միշտ նրա հետ լինելու ու նրան տեսնելու արդեն բավական է, որ մարդ սիրո վիշտ չունենա:

Մի այլ գեպքում Հավասու հերոսը բամբակի դաշտերի աշխատավորուհի է: Աշխատանքի վառ սեր կա սրա սրտում, բործունեության երանդ: Գուսանն անսովոր պատկեր է նկատում.

Բամբակն՝ սպիտակ, գու՞ կարմիր սիրում,

Կարծես հունվարին ալ վարդ դալարում,

Մի կողմը ձմեռ է, մյուաը՝ գարուն...

Դա վարդ-աղջիկն է դաշտում, նա աշխատանքի մեջ էլ գեղեցիկ է և դրա համար է, որ նա արժանի է գուսանի գովասանքին:

Ահա և մյուսը՝ կոլտնտեսության հովիվը։ Նրա մասին՝ ոգեշնչված երգում է սիրած աղջիկը։ Մայիսյան գեղեցիկ օրեւին աղջիկը ծաղիկ չի քաղել, հրակեղ վարդեր չի պոկել, քեզ է սպասել, հովիվ, զու նրա համար և՛ գարուն ես, և՛ ծաղիկ, նրա սերն է քո անքուն հովու լնկերը... Հավասու այս ոտանավորները զգացնել են տալիս, թե որքան արժանավոր ու աղջիվ բան կա հասարակ մարդկանց մեջ։

Կոլտնտեսային աշխատանքի հերոսներին գովերգող ոտանավորներն ու երգերը Հավասու մոտ ամենագողտրիկներից են, դրանք լայնորեն տարածված են թե՛ զյուղում և թե՛ քաղաքում։ Նույն ոգեսորությամբ նա գովերգում է մտավոր աշխատանքի մարդկանց՝ դիտնականներին, զյուտարարներին, գրողներին (Ավ. Խաչակյան և Զարենց), արտիստներին, իր ժողովրդի բոլոր լավագույն մարդկանց։ Բարձր հայրենասիրությունը բնորոշ է Հավասու՝ սովետական թեմատիկայով գրված ոտանավորներին ու երգերին։

«Հայաստանն է լավ» բանաստեղծության մեջ Հավասին հայտարարում է. «Առանց այդ էլ մեր Միության ամեն մի սահմանն է լավ»։ Ազատագրված Հայաստանը նա դիտում է որպես սովետական հանրապետությունների հզոր Միության մի անրաժանելի մասնիկը, գովերգում է «Ազատարար-Հոկտեմբերը», սովետական ժողովուրդների՝ «կարմիր ազգերի» սերն ու եղբայրությունը, Սովետական Հայրենիքի սիրու՝ Մոսկվան։

Մի առաջադեմ անձնավորություն, որ ապրում է ժողովրդի շահերով, նա ժամանակին մեկից ավելի անգամ անդրադարձել է Հայրենական մեծ պատերազմի թեմաներին, ոգեսորել է ուազմաճակատ մեկնող մարտիկներին՝ հայրենիքի պաշտպան-

ներին, արդար հաղթանակի հավատ ներշնչել թիկունքի մարդկանց:

Հավասին եռանդուն կերպով պատերազմի դեմ է դուրս գալիս: Կյանքի ու աշխատանքի երգիշ լինելով, նա հիանալի գիտակցում է ժողովուրդների բարեկամության ու խաղաղության նշանակությունը: Խաղաղությանն ու բարեկամությանը նվիրված իր մի ոտանավորում նա ոգևորված բացականչում է.

«Ենք երգեցեք,  
Միո՞ հույսը արեի պես թող չւարի,  
Հողագնդի անկյուններում որտեղ կյանք կա,  
Որտեղ մարդ կա,  
Ոիսո՞ երգը հեղեղի պես թող վարարի,  
Սեր երգեցեք...»

Հավասու ստեղծագործության մեջ մի հատուկ բաժին են կազմում խրատական բովանդակության ոտանավորներն ու երգերը:

Գուսանը դաստիարակող, սովորեցնող, խրատող է: Այս հատկությունները, դրսերված են նաև Հավասու ոտանավորներում: Դրանց մեջ նա խարազանում է մարդկանց բացասական գծերը, շատ օրինակներով ցուց է տալիս և գովերգում է մարդկային բարեմասնությունները, դրվատում աշխատասիրությունը, ճշմարտացիությունը, բարյացակամությունը, հայրենասիրական պարտքի զգացումը և մարդկային այլ դրական հատկանիշներ: Բնորոշ են այս բաժնի ոտանավորները՝ ուղղված երիտասարդությանը. դրանք խորն են, բովանդակալից: Ահա մի նմուշ:

Մեր բախտավոր նորահասներ,  
Երկրի բաղլա-բարը ձերն է,  
Աւառմն է լույս, հոգու լապտեր,  
Սովորեցեք, դարը ձերն է:

Դուրս եք եկել անուշ գարնան,  
Լեռան լանջին սովհտական,  
Չորս դին ծաղկունք ալ ու ալվան,  
Դեհ, քաղեցեք, սարը ձերն է:

ՄԵՆՔ որ այսրան ետ մնացինք,  
Յարի դարդով բնկանք, լացինք,  
Տգիտության զոհ գնացինք,  
Զեղ պիս գիտուն յարը ձերն է:

Սովորում եք արդար կարգի,  
Սուրբ օրենքը փայլող փառքի,  
Ողջ մարդկության հոգու խորքի,  
Սրտի քնրուշ լարը ձերն է:

ԵԱ Հավասս էլ ունեի ջանք,  
Տեղ հասնելու բարի բաղձանք,  
ՄԻՆՔ շատ սար ու ձորեր անցանք,  
Բւղիդ ճանապարհը ձերն է:

Նա երիտասարդներից պահանջում է՝ լինել առողջ, ամեն  
բանի հմուտ, լինել մտքով լուսավորված, գրագիտությամբ  
խորանալ խղճմտանքի մեջ, խիղճն էլ ապացուցել աշխատան-  
քի մեջ, լինել հոգով գեղեցիկ, լինել քաջ ու արի, սիրել կյան-  
քը, սիրել հայրենիքն ու ժողովուրդը: Նրա շատ տողերը աֆո-  
րիզմի բնույթ ունեն. «Պետք է դարին, ժամանակին հոգով  
հարազատ լինել», «ինքնասեր հոգին պետք է սրտի մեջ կրակ

ունենա, առաջ գործով հաց վաստակի, հետո ախորժակ ունենա»:

Ականավոր հայ գուսանների մոտ սովորաբար միմյանց հետ սերտ առնչված են լինում խրատական, բարոյախոսական և փիլիսոփայական թեմաները: Մեր գուսանի մոտ, նրա հրատարակված գործերում փիլիսոփայական ընդհանրացումների հավակնություններ շկան, թեև առանձին փիլիսոփայական մտքերի այստեղ էլ կարելի է հանդիպել \*:

Հիմնականում խրատական-բարոյախոսական նպատակներ են հետապնդում նաև երգիծական ոտանավորները: Հավասու երգիծական երգերում հանդես բերված դեմքերի մեջ մենք տեսնում ենք հարս և սկեսուր, փեսա և զոքանչ, մարդ և կին, հայր և որդի՝ իրենց կենցաղային փոխհարաբերության մեջ; «Ամիսների վեճը» երգում Հավասին այլարանորեն ձաղկում է մարդկանց մեծամտությունը, գուռովությունը, շմահավանությունը, շարությունը, ամբարտավանությունը: Հետաքրքիր է, որ 12 ամիսներից ամենահմաստունը դուրս է գալիս Մեծ Հոկտեմբերը, որ մարդկությանը ազատագրական պայքարում հաղթանակ է բերել:

Ինչպես աշուղների և գուսանների մեծամասնության մոտ, Հավասու մոտ ևս գերակշռող տեղ են բռնում սիրո երգերը:

Հավասու սիրացին ոտանավորներում դրսեորված են մարդկացին անարատ սիրո դգացմունքի բազմազան երանգները,

\* Օրինակ, կյանքի հակասականության և դիալեկտիկայի մասին են խոսում նրա հետևյալ տողերը.

«Որսը վերքիցն է մղկտում կյանքի-մահի կովի միջին,

իսկ որսորդը իր անսխալ խփող հրացանից գոհ է»:

(«Գոհություն» ոտանավորը):

գուսանի տարբեր հոգեվիճակները։ Այդ ոտանավորներից ամեն մեկն իր կերպարով ինքնուրուցն է և իր բովանդակությամբ ավարտված, ամեն մեկն ինչ-որ բանով ուշագրավ է, յուրովի գեղեցիկ։ Քանի որ դրանք իրենց իմաստով մեկը մյուսին չեն կրկնում, այլ նուրբ ու դիպուկ կերպով կարծես միմյանց շարունակում են, ուստի հրատարակված սիրային ոտանավորների շարքը հետաքրքիր է դիտել որպես մի ամբողջություն։ Միասին վերցրած դրանք ներկայացնում են սիրո մի միասնական ու ոգեշնչված հիմն, մի սրտառուշ և հուզաթաթավ պատմություն, գուսանի յուրօրինակ սիրային պոեմը։

Այդ պոեմի համար սկիզբ կարող է հանդիսանալ պանթեիստական ոգով գրված մի մինիատյուր։ Գուսանը երազ է տեսնում։ Նա նստած է սառնորակ լեռնային աղբյուրի մոտ, որն աշխարհին գարուն ու ծաղկում է բերում։ Բարձր ծառի վրա եկվոր թոշունը բույն է հյուսել և ուրախ երգում է։ Հրաշք-մեղեղին թափանցում է գուսանի սրտի խորքը, նա ընկերակցում է դրան, քաղցրաձայն հնչում է նաև սաղը... Դա սիրո երգն է, որ նա լսում ու երգում է, սիրն է թափանցում նրա հոգու մեջ... Ակամա առաջ են գալիս խոհեր սիրո և գեղեցկուհիների մասին։

.... Սեր կա՝ ջուր է արտերի,

Սեր կա՝ սարի սառնաղբյուր է սրտերի,

Սեր կա՝ գարնան բուրաստան է վարդերի,

Սիրուն, արի, սրտով քաղի, սիրով տար! . . .

Սիրո երկնից ամպը ցիրուցան կգա,

Սուր էլ զարկես, սրտի խորքից «չան» կգա...

Սիրունների հմայքներին շափ չկա, բայց ո՞վ է ամենից լավը: Այս հարցի պատասխանը Հավասու մոտ համեմված է ժողովրդական իմաստությամբ, պարզ է և խորիմաստ.

Հավերից լավ գուր ես փնտրում, ա՛յ տղա,  
Ամենքի մոտ բարին էլ կա, շարն էլ կա,  
Միայն լավ ընտրելու գաղտնիքը սա է՝  
Ով սրտիդ գուր եկամ՝ սիրունը նա է:

Եվ ահա թե ինչպես է նա պատկերում իր շատ ոտանավոր-ներում ու երգերում իր սրտի ընտրածին՝ լավերից լավին:

Նրա հասակը նոճի է, աչքերն՝ արուայակ, կամար ունքերը երկնային զարդ են՝ դեմքի վրա կապված, ինչպես աղեղնակ, այտերն ինչպես վարդ կարմիր, այտի խալը՝ ցերեկն արե է գուսանի համար, գիշերն էլ լուսնի լուս է տալիս, սիրոտ ծակող սուր, հոգի այրող հուր. է խալը, Նրա դեմքին ծիծաղն է կարկաչել՝ կարծես գարնան շաղն է իշել խաս կակաչի ալ թերի մեջ: Կուրծքը՝ քնար մի ոսկելար, նա ինքը լալ, մարջան ու գոհար, անուշ ակունք, ծառ նորատունկ, սարի արցունք է: Նա ծաղիկ է վարդի անուշ հոտով, Հայաստանի սեգ սարերի ծաղկի փնջիկ է նա. ոչ շամամի թաղի մեջ, ոչ գարնան շաղի մեջ, ոչ էլ եղեմյան բաղի մեջ նրա նման ոչինչ չկա: Բայց ի՞նչ ափսոսանք: Մինչև այժմ գուսանը դեռ չի երգել նրա մազերը: Ավաղ, այն պատճառով միայն, որ արժանի խոսքեր ու արտահայտություններ չի գտել: Եվ զմայլված նրա երկարահյուս ծամերով, որոնց բուրմունքն առանց վարդաշրի, մանուշակի համեմատ է, նա բացականչում է.

Ուինչ չունեմ, գոնե երգով  
Շարեմ անդին բար մազերիդ...

## ԵՎ ԽՄՆԴՐՈՒՄ Է ՆՐԱՆ.

Մի՛ կռանա վարդ քաղելու, փուշը մազդ կգողանա,  
Քեզանից բան չի պակասի, բայց իմ ջիզյարին ցալ է նա,  
Թե մի թելդ քամին տանի, ես կրակին չեմ դիմանած...

Նա ոչ միայն գեղեցիկ է. նրա միտքն է պայծառ, խոսքը՝  
ազդու, լեզուն՝ անուշ նաբաթ: ԵՎ գուասնի ինչի՞ն է պետք սա-  
զը, երբ նուրբ քնար է նրա անուշ լեզուն:

Օգտագործելով հայ աշուղների մոտ ընդունված սիրուհուն  
գովերգելու «Համեմատական» եղանակը, Հավասին իր գեղեց-  
կուհուն համեմատում է մարդկանց գարուն պարգևող մանու-  
շակի հետ, անտառից խոռված փախած եղնիկի հետ, օրվա  
սկսվելը՝ լուսաբացն ավետող աստղիկի հետ և գտնում է, որ  
նրա գեղեցկությունը պատկերելու համար այդ բոլորը քիչ է\*:  
Մի այլ անգամ նույն եղանակով նա գովերգում է իր գեղեցկու-  
հու խելքն ու շնորհքը («Ճովից էլ խոր ասեմ, քեզ համար քիչ  
է»), նիստուկացն ու քայլվածքը («Կաքավ ու լոր ասեմ, քեզ  
համար քիչ է»), նրա անուշ լեզուն (մեղրածորն ի՞նչ է համե-  
մատության համար), դուրեկան բնությունը (հրեշտակ, ոչ,  
դա քիչ է) և ավելացնում է.

\* «Համեմատության» եղանակը մի փոքր այլ ձևով ու շափազանց գե-  
ղեցիկ կիրառել է Սալահ-Նովան իր հոչակավոր «Զենքտ քաղցր ունիս» եր-  
գում: Հիշեցնում ենք դրա մի հատվածը.

Թե մանիշակ ասիմ՝ սարեմեն կոսին,  
Թե ջավայիր ասիմ՝ քարեմեն կոսին,  
Թե որ լուսին ասիմ՝ տարեմեն կոսին,—  
Մրեզակի նման փարա իս, գոզալ:

Այդպիսի սիրալի երգեր քեզ արժան  
թե ամեն օր ասեմ, քեզ համար բիշ է:

Իսկ ինչքա՞ն նավով ու սազով է նա:

Սյդպիսի սիրունը ում որ սիրե, նրա ալյունը չի դադարի երբեք: Նրան սիրողը աշխարհիս մեջ ցավ չի ունենա, նրա սերը երջանկություն, դրախտի գարուն է: Նույնիսկ ոչ ամեն մի աշուղ կհասկանա նրա գաղտնիրը, մի այլ ժպիտ, ուրիշ ծիծաղ ունի նա:

Բայց գեղեցկուհին նաև որոգայթներ է լարում: Սոխակի պես նա մի քաղցրանուշ մեղեղի ունի, որով հմայում է բոլորին, հեռվից անցնող երգչին դեպի իրեն է քաշում, բայց մոտեցողին կարող է խայթել: Ինչպես ասում է գուսանը, նա «զարկելու դադ էլ ունի»:

...Սերը մարդուն երգիշ է դարձնում, երգի վարպետ: Սերը մերթ կյանք է տալիս մարդուն, մերթ նրա հոգին է հանում. մերթ այրում, մերթ էլ ապաքինում է նրա սիրու: Բայց Հավասին հույս ունի, որ իր գեղեցկուհու «սիրու աշխարհից չի մնա անտեսա». չէ՞ որ նա էլ «Հողածին է վերջապես»:

Ահա, գեղեցկուհին հայտնվում է և իր անուշ լեզվով ու մարդարիտ խոսքերով հմայում է գուսանին, արթնացնում նրա անմեղ ու միամիտ հոգին: Գուսանի սրտում ավելի ու ավելի խորն է թափանցում սերը, և նրա շուրթերից պոկվում են «անուշ յար, սիրահար» խոսքերը:

Վերը հիշված համեմատության եղանակը թերևս ավելի գունագեղ օգտագործված է գուսանի լավագույն երգերից մեկում՝ «Ե՞նչ ասեմ յարիս»: Այս ոտանալորը և նույն երգն ամբողջապես, որ ամենատարածվածներից է, սիրո և ընդհանրա-



Գուսան Հավասին և Ավետիք Խսահակյանը զբոսանքի ժամին:

ՀԱՅՈՒԹՅՈՒՆ  
ՊՐԻՎԵՏ ԳՐԱԴԱՐԱՆ  
ՀԱՅՈՒԹՅՈՒՆ ՊՐԻՎԵՏ

պես կյանքի արտասովոր խանդավառ ընկալման մի արտահայտություն է: Այստեղ զգացմունքների դրսեորումը հակիրճ է, դիպուկ, կերպարը՝ ցայտուն ու կոնկրետ:

Պարտեզում իրիկնապահին  
Ընկերներով ման կուզգային,  
Բացվիլ էր զեմքը երկնային.  
Արև ասեմ թե,  
Լուսին ասեմ թե,  
Ի՞նչ, ի՞նչ ասեմ զեղեցիկ յարիս:

Նրգում է սրտի սերիցը,  
Սազն էլ չի գցում ձեռիցը,  
Թափում է շրթունքներիցը  
Նաբաթ առեմ թե,  
Շաքար ասեմ թե,  
Ի՞նչ, ի՞նչ ասեմ անուշիկ յարիս:

Հավասւ դարդերը ծով է,  
Գարձյալ նստել, յար կգովե,—  
Նեսու լլ չի խոսի, խոռվ է.  
Համբ ասեմ թե,  
Բլրով ասեմ թե,  
Ի՞նչ, ի՞նչ ասեմ սիրունիկ յարիս:

Սիրունն անմիջապես ականջ շի գնում գուսանի սիրո կանցին, բայց գուսանը վստահ է իր զգացմունքի վրա. «Պիտի թակեմ,— ասում է նա, — գուսը սրտի, մինչև զարթնի ննջելուց, ու զարթնելով դադարի ինձ տանջելուց»: Իսկ եթե տանջի էլ, հոգին հանի, գարձյալ ջա՞ն է նրա համար:  
Եվ գուսանը դիմում է նրան.

... Դու մի շեյրան ես՝ սարի սիրահար,  
Ուսորդին տանջող փախչող անդադար,  
Ես մի սաղ ունեմ, զենք չկա ձեռքիս,  
Իշուր ես գախչում շես լսում երդիս,  
Ես մի աշուղ եմ, աշուղ սիրահար,  
Աշուղ անողն էլ դու ես, անջիգյար:

### ԵՎ ՄԻ ՈՒՐԻշ ՄԵԽՆ՝

... Առուն բարձրացավ, ուսին թարմացավ;  
Քո սերն անուշիկ անշափ քաղցրացավ,  
Երգեց սարյակը, սիրուն սոխակը,  
Այրեց յարերին սիրո կրակը...  
Փշեց հովն անուշ ամպերից մշուշ;  
Լցրեց հալասով իմ սիրտը քնքուշ,  
Դարնան դիշերը պարզեց պատկերը,  
Ենչո՞ւ չի զարթնի, յար շան, քո սերը...

Նրա սերը հույս է գուսանի «Կլած» սրտի համար, նրա անուշ լեզուն՝ սպեղանի, բայց նա նազ է անում, կոտրատվում։ Սիրո կարոտից այրված, գուսանը մոտենում է սիրեցյալի դրունը, իսկ նա չի ուզում իր սրտի գաղտնիքը բացել. չէ՞ որ նա էլ է սիրում, բայց մի լուր էլ չի տալիս։ Դրախտի վարդ է, բայց զրկում է իր անուշ բույրը վայելելուց, ծարավ ու պապակ գուսանին մի կաթիլ ջուրն էլ մերժում է։ Գուսանին մնում է հուր խնդրել նրանից, որ այրվի-պրծնի և շտանջվի այլևս.. Բայց կյանքի խորհուրդը հենց այդ տանջանքների մեջ է։

... Եվ այնուամենայնիվ նրա սերը անարձագանք չի մնում։ Վերջապես «նալը կոտրելով», գեղեցկուհին պատրաստ է դարձան անելու գուսանի սիրո վերքերին, խոստանում է նրա կրծքի քաղցրահնչուն քնարի լարը լինել։ Գուսանն անշափ ու-

րախ է, նա հպարտ է նույնիսկ և իրեն համեմատում է Սայթ-Նովայի հետ, որի սերն էլ ծովի պես խորն էր:

Բնության գրկում բացվում ու ծաղկում է նրանց սիրո դգացմունքը: Նա վայելում է սիրո հրճվանքը. այլևս դարդ չմնաց: Նա ոգեշունչ ոտանավոր է նվիրում իր յայլավոր յարին: Բարձր սարի ծաղկած լանջին սար բարձրացող ուրախ յայլավորներն ալ գարնան տարադ հագած՝ նազ-պար են բըռնել, և դրանց մեջ նրա սիրեցյալն է.

Պար եկող, քո պարին մեռնեմ,  
Քո սիրած զով սարին մեռնեմ,  
Կաթնաղբյուրի ճերմակ շրով  
Հուացած զիգյարին մեռնեմ:

Իսկ իրիկնագեմին, երբ աղջիկները Զավախքի սեղ սարերից երգ ասելով տուն են դառնում, սիրուճին կաթի կուժը ձեռքին շտապում է իր յարի մոտ.

Տուն արի, թառանիդ զուրբան,  
Հավասին չելքանիդ զուրբան,  
Յարի համար սեր է քաշել,  
Սարի կթվոր, շանիդ զուրբան:

Սակայն միշտ է, որ սերը լիակատար երջանկության է հասցնում: Սիրած աղջիկը գնում է յայլադ: Գուսանը սպասում է, թախծում, նրա համար օրը տարի է դառնում, բայց աղջիկը չի գալիս: Տանջող կասկած է ծագում: Միշտ նա սեր ուներ մեծ փառքի, միշտ մարդկանց սուստ խոստումից շլացավ, միշտ օտար սրտի տիրացավ: Ամեն տեղ գուսանը նրան փնտում է, կանչում է՝ «արի», թե որ սիրտդ չի փոխվել, թե որ սեր ունես»:

«Արար աշխարհ գիտի՝ Հավասու յարն ես», — գրում է գուսանը.

Դարձիր, իմ աննման, տեսքիդ եմ կարստ,  
Խոսիր, իմ նազելի, խոսքիդ եմ կարուտ...  
Եղնիկ ես դպոել դու գարնան սարի,  
Ամառն անց կացավ, գարձիր, տուն արի»:

Բայց նա սարերից չի իջնում և գուսանի նամակին նետի պես սուր խոսքերով պատասխան է ուղարկում: Իսկ գուսանը նրան միայն փաղաքշական ջան ու դուրբան է ասում, «գովական յար» անվանում: Թող հասկանա, որ այս աշխարհը ոչ ոքի չի մնացել և նրան էլ չի մնալու, էլ ինչո՞ւ է գուսանի սրտին ցավ պատճառում:

Երևում է, որ սիրահար եկավ, սիրահար էլ կերթա այս աշխարհից: Եվ ձմռան երկար գիշերները երգիչը չի կարողանում աչք կպցնել: Մարդիկ նրան ասում են. «Հավասի, դու էլ մի՛ սպասի քո յարին, դիմացիր նազին, զարկ տուր քո սազին, քո լարին»:

Գուսանը նախանձում է լուսնին, որ աստղերի հետ այնքան երշանիկ զույգերի սիրային հանդիպումներ են տեսել, իսկ ինքը միամիտ դուրս եկավ. «Արտին հնասավ մարալի», զուր երգեց իր յարին, որը, այդ էլ ասենք, «կրակ ու հուր, ոսկեփետուր» դուրս եկավ (մի՛թե այդպիսի էակին կարելի էր տիրանալ):

Երբ ձյուն նստեց Մասիս սարին,  
Զմեան իշխաց ողջ աշխարհին,  
Սերն էլ սառավ քո ջիպյարին,  
Սիրտ դառավ քար, սիրելի,  
Քար սիրելի, յար սիրելի:

Այնպես պատահեց, որ վշտից ու դարդից գուսանը տկարացավ։ Շատ օրեր պառկեց իր մութ հարկի տակ։ Մարդիկ նրան հարգանքի շնորհ բերին, չկար միայն իր սիրո գերին, իր գոված փերին։

«... Նա կարոտ չէ քո խասին, ոսկուն, ալմասին, նա առանց այդ էլ իր երգերով հարուստ է, նա քո մասին է երգում, բայց եթե իր կյանքի օրհասին դու չեկար, էլ մի՛ գա»; — ասում է գուսանը։

Գուսանը խարված է սիրո մեջ, նրա հուսահատությունը ծայր աստիճանի է հասնում։ Երեան է գալիս դառը կշտամբանքով լի «Ինչո՞ւ սիրեցիր» ոտանավորը և էլի մեկ ուրիշը։

Յարը մարդուն յարա կուտա, շատ ուշ հասկացա,  
Ժայռից պոկված սիրտը նրա քնքուշ հասկացա;  
Յարս ինձ շասաց՝ դեղ տամ վերթիդ, առ դիր, ով աշուզ  
Սեր երդեկուց սազը ձեռքեղ վայր դիր, ով աշուզ։

• • • • •  
Հազար տեսակ տանջանք կուտա վարդը բլրովին,  
Ով յար ունի՝ նա կիմանա դարդը բլրովին,  
Ես Հավասն եմ, սոխակի պես վշտերս եմ լալիս,  
Սիրո հուրը իմ սրտակեղ՝ հանդիստ չի տալիս։

Երանի յադ ունենալի,  
Յաղերից շատ ունենալի,  
Սարի պես դարդ ունենալի,  
Յար լունենալի։

Հայ մեծագույն քնարերգու Ավետիք իսահակյանը մի անգամ ասել է. «Սիրո հեքիաթը վերջ չունի»։ Գուսանի սերը նույնպես անվերջ է։ Իր ուշ գրված ոտանավորներից մեկում նա իր սրտի հետ խոսք է բացում։ Գուսանը ծերացել է, բայց

Նրա մեջ սիրո կրակը շի մարել: Եվ ահա նա դիմում է իր սրտին.

«Երդիր դարձյալ սեր, սիրեկան,  
Սառավ չասեն քեզ, իմ սրտիկ»:

Եվ չնայած դժվար է մոռանալ անցյալի ողջ վիրավորանքը («բավական է նա ա՛խ քաշի, այժմ էլ սրտից սև արյուն կգա»), այնուամենայնիվ, իր գաստանների տողերում նա անդադար հիշում է և քանի ապրում է, պետք է երգի իր սիրուհուն: Փուլթ չէ, որ իր երգը լսելիս սրտի վերքը տեսնողները կասեն, թե անգությարի հիշատակն է դա...

Սիրել, սիրվել, գովել իր սիրած յարին,— ահա ամեն մի գուսանի նպատակը. «Հէ՞ որ պարտեղներում՝ ծաղկած, դալարուն, սոխակն էլ մուրազով երգում է սիրուն»: Այս կարելի է համարել գուսանի սիրո պոեմի վերջաբանը:

Հավասու սիրային երգերում ակնբախ են բարձր տրամադրությունն ու անկեղծ ոգեսրությունը: Գեղեցիկ և սրամիտ պատկերները, համով-հոտով համեմատությունները մի առանձին հմայք են տալիս այդ ոտանավորներին: Դրանցում շունչ կա, կյանք կա, զրանք աղդում են, գեղագիտական հաճույք պատճառում ընթերցողին: Այդ երգերում նրա սիրեցյալը, չնայած ներկայացնելու գուսանական ավանդական ձևերին (օրինակ՝ բնորոշ հիպերբոլան), այնուամենայնիվ մտացածին, հեքիաթային չէ, այլ ընկալվում է որպես իրական էակ: Նա ցուց է տրվում կյանքում, աշխատանքում: Հավասու այդ ոտանավորներում գծագրվում է գուսանի իդեալը ներկայացնող կնոջ կերպարը. բացի գեղեցկությունից, նա օժտված է շատ այլ բարեմասնություններով, գուսանը նրանից պահան-

զում է՝ լինել մարդկային, ազնիվ, համեստ, սիրո մեջ՝ մաքուր,  
նվիրված և հավատարիմ։ Այդ ոտանավորներում գծագրվում  
է և գուսանի հարուստ հոգին։

Գուսան Հավասու անտիպ երգ-ոտանավորների վրա կանգ  
չենք առնի. մի քանի խոսք կասենք միայն նրա քառայակների  
և հերիաթների մասին։

Հավասու ստեղծագործությունների մեջ նրա քառայակներն  
ևս իրենց գեղարվեստական արժանիքներով աշքի են ընկնում։  
Դրանց մեծագույն մասը գրված է աշուղական բայաթիների  
ձեռով (յոթվանկանի տողեր, որոնք հանգավորվում են առաջին,  
երկրորդ և շորրորդ տողերում), բայց այդ նույն ձեւը ավելի  
շատ տարածված է հայ գեղջկական բանաստեղծության մի  
շարք ժանրերում, մասնավորապես ջան-գյուղումներում, հա-  
րսրանի երգերում և այլ մանիներում։ Հավասու քառայակների  
մեծամասնությունը հենց գեղջկական պոեզիային է մոտե-  
նում։ Առանձին դեպքերում նա հեռանում է քառայակների այդ  
տարածված ձևից, կիրառում այլ տաղաշափություն և հանգա-  
վորում։

Քառայակներում հանդիպում ենք ժողովրդական շատ կեր-  
պարների. նրանցում մենք կգտնենք և՛ գյուղական պարզ աղջ-  
կա ու տղայի կերպարներ, և՛ գյուղական կյանքի, կենցաղի  
ու բնության պատկերներ։ Կհանդիպենք նաև առածների ձեռվ  
արտահայտված գաղափարների։ Այս բոլորը ծագում են գեղջ-  
կական ստեղծագործությունից, բայց դրանք գրի առնված ժո-  
ղովրդական քառայակներ չեն, այլ գեղջկական պոեզիայի ոգով  
հորինված ինքնուրուցն ոտանավորներ։ Կան նաև շատ նմուշ-  
ներ, որոնք պարունակում են զուտ գուսանական մոտիվներ,  
կապված, օրինակ, գովական սիրունի կամ սիրած յարի կեր-

պարի հետ, կան խոհեր կյանքի և մարդկանց մասին և այլն (այս վերջիններն իրենց բնույթով մոտենում են Հովհաննես Թումանյանի հայտնի «Քառյակներին»): Բոլոր դեպքերում Հավասու քառյակները խորիմաստ են, հաճախ քավական պատկերավոր: Ամբողջությամբ վերցրած, դրանք հաղորդում են ոչ միայն անձնական ապրումներ, այլև ժողովրդական իմաստություն, ժողովրդական խոհեր, արտահայտված՝ մի դեպքում գեղջկական ստեղծագործության, մյուս դեպքում գուսանական բանաստեղծության, երրորդ գեպքում պրոֆեսիոնալ բանաստեղծական արվեստի միջոցներով:

Բերենք մի քանի նմուշ Հավասու քառյակներից:

Այգեպանը նուռ կուզե,  
Վարդին անձրե ջուր կուզե,  
Կուժ ու կուզա շինողն էլ  
Ամանն այրող հուր կուզե:

Եեղճ սոխակի հալը տես,  
Կյանքը կարճ է վարդի պես,  
Երկար կապրի ագռավը  
Հիմար, անմիտ մարդի պես:

Կերթաս գեպի սար, տղա',  
Ինչո՞ւ առանց յար, տղա',  
Քո սիրով լցված սիրտս  
Հանի՛ր, քեզ հետ տար, տղա':

Լեզուդ լուռ է, ի՞նչ ասեմ,  
Ինձ մոմուռ է, ի՞նչ ասեմ,  
Երգդ ուղիղ սրտիս մեջ,  
Հողիդ ծուռ է, ի՞նչ ասեմ:

Ես դատարկ ձայնն ի՞նչ անեմ,  
Խոսքն ունայն ի՞նչ անեմ,  
Ոտնամանս երբ նեղ է,  
Լայն աշխարհը ի՞նչ անեմ:

Սև բախտից շարի սիրտը  
Մոմի պես մարի սիրտը,  
Բող ապրի երկրի վրա  
Մարդասեր, բարի սիրտը:

Երազ տեսա էս զիշեր,  
Մի սազ տեսա էս զիշեր,  
Միրո կարոտ ու փափադ,  
Մուրազ տեսա էս զիշեր:

Սիրտս վառավ, անց կացավ,  
Սերուկ դառավ, անց կացավ,  
Զուլալ աղբյուրների մեջ  
Կյանքս ծարավ անց կացավ:

Բա՛խտ, զու ինձ լուս մի՛ տանի,  
Ճամփեքով ծուռ մի՛ տանի,  
Մա՞ տուր մեռնեմ, միայն թե  
Տժարդի զուռ մի՛ տանի:

Թող անգութը վերջանա,  
Ծձի ճուտը վերջանա,  
Մարդիկ կապրեն միշտ խաղաղ,  
Երբ որ սուտը վերջանա:

Հրատարակվելու դեպքում Հավասու քառյակներն անշուշտ չերմ արձագանք կգտնեն ընթերցողների լայն շրջանում:

Այլ ստեղծագործություններից, մասնավորապես գուսանական հեքիաթների բնագավառից հիշատակենք պատմա-հերոսական բովանդակության «Վահան Մարզպետունի» հեքիաթը (արձակ), լեգենդար բնույթի «Քարե բերդը» (շափածո), և առանձնապես՝ «Հյուսիսային արև» ընդարձակ հեքիաթը (ոտանավորներ, երգեր և արձակ): Այս վերջինում սիրո թեման զուգորդում է աշխատավորների աղատագրության պայքարում դրսեորդող հերոսականության մոտիվների հետ: Այդ հեքիաթը վերաբերում է համեմատաբար ոչ վաղ անցյալի մի պատմաշրջանի՝ սկսած առաջին համաշխարհային պատերազմից: Նրա հերոսները՝ թուրք դահիճների կամքով միմյանցից բաժանված երիտասարդ սիրահարներ, երկար թափառումներից ու ձախորդություններից հետո նորից գտնում են միմյանց և իրենց երջանկությունը ձեռք բերում արդեն Սովետական Հայաստանում: Իր այս խոշոր ստեղծագործությունը գուսանը դեռևս շարունակում է մշակել:

Ինչպես ասված է արդեն, գուսան Հավասին լայնորեն տիրապետում է աշուղական տաղաշափության ավանդական ձեւերին և վարպետորեն օգտագործում է դրանք: Որոշ դեպքերում նա ինքը կատարելագործում է գոյություն ունեցող ձևերը,

ստեղծելով գրանց նոր տարբերակներ կամ պարզապես նոր ձևեր: Այդ ձևերի մանրամասն քննությունը հատուկ մասնագիտական խնդիր է և դուրս է մեր գրքույկի նպատակադրումից: Մենք միայն թեթևակիորեն կշոշափենք Հավասու բանաստեղծությունների տաղաշափության մի քանի առանձնահատկությունները:

Ընդհանուր առմամբ նշենք, որ Հավասու երգ-ոտանավորներում կիրառված են աշուղական տաղաշափության ավելի քան 35 տարբեր ձևեր: Սրանց մեջ կան՝ գուրգեթ, մուխամմազ, մուստեղետ, մանի, ռզոշմա, ղաղել, ղիվանի, սեմայի, շաքի, թաշնիս, վարսաղ, սանթրանչ, դաստան և այլն, դրանց զանազան զուգորդումներն ու տարբերակները: Վերջիններս միմյանցից տարբերվում են բանաստեղծական տողի ոիթմով ու ներքին հանգավորությամբ, մեկ տան տողերի քանակությամբ, տների քանակությամբ, տարբեր կրկնակներով:

Հավասին մասնավորապես մեծ ուշադրություն է դարձրել բանաստեղծական տողերի ոիթմի բազմազանությանը, նրանց ոիթմական հարաբերությանը, ներքին հանգավորմանը: Նրա երգերում հաճախ գոյանում են յուրահատուկ խառը շափեր և խիտ հանգավորում, որոնք ավելացնում են ոտանավորի երաժշտականությունը: Այդպիսի ձևերից մեկն է ներկայացնում, օրինակ, «Իմ մեկումարն ես» ոտանավորը, որտեղ տողը բաղկացած է 6+5+5 ոտքից և ունի ներքին հանգավորում:

Քանի մեկ սպասեմ քո սիրով տարված,  
էրված ու վառված,  
Արի, թե իմ յարն ես, ակն ու գոհարն ես,  
իմ մեկումարն ես,

Մի՛ թողնի անգյուման մտքով պաշարված,  
մի՛ առ ինձ հարված,  
Արի, թե իմ յարն ես, ակն ու գոհարն ես,  
իմ մեկումարն եմ:

Նույն տիպի հետաքրքրական ձև է ներկայացնում «Գիշերը հրկար» ոտանավորը, որ ունի խառը չափ և կրկնակ:

Գիշերը երկար, աշքիս առանց յար քուն չի գա,  
Յարս էլ հեռացավ, իսպառ մոռացավ, տուն չի գա.  
Մնացի երգելով՝ յարո՞-յար,  
Քո սիրո վերքերով, յարո՞-յար,  
Յար, քեզ զցողը քարեքար՝  
Ինքն էլ ընկնի սարեսար:  
Փնտրում եմ լավիս, սիրուն՝ կաքավիս, ո՞ւր գնաց,  
Ինձ թողեց լալով, ինքը խնդալով զուր գնաց  
և այլն:

Նման օրինակ է նաև «Քեզ երգեցի» ոտանավորը՝ մուխամմազի մի այլաձևությունը, որտեղ տողերը սովորական 16 ոտանանի են, բայց ներքին հանգավորում ունեն:

Եկա աշխարհ անմխիթար, սնուշ իմ յար, քեզ երգեցի,  
Զեռքիս քնար, միշտ անդադար, այ անշիպյար, քեզ երգեցի,  
Իմ արեն ես՝ կապած կամար, շողիդ համար քեզ երգեցի,  
Աշուղ դառած՝ յազ գրկեցի, ինձ գրկեցի, քեզ երգեցի:

Եվ, վերջապես, մի այլ տեսակի է հետեւյալ մուխամմազը,  
որտեղ տողն ունի բացառիկ հանդիպող  $3 \times 5$  ոտք.

Ով երկնատիպար անուշիկ իմ յար, անկեղծ հոգատար,  
Հատուկ ինձ համար արփու հավասար լույս ես անխավար,  
Դու մի ոսկելար, կենդանի քնար, լնդվանի ճարտար,  
Խոսիր, խրատե, մեղքս հաստատե, նոր ինձ նախատե:

Այս ոտանավորի բանաստեղծական շափի նախատիպը և դասական օրինակը Սայաթ-Նովայի հոչակավոր «Քանի վուր ջան իմ»-ն է: Սայաթ-Նովայի՝ յուրահատուկ տաղաշափություն ունեցող երգերի հետ ավանդաբար առնչվում են նաև Հավասու հնատեյալ երկու երգերը, որտեղ տողի 11 ոտքը երկու տեսակ ոիթմով են հանդես գալիս ( $6+5$  և  $4+4+3$ ) և դրանց հաջորդականությունը մի առանձին ոիթմական աշխուժություն է տալիս ոտանավորին:

Ուժս պակասել է, դեմքս զառամել,  
Օրիս հասուն ժամանակն է, սիրելի,  
Անջուր ծաղկի նման թոշնել, թառամել,  
Կյանքիս աշուն ժամանակն է, սիրելի:  
(«Իմ պատվերը»)

Արի մի՛ վրդովվիր, իմ սիրահար սիրտ,  
Սիրո ճամփում մետաքս էլ կա, քար էլ կա,  
Մարդուն կհանդիպի տարրեր օտար սիրտ,  
Երկրի վրա հովիտ էլ կա, սար էլ կա:

Կյանքի պատողները քաղողին խակ չեն,  
Աշխատողի համար գոները փակ չեն,  
Աշխարհի մարդիկը միատեսակ չեն,  
Խելոք էլ կա, հիմար էլ կա, շար էլ կա...  
(«Արի մի՛ վրդովվիր») \*

\* Սայաթ-Նովայի՝ նման կառուցվածք ունեցող երգերից է, օրինակ, «Ինչ կոնիմ հեքիմն»: Նույն շափն օգտագործել են և մյուս հայ աշխողները, սակայն նրանց շատ ոտանավորներում տողերի այդ ոիթմական հակադրությունը առաջ է գալիս պատահարար: Վերը բերված «Արի մի՛ վրդովվիր»-ը միայնամանակ եւելքարար կոչվող ձեփ մի օրինակ է, նման Սայաթ-Նովայի «Արի ինձ անդամ կալ» հայտնի ոտանավորին:

Հավասին նույնքան լայնորեն կիրառում է աշուղական ոտանավորի կառուցվածքի այսպես կոչվող «տեխնիկական» ձևերը: Սրանցից են, օրինակ, «Չղթայբար» ձևի զանազան տարբերակները, երբ ամեն տան կամ ամեն տողի վերջին բառը (կամ բառերը) հաջորդ տան կամ տողի մեջ կրկնվում են որպես սկզբնական, այն ձևը, երբ ամեն մի տողն սկսվում և ավարտվում է նույն հնչյունով, կամ՝ երբ ոտանավորն արտասանելիս շրթունքներն անշարժ են մնում (ոտանավորում բացակայում են բոլոր այն հնչյունները, որոնք շըթունքների հպումով են արտասանվում), կամ արտասանելիս լիզում է անշարժ մնում և այլն:

Բերենք այդ «տեխնիկական» ձևերի մի քանի օրինակ Հավասու ոտանավորներից:

«Շղթայբար» կոչվող ձևի տարբեր նմուշներ, դասավորված ըստ բառերի կրկնման հաճախականության:

ա. Կրկնվող բառը գտնվում է տան վերջին տողի միջում և հաջորդ տան առաջին տողի սկզբում.

Սրտով բարի խնդիրը արի,  
Չես կատարի յարի պես, յար,  
Յար, զու արի ինձ մեծարի,  
Իմ քնարի լարի պես, յար:

Լարն իմ կյանքին, քնար սրտին,  
Գրված է հին, սերդ չէ սին.  
Քանդի լուսին՝ զու իմ կրծքին  
Փալլող անդին բարի պես, յար:

Քար մատանու՝ մատն Հավասու,  
Խոսքը աղդու, անուշ լեզու,

ինձնից հեռու՝ դեմ թշնամու

Կանգնած ես զու սարի պես, յար

(«Յարի պես»),

բ. Կրկնվող բառերը գտնվում են ամեն տան առաջին տողի  
վերջում և երկրորդ տողի սկզբում, 3-րդի վերջում և 4-րդի  
սկզբում և այլն:

Կոխոզի արտում վարդեր են բացվել,

Վարդեր են բացվել, ցողերով լցվել,

Դու ես այն վարդը, հերոսը երգիս,

Հերոսը երգիս, մահլամը վերթիս.

Անուշ, աննման, ծով արտի աղջիկ,

Սով արտի աղջիկ, զով սարի ծաղիկ:

(«Սով արտի աղջիկ»):

գ. Կրկնվող բառերը գտնվում են 1-ին տողի վերջում և  
2-րդի սկզբում, 2--րդի վերջում և 3-րդի սկզբում և այլն:

Զայնդ քաղցր, լեզուդ անուշ,

Լեզուդ անուշ, բաղամ ու նուշ,

Բաղամ ու նուշ, զու մեղրաթուշ.

Արի սեյրան, չոլի չեյրան,

Չոլի չեյրան, ես քեզ զուրբան:

(«Չոլի չեյրան»),

դ. Կրկնվող բառերն այլ դասավորություն ունեն.

Էղ բարակ բոյիր, բոյիր շինարի,

Մեղրածոր լեզվիդ, լեզվիդ շաքարի

Կարոտած կզամ, կզամ երազով,

Քեզ հետ կիսուհմ սրտիս մուրազով,

Սրտիս մուրազով, իմ սիրուն սազով,  
իմ սիրուն սազով, յար չան, քո նազով:  
(«Անուշ գառնիկ ես»):

Այս բոլոր նմուշները ավանդական «շղթայաբար» ձևի գարգացումն են: Նորույթ է նաև ստորև բերված «Ուր կերթաս» ոտանավորի ձևը, որը շղթայաբար լինելով հանդերձ, ունի ներքին խիտ հանգավորում.

Արի, յար չան, արի, սեր չան, լալ ու մարչան, գոհար ես,  
Գոհար անգին ու թանկագին, դու իմ կրծքին քնար ես,  
Քնար լարով, անգին քարով, գնաս քարով՝ ուր կերթաս,  
Արի, արի, եղնիկ' սարի, առանց յարի գուր կերթաս:  
(«Ո՞ւր կերթաս»):

«Շղթայաբար» ձևը, որ նախապես սոսկ տեխնիկական նպատակներով է կիրառվել (աքրոստիփոսի նման, ոտանավորի տների հաջորդականությունը շխախտվելու համար); Հավասու մոտ ձեւական բնույթ շունի, այլ սերտ կապված է ոտանավորի բովանդակության հետ, նպաստում է մտքի, կերպարի զարգացմանը:

Միենույն հնչյունով սկսվող և ավարտվող տողերով ոտանավորի մի նմուշ է հետևյալը.

Սոխակն եմ ալ վարդիդ, անբախտ երգիչս,  
Սիրուն իմ, կաղաշնմ ցալիրս իմանաս,  
Սիրով եկ ընդունիր շատի տեղ քիչս,  
Սառնասիրտ մի՛ լինի, մի՛ տա ինձ վնաս:  
(«Սեր եմ երգում»):

Շրթունքներն անշարժ արտասանվող ոտանավորի նմուշ  
է հետևյալը \*.

Սիրահար երգիչն է քնարը ձեռքին,  
Իրսերը կը երգե, այսքանը լսեք,  
Ցրտերին չի ծաղկի սեդ սարը կրկին,  
Գեղեցիկ լանջերը գարնանը տեսեք:

Դե, կարդա հասկանաս, գառըս, խնդիր է՝  
Քանի հանդ է, զրած տառըս ի՞նչ դիր է,  
Երկիրը շնն, ցանած ծառըս ընտիր է,  
Այս ծառի հասկերը աշնանը կիսեք:

Երդիչ էի, սիրտս սերից անհագ էր,  
Սիրած յարիս սիրտն էլ ժայռի տեսակ էր,  
Հրեշտա՞կ էր, թէ՝ հրածին կրակ էր,  
Կարծես սիրտս այրեց, արժա՞ն է, ասեք:

Լեզուն անշարժ արտասանվող մի ոտանավորից բերում  
ենք վերջին տունը.

Խոսքը մի՛ փակե, Հավասի՛,  
Հողիս պապակ է, Հավասի՝  
Կարավ, ոռխակ է Հավասի՛,  
Հիմա խաղի հանգով ասեմ \*\*:

---

\* Այդ եղանակին տիրապետելը ավելի էֆեկտավոր ցույց տալու համար գուսանները ոտանավորներն արտասանելիս երբեմն շրթունքների միջև ուղղաձիգ կերպով ասեղ են տեղավորում, որպեսզի հաստատագես ապացուցեն, որ արտասանելիս շրթունքներն անշարժ են պահում:

\*\* Գ. Լեզունցնը զրում է, որ շրթունքները և լեզուն անշարժ արտասանվող ոտանավորների մեջ «պետք չէ որոնել իմաստի կամ մարի խորություն»: Այդպիսի խաղերը մի տեսակ սպորտային բնույթ ունեն: («Աշուղները և նրանց արվեստը», էջ 76):

Այդ բոլորից բացր, Հավասու ոտանավորներում օգտագործված են երկախոսական զանազան ձևեր (օրինակ՝ «Ասի—ասավ»), գուսանական հանելուկներ և այլն:

Կարենը է ընդգծել, որ աշուղական տաղաչափության ձեզերն ամբողջությամբ առնված, ընդհանրապես բավական հարուստ պատկեր են ստեղծում: Մասնավորապես հայ գուսանների ստեղծագործություններում կիրառված մեծաթիվ բազմազան ու սրամիտ տաղաչափական ձևերը նպաստում են ուսանավորի բովանդակության արտահայտմանը այս կամ այն երանգը հաղորդելուն: Եյդ ոտանավորները կարդալիս լսում են մերթ սահուն ու ծորուն, մերթ հատու և լարված խոսք, պարզ և բարդ հանգավորումները ականջ են շոյում, ներքին հարուստ ութի՛մն օգնում է ոտանավորի բովանդակության ճշշգրիտ ընկալմանը, ոտանավորների ութի՛մական բազմազանությունը հիրավի անհատների է թվում: Դրա շնորհիվ է, որ աշուղական լավագույն ոտանավորները հնչում են այնքան կենդանի, երաժշտական, գեղեցիկ: Հենց ազսպիսին են նաև Հավասու լավագույն ոտանավորները:

Ինչ վերաբերում է երգ-ոտանավորների ընդհանուր կառուցվածքին, ապա Հավասու մոտ դա աշքի է ընկնում պարզությամբ ու թեթևությամբ, «ոչ բեռնվածությամբ»: Հավասին հակիրճ է թե՛ իր արտահայտություններում և թե՛ ոտանավորի ամբողջ ծավալում: Անշուշտ, արտահայտման այդ հակիրճությունը նպաստում է մտքի հաղորդման արագությանն ու պարզությանը, ոտանավորի մատչելիությանը:

Հավասին գրում է որոշ շափով բարբառախառն գրական լեզվով: Ժողովրդական բառերն ու արտահայտությունները հաճելի երանգ են տալիս նրա ոտանավորներին: Այս հարցում

զգացվում է թե՛ ավանդական կապը հայ հին գուսանների և տեղագործության, և թե՛, մասամբ, պրոֆեսիոնալ բանաստեղծության հետ (ավելի ճիշտ՝ ժողովրդական-գեղջկական բանաստեղծության հետ, բայց ընկալված պրոֆեսիոնալ ստեղծագործության միջոցով):

Ամեն մի գուսանի յուրահատուկ է բնութագրումների շափականցումը, հիպերբոլան (հատկապես սիրային երգերում), արտահայտման կրքոտությունը, խանդավառությունը, նույնիսկ հոետորական պաթուլ: Սակայն, աշուղական բանաստեղծության այդ հատկանիշները տարբեր գուսանների մոտ տարբեր շափով ու ձևով են երևան գալիս: Մի քանի այլ գուսանների հետ համեմատած, մասնավորապես արտահայտման եղանակի տեսակետից, Հավասին որոշ շափով զուապ է: Այդ է պատճառը, որ նրա ստեղծագործությունները երրեմն հիշեցնում են ժողովրդական-գեղջկական բանաստեղծության զուսպ բնույթը: Դրա փոխարեն նրա գործերում զգացվում է կերպարանների կոնկրետություն, զգացմունքի անմիջականություն, ապրումների ոնալականություն և ընդհանուր պարզություն: Հավասու կերպարները (օրինակ, սիրուհու կերպարը) ցայտուն են և հյութալի, սովորաբար դրսերված են շատ պատկերավոր, ընթերցողին կամ ունկնդրողին երբեք անտարբեր չեն. թողնում:

Աշուղական բանաստեղծական տեխնիկայի ևս մեկ հետաքրքիր մանրամասն: Հավասին հաճախ յուրօրինակ է գործադրում երգի վերջին տան մեջ հեղինակ-աշուղի անունը հիշելու ավանդությունը: Նա օգտվում է իր աշուղական անվան բառացի նշանակությունից և այդ միջոցով հետաքրքիր բա-

ուախաղեր է սարքում: Ահա մի քանի օրինակ, առնված տարբեր բանաստեղծությունների վերջին տներից:

Հավաս ունե՞ս արդյոք սերըդ երգողին,  
ինչպես զարնան հավթերն արեի շողին:

Ուզւ մե եմ ասել դու հոգեհան իս,  
Հավասով սիրտս անհավաս կանես.

Հավասիս ման եկա այսօան ժամանակ,  
Շատերն հանդիսեցին տեսքով հրեշտակ,  
Հադարների միջին դու ևս միայնակ  
Աշուղ սրտիս մոտիկ, սիրուն հայ աղջիկ:

Ես աշխարհում շտեսա զարդ՝  
Են քո թշի նման ալվարդ,  
Ել լթողիր հավաս ու սեր  
Որ քեզ երգեմ ուրախ, զվարթ,  
Սիրող սիրտը չի դիմանա,  
Քար էլ լինի՝ չուր կդառնա:

Սիրուղ հավասով սիրտս հեկեկաց և այլն:

Եվս մի վերջին յուրահատկություն: Աշուղները խելամիտ ու համեստ մարդիկ են: Օրինավոր և շնորհալի ամեն մի աշուղ սովորաբար իրեն իր ճանաշված արվեստակիցներից ցած է դասում, և այդ պատճառով իր խրատական ոտանավորներում ու երգերում որպեսզի ուրիշներին էլ համեստության կոչի, երգի վերջին տան մեջ երբեմն մի յուրատեսակ «ինքնաքննադատություն» կամ ավելի ճիշտ, ինքնախարազանում է սարքում (երբեմն էլ՝ սոսկ կատակով միայն): Այդպիսի օրինակներ հայտնի են Շիրինի, Զիվանու և մյուս աշուղների երգերից:

Ահա մի երկու օրինակ.

... Շիրին, դու օրը հազար քաղցր ու ախորժ բան մտածես,  
Քո հայերեն խաղերը Սեյադի \* նման չի լինի:  
(Շիրին)

... Ով Զիվան, դու երգերուդ թի խառնես էլ մեղք ու շաքար,  
Շիրինի ասածներու նման դուրեկան չի լինի:  
(Զիվանի)

Նման օրինակ են նաև Զիվանու հետևյալ հանրահայտ  
տողերը.

Միծամեծ մարդիկը հեռու են կանգնած,  
Ասպարեզը համբակներուն են թողած,  
Զիվանն էլ կաղ իշով կարավան մտած՝  
Բանաստեղծ է դարձել, խելքի աշեցեք:

Հավասին ևս, տարբեր նպատակներով, հաճախ դիմում է  
նույնպիսի «ինքնաքննադատության»: Օրինակ, խրատական  
«Այգեպանը ջուր կհանե» ոտանալորը նա ավարտում է կա-  
տակի հետևյալ տողերով.

Հավասի, թույլ է քո մուսան,  
Չես դառնա երդիչ, վիպասան,  
Իզուր քեզ կանվանես գուսան  
Մեկ երկու դաստանի համար \*\*\*:

\* Սեյադ — ականովոր հայ աշուղ Պետրոս Տեր-Հովսեփյան Մադաթյանց  
(ծնվ. 1810 թ.):

\*\* Մանրամասնություններից խուսափելով, ընթերցողին հիշեցնում ենք  
նայել Հավասու հետևյալ ոտանալորերը նրա «Երգեր»-ում, «Զիվանուն»,  
«Կլինի», «Մադերիդ», «Երանի թն», «Բան դուրս չեկավ» և այլն:

Հավասու բանաստեղծական ստեղծագործության մեր այս  
թեթևակի քննությունը նպատակ ուներ ցուց տալու, որ նա  
թեև շատ համեստորեն է արտահայտվում իր մասին, բայց  
գուսանական խոսքի շնորհալի վարպետ է:

Ժողովրդական երգի շնորհքը ավելի լրիվ երևան կդա, երբ  
ծանոթանանք նաև նրա երաժշտական ստեղծագործությանը



Դեռևս Զիվանին իր ոտանավորներից մեկը շատկապես  
նվիրել է գուսանական եղանակին: Երգն ու եղանակը \* նմա-  
նեցնելով «ջուխտակ թոշունների», նա նշում է, որ մեկն ա-  
ռանց մյուսի թոշել չի կարող: Զգտելով առանձնապես ընդգր-  
ծել երգի ու եղանակի համահավասար նշանակությունն ու  
նրանց սերտ միասնությունը, նա նույնիսկ շափաղանցություն  
է թույլ տալիս, ասելով, թե երգն առանց եղանակի «ունայն է»,  
իսկ եղանակն առանց երգի «լոկ ձայն է»:

Արդյոք, մի՞շտ է, որ աշուղական եղանակն այդքան կա-  
րեւոր և ոտանավորին բացարձակապես հավասար նշանա-  
կություն է ունեցել: Ըստ երեսութին ոչ: Մասնավորապես ա-  
շուղների համար խոսքն է եղել գլխավորը, աշուղը խոսքի մեջ  
է ներդրել իր գաղափարները, իր ողջ փիլիսոփայությունը: Հի-  
շենք, թե որքան լայն կիրառություն են գտել աշուղական հե-  
րիաթները, որոնց մեջ կարեւորագույն տեղը խոսքն է բռնում:  
իսկ եղանակը, որ եղել է այդ խոսքն «ասելու սոսկ մի-

\* Ինչպես հայտնի է, աշուղները հաճախ երգ են անվանել ոտանավորը,  
անկախ նրանից, դա եղանակով երգվել է, թե ոչ:

զոց, թեև որոշակիորեն մեծացրել է նրա հուզական ներգործությունը, բայց համարվել է երկրորդական և ոտանավորից այս կամ այն շափով անկախ է եղել: 'Ի արևում է նրանից, որ աշուղական տաղաշափության շատ ձևերը ենթադրել են տվել նախապես հայտնի կառուցվածք ունեցող պատրաստի եղանակներ, և այդ ձևերով գրված ոտանավորները երգվել են անկախ նրանց կոնկրետ բովանդակությունից:

Այդ պատրաստի եղանակներն իրենցից ներկայացրել են իմպրովիզացիաներ որոշակի ձևերով՝ հայտնի շափով, տեմպով, հնչյունածավալով, որոշակի լադում՝ սրա հետ կապված հաստատոն մեղեղիական դարձվածքներով, ունեցել են մեղեղու ծավալման հաստատուն կերպ ու նախորոշված ոիթմական կերտվածք: Դրանք, որպես ավանդություն, հնից են գալիս և կրում են տաղաշափական ձևերի նույն անունները: Այսպիսով, օրինակ, դաստան, զուրելիթ, դիվանի և այլն, նշանակում են ոչ միայն բանաստեղծական, այլև երաժշտական որոշակի ձևեր, եղանակներ:

Զնայած այս բոլորին, սխալ կլիներ ասել, որ աշուղները լիովին անտարբեր են գտնվել երգի, երաժշտության նկատմամբ, որ նրանք երաժշշտ հորինողներ չեն եղել: Բանն այն է, որ այդ եղանակները գրի չեն առնվել, այլ սերնդից-սերունդ բանավոր են հաղորդվել: Քանի որ այդպես է, ուրեմն՝ ամեն մի աշուղ այդ եղանակները կատարել է իր ձևով, և առավել շնորհալի աշուղները, իմպրովիզացիա անելով, ամենայն հավանականությամբ դրանց մեջ մտցրել են նաև իրենց սեփականը: Թեև այդպիսի իմպրովիզացիաները սովորաբար երաժշտական լիակատար ստեղծագործություններ չեն դարձել, բայց դրանց մեջ ստեղծագործական տարր անպայման եղել է:

Սա նշանակում է, որ աշուղները ևս, ինչքան էլ նրանց համար խոսքն առաջնային լիներ, նաև երաժիշտ հորինողներ են եղել:

Կարևոր սակայն դա չէ միայն, այլև այն, որ մասնավորապես հայ գուսանները որոշ շափով պատրաստի եղանակներ օգտագործելուց բացի, վաղուց ի վեր սկսել են ստեղծել նաև իրենց ինքնուրուցն մեղեղիները, և այս երևույթը գուսանական արվեստի ազգային բնորոշության կարևոր գծերից մեկն է դարձել: Զեռվ և կերպարով ինքնուրուցն այդպիսի մեղեղիներ պահպանվել են դեռևս Նաղաշ-Հովնաթանից (1661—1722), Բաղդասար Գպիրից (1683—1768), բարձր վարպետությամբ Շորինված ինքնուրուցն մեղեղիներ ունեն Սայաթ-Նովան, Գուրջի Նավեն (մահացել է 1840 թ.), Շիրինը և ուրիշները: Ուկիական երաժշտական հորինման ավանդությունը ժամանակին յայնացրել, խորացրել և զգալի շափով զարգացրել է Զիգանին, և պատահական չէ, որ իր ստեղծագործության մասին վերը հիշված նույն ուսանավորում նա ասում է.

Զիվան, թե լսում ես մի քիչ գովասանք,  
Եղանակն է տալիս քու երգերուց կյանք:

Նոր ժամանակի հայ շնորհալի գուսանները, սկսած Շերամից, հրաժարվել են պատրաստի սրբմ-մեղեղիներ օգտագործելուց, և նրանց գեղարվեստորեն հաջող ամեն մի երգն ունի իր ինքնուրուցն եղանակը, որ սերտորեն զուգորդված է խոսքերի հետ: Ըստ այդմ, մեղեղիների մեջ իրագործված են մի կողմից՝ աշուղական երաժշտական արվեստի տիպական գծերը, մյուս կողմից՝ ժողովրդական-ազգային երաժշտության հատկանիշները, որ բխում են նրա տարրերը ճյուղերից՝ գեղջկականից, քաղաքայինից, հին-գուսանականից, տաղերի արվեստից և այլն:

Հայ աշուղների և գուսանների երաժշտությունն ամբողջապես վերցուած պարզորոշ կերպով տարբերվում է ժողովրդական երաժշտության մյուս ճյուղերից (և մասնավորապես գեղջկականից): Ինչպես գուսանական խոսքը, եղանակները ևս աշքի են ընկնում համեմատաբար ավելի բացահայտ հուզականությամբ, հաճախ հոետորական պաթոսով: Այստեղ ևս, ինչպես գյուղական երգում, կարելի է գտնել մեղեղիների տարբեր տեսակներ՝ ասերգային, երգային, պարային և նրանց զուգորդումները: Բայց ընդհանուր առմամբ աշուղական երաժշտության մեջ մեծ նշանակություն ունեն արտահայտման հանդիսավոր-պատմողական աղդու ձեերը:

Ցայտում ձիրք ունեցող հեղինակների գործերում, ընդհանուր գուսանական հատկանիշների հետ հավասարապես կարելի է նկատել նաև անհատական գծեր: Այդ բանում նշանակալից դեր է խաղում այն երգային աղբյուրը, որի վրա հիմնված ձեւակորվել է գուսանի անհատական գրելակերպը: Խոշորագույն բանաստեղծ և երաժիշտ Ջիվանու արժանիքներից մեկն էլ այն է, որ նա աշուղական մեղեղիսական արվեստն ընդհուպ մնաեցրեց աղգային տեսակետից առավել ցայտուն՝ ժողովրդական-գեղջկական երաժշտությանը: Իսկ Հավասու երաժշտությունն իր կարեռագույն ոճական հատկանիշներով հարում է հայ աշուղական երաժշտական ստեղծագործության հենց այն ուղղությանը, որը բարձր զարգացման հասցրեց նրա մեծ հայրենակիցը՝ աշուղ Ջիվանին, իր երկերում: Այսպիսով, Հավասու համար ևս լադա-ինտոնացիոն աղբյուր է ծառայել նույն գյուղական երաժշտությունը, նրա երաժշտությունը ևս աշքի է ընկնում աղգային վառ բնորոշությամբ:

Ջիվանուց եկող այս արժեքավոր ավանդության հետ միա-

Ժամանակ, Հավասու երաժշտության մեջ նկատվում են բոլոր այն գծերը, որոնք բնորոշ են սովետական հայ գուսանների համար։ Հավասու խոսքային ստեղծագործության մասին վերը նշված կենսուրախ, լավատեսական բնույթը հավասարապես նկատվում է և նրա մեղեղիներում։

Հավասին ևս մեծ նշանակություն է տալիս գուսանական երգին՝ որպես բանաստեղծական տեքստի և մեղեղու օրդանական զուգորդություն, նրա համար ևս շատ կարեոր է երգի եղանակը։

Զահելների սերն է երգս,  
իմ հոգու պատկերն է երգս։

— գրում է Հավասին։ Իրենց ցայտունությամբ ու հուզականությամբ նրա երգերը (խոսքն այս դեպքում եղանակ ունեցող երգերի մասին է) խսկապես գուսանի հարուստ հոգու պատկերն են դրսեռորում։ Մենք կխոսենք դրանց մի քանի նմուշների՝ բոլշավիկությամբ և եղանակի տիպով տարբեր մի քանի երգերի մասին։

Թիմատիկայի այն բոլոր բնագավառները, որոնց մասին խոսեցինք Հավասու բանաստեղծությունների վերաբերյալ իրենց անդրադարձումն են գտել նաև նրա երաժշտական ստեղծագործության մեջ։ Սկսենք, ինչպես վերևում, խաղաղության, հայրենիքի և նրա մարդկանց մասին հորինված երգերից։

Ահա «Խաղաղության երգը»։ Բանաստեղծական հակիրճ տեքստ՝ պարզ ու պատկերավոր. թերը լայն տարածելով ու վեր սլանալով, խաղաղության աղավնին իր թոփշքի ուժը քաղել է ողջ մարդկության մտքից. վերածվելով խավարն հալա-

# ԵՐԻ ԽԱՂԱՐԱԲԵՐՑԱՆ

ՅՈՒՆԴԻՆ

Սաղ

The musical score consists of six staves of music in common time (indicated by '6'). The first staff begins with a treble clef and a 'Sag' (slow) tempo marking. The second staff begins with a bass clef and a 'Brag' (brilliant) tempo marking. The lyrics are written below the staves in Armenian. The lyrics are:

Ամ - բող մարդկաւ - բյան  
մըսից թեզ ա - ռամի. երբ խա - դա - դու - բյան ա - դամ - նին քը - ռամ.  
խա - գա - րին նըն - ըզ գառ ա - թեզ դա - ռամ.  
օս - դաց լույ - սե - ռով. խը - ռա - խօւյս - նե - ռով. ան - զար ան - նա - թին  
- լըց - րեց նույ - սե - ռով. օս - դաց լույ - սե - ռով. խը - ռա - խօւյս - նե - ռով.  
ան - զար ան - նա - թին լըց - րեց նույ - սե - ռով:

*Oρինակ 1*

ծող մի արեի, նա այնտեղ փայլում է պայծառ լուսերով ու հույսերով... խաղաղության կոչը՝ աշխարհի կայունության սյունը՝ համայն ազգերի կոչն է. կյանքը թանկ է, խաղաղությունն էլ թանկ է, ուրիմն, երգիր, գուսան, «թող հնչի սերը սուրբ խաղաղության»:

Նույնքան պարզ է և մեղեդին, պարզ, բայց արտահայտիչ, առնական, էպիկական շունչ ունի: Նման բնույթը ստեղծվում է ոչ միայն շնորհիվ խստաշունչ դորիական լաղի (հայ գուսանների սիրած լաղերից և նման մեղեդիների բնորոշ հատկանիշներից մեկը), այլև հստակ ու եռանդուն ոիթմի:

Հենց սկզբից նշենք. թե՛ հին և թե՛ նոր հայ գուսանները երաժշտական այսպես կոչված խառը շափերի մեծ վարպետն (տվյալ դեպքում շափն է՝  $7=2+2+3$ ): Իրենց երաժշտության այդ հատկությունը, որ ծագումով գալիս է գեղջկական ժողովրդականից և խոր արմատացել է գուսանական ստեղծագործության մեջ, նույնպես տիպական է և շատ բանով նպաստում է երգերի մեջ աշխույժ, իմպուլսիվ, եռանդուն ոիթմ ստեղծելուն: Իսկ ոիթմը որպես արտահայտչական միջոց գուսանական մեղեդիներում, իհարկե, առանձնապես կարևոր դեր է կատարում (օրինակ 1):

Ոիթմի արտահայտչական հարուստ հնարավորությունները ոչ միայն խառը շափով են պայմանավորված: 93 Էջում բերվում է մի օրինակ պարզ եռամաս շափով, որի մեջ, սակայն, ֆրազների անհավասարաշափության և մեղեդիում լսվող ոիթմական անհամաշխափ զարկերի շնորհիվ եղանակը դառնում է կարծես անընդհատ շարունակվող, նրան հաղորդվում է անխափան շարժում: Մի միասնական միջանցիկ շունչ ունենալով՝ նա շարունակ հոսում է (տե՛ս, օրինակ, երգի երկրորդ

կեսում միանման ոիթմական պատկերների երևան գալը տակ-  
տային տարբեր դրություններում): Այս երգը գրված է նույն  
լադով, ինչ որ նախորդը, և այդ լադի յոթերորդ հնչյունը գու-  
սանների համար շատ բնորոշ ձևով «խաղացվում» է, ապա  
մեղեղին ալիքածե շարժումով աստիճան առ աստիճան իջ-  
նում է մինչև լադի տոնիկական հիմքը: Սակայն, ունենա-  
լով այլ տեմպ և այլ տեսակի, ավելի հանգիստ շարժում, այս  
երգն ստեղծում է մի այլ տեսակի կերպար: Տվյալ դեպքում  
դա Հայաստանի սիրուն սարերի և այդ սարերը զարդարող  
վարդ-աղջիկների ոռմանտիկական գովքն է (օրինակ 2):

Պրոֆ. Ք. Քուշնարյանը, որ մանրամասնորեն հետազոտել  
է հայկական մոնողիական երաժշտությունը, խոսելով սովե-  
տական ժամանակի հայ գուսանական երաժշտության մասին,  
նշում է, որ նախահեղափոխական ժամանակաշրջանի, 19-րդ  
դարի վերջի և 20-րդ դարասկզբի աշուղական արվեստից ժա-  
ռանդած, հին ձևերի օգտագործման հետ հավասարապես, սո-  
վետական գուսանները ստեղծում են նաև բանաստեղծական  
տեքստերի նոր բովանդակությանը համահնչում նոր ձևեր,  
գուսանական երաժշտության մեջ ներդրվում են քաղաքային  
ժողովրդական և կոմպոզիտորական մասսայական երգի բնո-  
րոշ հատկանիշներ \*: Դա պարզորոշ զգացվում է նաև գուսան  
Հավասու երաժշտության մեջ: Ստորև բերված «Կոլխոզի շո-  
րան» երգում, որի բանաստեղծական տեքստի մասին արդեն  
խոսել ենք, օգտագործված են նախահեղափոխական ժամա-  
նակաշրջանի աշուղական երգերի տիպական հնարներ, սակայն

\* Ք. Քուշնարյան, Հայ մոնողիական երաժշտության պատմության և տե-  
սության հարցերը, էջ 305 և 307: Լենինգրադ, 1958 (ոռուսերեն):

# ՀԱՅԱՍՏԱՆԻ ՄԻՐՈՒՆ ՍԱՐԵՐ

ԽԱՅԱ

The musical score consists of eight staves of music in common time (indicated by '1/4'). The vocal range is soprano. The lyrics are in Armenian, written below each staff. The lyrics are:

Մաղ - կած լեռ - օքր Հա - յաս - սա - օք, -  
աւ - խառ - հում հայս - օք, ան - զա - նի, և - բա -  
օք սամ ձեզ, և աւ - օք, որ ծաղ - կա - բեր զա -  
նան օ - բեր անց - կաց - բել եթ հա - զար դա -  
բեր, Հա - յաս - սա - նի սի - բուն սա - բեր, սի -  
բուն սա - բեր, որ ծաղ - կա - բեր զա - նան օ - բեր  
անց - կաց - բել եթ հա - զար դա - բեր, Հա - յաս - սա -  
նի սի - բուն սա - բեր, սի - բուն սա - բեր:

ԱՌԵԽՈՂԻՆ ՉՈԲԱԴ

ՈՒՐԱՆ

Սագ

3.

ԱՌԵԽՈՂԻՆ ՉՈԲԱԴ

Սագ

3.

նօր լու-սա-բա - ցին,  
ա - բե - մից ա-

սահ,  
հօ-սրդ փըռ-վել է  
սահն ի վեր կա-նայ,

ա-րո-սի չօրս դին  
բաց-վել է կա - կայ,

և պա դու-րե կոն,  
կոլ-խո-զի չս - բան,

ա-րե-նա-մու-սին  
սուն ա - սի, յատ ջան,  
կոլ-խո-զի չս-

բան,  
ա - բե - վիդ դուր - բան:  
բան:

այստեղ մենք չենք տեսնում հին կերպարների մերենայական կրկնությունը, և դա ոչ միայն շնորհիվ նոր, ժամանակակից խոսքալին տեքստի (օրինակ 3):

Այս երգի մեղեղու մեջ ես, շնորհիվ նրա աշխույժ տեմպի և պարզ ու կտրուկ քայլերգանման ոիթմի, զգացվում է ժամանակակից շունչ, մեր ժամանակի զարկերակի բարախում, երիտասարդական կրակոտություն: Հենց դրա շնորհիվ է, որ խոսքն ու եղանակն այստեղ մի ամբողջություն, միասնություն են կազմում:

Անդրադառնանք մի քանի սիրային երգերի: Ինչպես բանաստեղծական տեքստերով, այնպես էլ երաժշտական տրամադրությամբ, դրանք զանազան են: Այն երգերում, որոնց բովանդակությունը սիրային աղերւանքն է, Հավասու ինտոնացիան փոխվում է, երեան են դալիս զգայականության տարրեր: Չէ՝ որ գուսաններն ամեն ինչն ընկալում են անմիջականորեն, երբեմն էլ բավական շափազանցված: Բնորոշ է, որ այդպիսի երգերում սովորաբար լադացին կարգն էլ այլ է: Խոսելով պրոֆ. Քուշնարյանի տերմիններով, կարելի է ասել, որ այդ երգերում ինտոնացիան ծավալվում է այնպիսի լադերում, որոնք պիտանի են համեմատաբար ավելի սուրյեկտիվ, ավելի յնտիմ զգացմունքների, թերեւ՝ գլխավորապես վշտալի ու թախծալի ապրումներ արտահայտելու համար: Դրանք, մասնավորապես, քանձրացված մինոր երանգ ունեցող լադերն են: Ահա, նման բովանդակություն ունեցող սիրային երգի մի օրինակ (տե՛ս 96 էջում օրինակ 4):

Այս երգի մեղեղիում լսվում է ե՛ կարոտ, և՛ վիշտ: Բայց այն սենաիմենտալ չէ, ինտոնացիան պարզապես շատ արտահայտիչ է, մենք տեսնում ենք խոր զգացմունքի ոեալ արտա-

# ԶՈՒԻՐ ԿԵՐԹԱՍ

ԶԱՓԱՎՈՐ ԶԴԱՑՄՈՒՆՔՈՎ,

Ա - րի յաւ չան, ա - րի սեւ չան, լալ ու մար-ջան,  
զա - հաւ ես, զա-հաւ ան-դին ու բան-կա-դին,  
դու իմ կըրծ-էին լը - նաւ ես: Քը-նաւ լա - ռավ,  
ան - դին բա - ռավ, զը-նաւ բա - ռավ, ուր կե - բաս:  
Ա - րի, ա - րի, եղ - նիկ սա - րի,  
ա-ռանց յա - րի զաւ կեր - բաս. ա - րի, ա - րի,  
եղ - նիկ սա - րի, ա-ռանց յա - րի  
զաւ կեր - բաս, զաւ կեր - բաս:

Հայուսմ: Թերված օրինակում այդ արտահայտությունն ուժեղ է նաև այն պատճառով, որ երգը պարունակում է հարցի և խնդրանքի խոսակցական ինտոնացիաները համարյա ճշգրիտ ընդորինակող դարձվածքներ:

Խոսելով գուսանի բանաստեղծության մասին, մենք նշեցինք զգացմունքի արտահայտման մեջ նրա համեմատական դարվածությունը: Դա նշեցինք բնավլ ո՛չ որպես բացասական հատկանիշ: Ընդհակառակը: Հավասին իր զգացմունքների արտահայտման մեջ չի «մանրանում»: Նրա մոտ չկա անհարկի անգուստ հիացում, չկա և լալկանություն: Բնականաբար, նույնը կարելի է ասել նաև նրա երաժշտության մասին (վերևում մենք նշեցինք ունկնդիրների դիտողությունն այդ առթիվ): Հեշենք սիրային երգերից մեկ ուրիշը, որի մասին ակնարկեցինք գուսանի «սիրային պոեմ»-ի շուրջը խոսելիս:

Ոչ մի բանի ուշագրություն չդարձնելով, սիրած յարը չի վերապառնում գուսանի մոտ: Գուսանը խարված է: «Ինչո՞ւ սիրեցիր»—դուրս է պոռթկում նրա սրտի խորքից: Համաձայնենք, որ երաժշտության միջոցներով այսպիսի հոգեվիճակ արտահայտելիս շափաղանց դյուրին կերպով կարելի է գլորվել հոգեցունց փղձկումների տարերքը, և այդպիսի փղձկումների օրինակներ մենք քիչ չենք տեսնում մենք շրջապատող ուղարքեսիոնալ, իսկ երբեմն նաև «պրոֆեսիոնալ» երաժշտական կենցաղում: Մինչդեռ, այլ կերպ է լուծել հարցը գուսան Հավասին (օրինակ 5):

Մենք սովոր ենք նման ապրումների դրսեորումը լսել մինորային երանգ ունեցող երաժշտությամբ, իսկ այստեղ երգը մածոր է, այն էլ մածորի համեմատաբար ավելի «խստաշունչ» տարրերակի՝ լիդիականի նրբերանգով, և դեռ դրան էլ

# ԻՆՉՈՌԻ ՍԻՐԵՑԻՐ

ՀԱԽՉԱԼՅԱ, ԲՈՅԵ ԱՆՇԱՎԱ

ին - չու սի - րե - ցիր, ին յարն եմ ա - սիր,

ան - ըն - կեր հո - գուղ ըն - կեր նեմ ա - սիր, ըն - կերն եմ ա - սիր:

Ա - սիր, թե ազ - յան, սեր պի - տի տամ նեզ, որ դու ինձ եր - զես,

տա - նի որ կամ ես, տա - նի որ կամ ես: Այս, ա - նու լեզ - զով

սիր - սըս զի - րե - ցիր, այ դու ան - զա - սիրս,

ին - չու սի - րե - ցիր, ին - չու սի - րե - ցիր:

աւելացրած խառը շափով ընթացող մեղեդիի հաստատակամ ուիթմը: Բանն էլ հենց այն է, որ գուսանը լաց չի լինում: Այս-տեղ ներքին մեծ ուժ, մեծ լարվածություն ունեցող հոգեկան հուզմունք է արտահայտված: Դա պարզ հանդիմանություն չէ, այլ բողոք, որն իսկապես հոգու խորքից է ելնում: Եվ այդ համարձակ ու համոզված բողոքը վկայում է, թե որքան զորեղ, որքան աղնիվ է գուսանն իր՝ սիրային զգացմունքի մեջ \*:



Մենք արդեն առիթ ունեցանք նշելու Հավասու բանաստեղծական-երաժշտական լավագույն գործերից մեկը՝ «Ի՞նչ ասեմ յարիս»: Դա մենք գնահատեցինք որպես սիրո և կյանքի արտակարգ խանդավառ, հիացական ընկալման մի օրինակ: Այս երգում Հավասու լավատեսական ոգին, ինչպես և նրա վարպետությունը բարձր աստիճանի են հասել: Այստեղ ներկայացված են հայ գուսանական երգի կարևորագույն և լավագույն գծերը՝ անկեղծ պաթետիկա, բարձր ու աղնիվ ոգերություն: Դրա հետ միաժամանակ վառ արտահայտված է և ժամանակակից ոգին, կենսական ուրախությունների խորապես այժմեական ընկալումը: Աշուղական ավանդության համաձայն եղանակն սկսվում է բարձրից, լարված ոեգիստրում և հետո, զարգանալով ու ծավալվելով, աստիճանաբար իշնում է: Չնայած այս երգն էլ շատ ուրիշ երգերի նման գրված է ավանդական դորիական մինորով, բայց նրա մեծ մասն ընթանում է լադի կողմնակի մաժոր ոլորտում, իսկ անկախ դրանից էլ, երգն արտակարգ պայծառ ընդհանուր մաժորային երանգ

\* Այս երգն առանձնապես ուժեղ տպավորություն է գործում, երբ երգում է ինքը՝ գուսանը լիահնչուն սաղի նվազակցությամբ: Երգի բովանդակությունը առարկայանում, իրական է թվում:

# Ի՞նչ ԱՍԵՄ ՑԱՐԻՒ

ԱՇԽՈՒՅՔ, ԿՐԱԿՈՅ

Սագ



Երգ



պարսե - զում ի - րիկ - նա - սկա-հին ըն-կեր - ցե -




րով ման կու - զա - յին, բաց-վել էւ դեմ - ըր երկ -



նա - յին. ա - րեվ ա - սեմ թե, լու - սին ա -



սեմ թե, ի՞նչ, ի՞նչ - ա-սեմ զե - դե - ցիկ յա -



րիս. ա - րեվ ա - սեմ թե, լու - սին ա -



սեմ թե, ի՞նչ, ի՞նչ ա - սեմ զե - դե - ցիկ յա - րիս:

*Oրինակ 6*

ունի. անսպառ եռանդ է հորդում նրանից: Բանաստեղծական խոսքի հատու շեշտաշափումը, վոկալ գծի յուրատեսակ ընդհատումներն ու ոիթմական զարկերի հարստությունը — այս բոլորը խորացնում են երգի արտահայտչականությունը: Այս երգը Հավասու մի շարք այլ երգերի հետ մտել է հայկական աշուղա-գուսանական ստեղծագործության դասական նմուշների շաբաթը (օրինակ 6):

Այլ ժանրի երգերից նշենք «Սիրուն պատանի» կոչվող կատակային երգ-դիալոգը: Պարզ, ուրախ ու սրտազեղ ինտոնացիաներով, իրար «ձեռք առնելով» միմյանց են դիմում տղան ու աղջիկը: Նրանց սրտերում սիրային զգացմունքը եռում է, բայց ոչ մեկը չի ուզում խոստովանել (օրինակ 7):

Երգն ամբողջապես լուսավոր տոներով ողողված է: Գույանական մի շարք այլ երգերի հետ այս զուգերգը ևս զարդարում է Հայաստանի ժողովրդական երգի ու պարի վաստակավոր անսամբլի ծրագրերը, որտեղ այն կատարվում է կանանց և տղամարդկանց երգչախմբի մասնակցությամբ:

Մինչև այժմ դիտված բոլոր նմուշները, ըստ իրենց եղանակի տեսակի, երգային էին, թեև նրանցից մի քանիսի մեջ էյային ասերգի տարրեր: Մյուս գուսանների նման Հավասին ևս ունի զուտ ասերգային կերտվածքի երգեր: Այս երգերում, որոնք գրված են մեղեղու աստիճանաբար իշխող ու հանդարտվող շարժման ավանդական ձևերով, Հավասին բանաստեղծական տեքստին տալիս է հստակ ու ազդեցիկ արտասահմանություն: Այդպիսի նմուշների մեջ անշուշտ արժանի են հիշատակման ռիմ նազելի» և «Քանի գարուն է» սիրային երգերը: Դրանցից առաջինն անպատճախան սիրո գանգատ է.

# ՍԻՐՈՒՆ ՊԱՏԱԽԻ

**ԱՐԱԿ**

Աղջիկե

Աղջիկե

—նոր է հա - սել ծաղ - կա - նադ, այ սա-րի սի.

բում պա - սա - նի, պա - սա - նի, վարդ եմ բա - նի՝

վը - շեն տադ, այ սր - դա վար - դըս մի' սա - նի,

մի' սա - նի: — Աս - քի լան - չին նա - զե - նազ.



այ սի - րուն տա - չիկ նա - զա - նի, նա - զա - նի.

ծաղ-կանց մի - չին ման կու - զաս, ադ - չի չան, հո -

զիս մի' նա-նի, մի' նա - նի:

# ՆԱԶԵԼԻ

ԱՐՏԱՀԱՅՏԱԳԻԹԵԱՄԲ, ԱՐԱԴ



«Անտանելի ցավ կամեցար, ո՞վ իմ աննման նազելի,  
Ափսո՞ս, որ սիրտս շիմացար, թողիր անդյուման, նազելի...»,—

ասում է գուսանը: Այս երգը սկզբում գործիքային ծավալուն  
նվագ ունի, հետո մինչև վերջը՝ արտասահական ոճով է գրված  
և հնչում է լարված հուզմունքով: Երկրորդ երգն իր բովանդա-  
կությամբ գուսանի համար սովորական սիրային կանչ է, աս-  
երգն այստեղ հնչում է ուրախ հուզմունքով: Դա առանձնանում  
է և նրանով, որ վերջում երգային կրկնակ ունի: Վերը բերված  
է առաջին երգն առանց գործիքային նախանվագի (օրինակ 8):

Հավասու պարային մեղեղի պարունակող երգերից առանձ-  
նապես տարածված է «Եղնիկի պես ծուռ մի՛ աշե» սիրերգը:  
Մեղեղու պարային շարժումը բնականաբար նպաստում է այդ  
երգի մեջ անկաշառ ուրախության տրամադրություն ստեղծե-  
լուն:

Գուսանի գեղեցիկ երգերից և մեղեղիական հմտության  
հետաքրքրական նմուշներից են նաև «Անուշ գառնիկ ես»,  
«Գարնան առավոտ էր», «Կարոտել եմ քեղ», «Մատաղ լինե-  
լու է», «Երնեկ իմ սազին», «Գուսանն ու յարը» և այլ երգեր:  
Ոգեշունչ երաժշտության արժեքավոր հատվածներ են պարու-  
նակվում նաև նրա «Հյուսիսային արև» անավարտ հերիաթի  
երգերում: Այդ բոլոր երգերի վրա մեկ առ մեկ կանգ շենք առ-  
նի: Անենք միայն մի քանի լնողանուր գիտողություններ:

Ինչպես արդեն տեսանք, Հավասին տարբեր հույզեր ստեղ-  
ծելու համար հմտորեն օգտվում է լաղի և ոիթմի արտահայտ-  
չական հնարավորություններից: Բնական է, որ բերված սա-  
կավաթիվ օրինակները չեն կարող լիովին երևան հանել Հա-  
վասու երգերի լաղերի, երաժշտական շափերի և ոիթմերի բո-

լոր տեսակները, որքավական բազմազան են: Բայց մասնաւորապես լադային հիմքի մասին անհրաժեշտ է ավելացնել, որ Հավասուն բնորոշ չէ շափազանց շատ ու նրբին ալտերացիաներով և խրոմատիզմով տարվելը և դրանցով մեղեդու հնչյունային կարգը բարդացնելն ու խճողելը, մի երեսով, որ բավական տարածված է մի քանի այլ աշուղների ստեղծագործության մեջ: Նրա երաժշտության լադային հիմքը, որ բխում է հայ գյուղական երաժշտությունից, ընդհանուր առմամբ պարզ է և հստակ: Այդ տեսակետից նրա մեղեդիները բնական պարզություն ունեն:

Ընդհանուր արտահայտչությունը և ինքնատիպությունը ստեղծելու մեջ փոքր դեր չի խաղում նաև Հավասու մեղեդիների կառուցվածքը: Գուանի մեղեդիները, որ կազմությամբ միշտ հստակ ու ավարտուն են, երբեմն կառուցված են սրամիտ անհամաշափությամբ: Հավասին հիանալի գգում է կառուցվածքի տրամաբանորեն կիրառված անհամաշափության գեղեցկությունը: Այսպիս, «Գարնան առավոտ էր» երգը կազմված է երկու բաժնից՝ միմյանց սերտորեն կապված հիմնական մասից ու կրկնակից, ընդ որում՝ մեղեդու հիմնական մասն ունի երեք նախադասություն՝ յուրաքանչյուրը բաղկացած  $3+4$  տակտից, իսկ կրկնակը՝ երկու նախադասություն, յուրաքանչյուրը՝  $4+5$  տակտից: Սա լիակատար անհամաշափություն է, և շնայած դրան, երգի կառուցվածքն ամբողջությամբ միահնգամայն տրամաբանական ու ավարտուն է: Հետաքրքիր կոռուցվածք ունեն նաև վերը հիշված «հնչո՛ւ սիրեցիր»-ը (ժողովրդական ստեղծագործության մեջ սիրված «կոճառ» կազմվածք՝ երեք նախադասություն, յուրաքանչյուրը՝  $3+5$  տակտից) և «Կարոտ կերթամ»-ը (եզրափակող ֆրազն ունի

արդեն ոչ թե 3, այլ 4 տակտ), ինչպես և ուրիշ շատ երգեր։  
Խոսելով Հավասու երաժշտական ստեղծագործության մաւ-  
սին ամբողջապես, անհրաժեշտ է այստեղ ևս, ինչպես ասված  
է, պետական ստեղծագործության մասին, նշել արտահայտ-  
ման լակոնականությունը։ Հավասու եղանակներին ևս հատուկ  
չէ անհարկի տարածվածություն։ Ոչ մեծ մասշտաբներում,  
ինչպես սակավաթիվ խոսքերով, այնպես էլ ոչ բազմաթիվ  
հնչյուններով նա կարողանում է շատ բան ասել և խորությամբ  
արտահայտել։ Տվյալ հատկանիշը, հավասարապես նաև ար-  
դեն նշված՝ լադային հստակության ձգտումը, մաժորային  
երանգավորված ինտոնացիաների հակումը, շափի և ոփթմի  
հարստությունը, կառուցվածքի թարմությունն ու ինքնատի-  
պությունը, լայնաշունչ երգայնությունը, պատկերավորու-  
թյունն ու ազնիվ հուզականությունը, — այս բոլորը Հավասու  
սիրած բանաստեղծական կերպարների հետ ստեղծում են նրա  
երաժշտության անհատական գծերը, որոնք, անշուշտ, երա-  
ժիշտ-ստեղծագործողի համար մեծ արժանիք են։

Հավասու երգերը հիրավի սիրված են ժողովրդի մեջ։ Այդ  
երգերը գնահատում և նրանց հեղինակին մեծ հարգանքով են  
վերաբերվում նաև պրոֆեսիոնալ երաժիշտները, մասնավորա-  
պես կոմպոզիտորներ։

Գուսանի մի շարք երգերը սովետահայ կոմպոզիտորները  
մշակել են զանազան տեսակի կատարման՝ մեներգի (գաշնա-  
մուրի նվագակցությամբ), խմբի, վոկալ կվարտետի, երգի ու  
պարի անսամբլի, դաշնամուրի համար։ Նրա երգերից որոշ  
ինտոնացիաներ ու դարձվածքներ անցել են պրոֆեսիոնալ  
երաժշտության մեջ։ Ժողովրդական պրոֆեսիոնալի և պրոֆե-  
սիոնալ կոմպոզիտորների այդ ստեղծագործական մոտիկու-

թյունը, ինքնազպործ և պրոֆեսիոնալ արվեստների այդ յուրա-  
տեսակ «համագործակցությունը» սովետական կուլտուրայի  
գեղեցիկ երևույթներից մեկն է: Տվյալ դեպքում դա հավասա-  
րապես խոսում է նաև գուսան Հավասու երաժշտական բարձր  
շնորհի մասին:

Մեր ժողովրդի կյանքում մեծ է գուսանական արվեստի  
դերը: Զի կարելի մոռանալ, թե Սովետական Հայաստանի  
երաժշտական կենցաղում որքան նշանակալից երևույթ է հան-  
դիսացել գուսաններ Շահենի, Աշոտի և մի քանի ուրիշների  
լավագույն երգերի երևան գալը: Այդպիսի երգերը սովորաբար  
առաջին անգամ ժողովրդական երգի ու պարի անսամբլում  
կատարվելով, հնչել են այնքան «անսպասելի» թարմ, աշխույժ  
ու ինքնատիպ, որ դրանք, մանավանդ իրենց երևան գալու  
սկզբնական շրջանում, մշտապես «սավառնել են օդում»,  
գտնվել բոլորի շուրթերին: Եվ եթե ընկերներն իրար հանդիպե-  
լիս մեկը մյուսի համար չեն երգել այդ հիանալի երգերը, հա-  
մենայն դեպս նրանցից յուրաքանչյուրն զգացել է, որ իր բա-  
րեկամը ևս ապրում է գուսանական նոր, լավ երգի երևան գա-  
լու փաստը, ներբռատ երգում է այդ երգը: Հենց այսպես է  
պատահել նաև գուսան Հավասու շատ երգերի հետ:

Այդ երգերը ոչ միայն պարզապես հնչել են որպես լավ  
երաժշտություն, այլև դրանց հերոսները դարձել են բոլորին  
ծանոթ, բոլորի համար սիրելի մարդիկ, որոնց հետ հանդի-  
պումն ամեն անգամ իսկապես հաճույք է պատճառում, ու-  
րախացնում:

Հավասին՝ սովետահայ գուսանական արվեստի տաղանդա-

վոր ներկայացուցիչը, որ մաղեմի ժողովրդական-պրոֆեսիոնալ ստեղծագործության ավանդությունները հմուտ կերպով դուգորդում է մեր այժմեականության կերպարների հետ, իսկական ունիվերսալ գուսան է: Նա հետաքրքիր է իր ամբողջության մեջ՝ որպես ժողովրդական բանաստեղծ, որպես երաժիշտ-երգահան և որպես հիանալի կատարող: Զնայած իր պատկառելի տարիքին, նա սազր ձեռքին ամուր է բռնում, և այդ սազի բնորոշ, տիմբրով հարուստ հնչումով գուսանի արտահայտիչ երգեցողությունը դառնում է ավելի գունեղ և լիահնչուն: Նա հասարակական կյանքում ևս ակտիվ է, շի կտրվում ժողովրդի լայն մասսաներից, շարունակ շրջելով ու հանդես գալով հանրապետության գյուղերում:

Գուսան Հավասու երգերն ու ոտանավորները չեն իշնում մեր ժողովրդի շուրթերից:

Այդ երգերը չեն մոռացվի, քանի որ լավ երգը երբեք չի մոռացվում:



ԳԱԱ Հիմնարար Գիտ. Գրադ.



FL0048966